






X. 2.

13. 4. a. 37.








XXVII. 10. 38

DE OFFICIO
FIDELIS ET PRVDEN-
TIS MAGISTRATVS TEM-
pore pestilentiaë Rempub.
à contagio præseruan-
di liberandique
Libri duo.

Autore Iohanne Evvich, inclytæ Reip.
Bremenſis medico ordinario.



Pſal. 40. Eccleſ. 7.

*Bene illi, qui prudenter agrotos tractat: Nam quo
tempore ipſe aliquid aduerſi patietur, Dominus
viciſſim ei auxiliabitur.*



NEAPOLI NEMETVM
excudebat Matthæus Harniſch.

ANNO M. D. LXXXII.



THE
MAYOR & COUNCIL
OF THE CITY OF
BOSTON
DO HEREBY CERTIFY
THAT THE
FOLLOWING

IS A TRUE AND CORRECT
COPY OF THE
ORIGINAL AS THE SAME
REMAINS IN THE
OFFICE OF THE
CITY CLERK



IN WITNESS WHEREOF
THESE OFFICIALS
HAVE HEREUNTO
SET THEIR HANDS
AND AFFIXED THE
OFFICIAL SEAL OF THE
CITY OF BOSTON
THIS 10TH DAY OF
MAY 1880

AMPLISSIMIS,
ORNATISSIMISQUE VIR-
RIS D. CONSVLIBVS, AC SE-
NATORIBVS REIPUBLICAE
Bremenſis, Stadienſis & Box-
tehudenſis, Dominis ac pa-
tronis meis obſeruandiſ-
ſimis S. & tranquil-
litatem.

DEPLORANDVM eſt,
viri ampliffimi, orna-
tiſſimique, naturam hu- *Miſeria vi-*
manam eò calamitatis *ta huma-*
primi parētis noſtri cul- *na.*
pa deueniſſe, adeoque
excæcatam eſſe, vt non modò aſſiduè
plurima ei incommoda, Sathanæ ten-
tationes, hominum perſecutiones, bel-
la, anguſtiæ, fames, morborum omne ge-
nus, mors denique perferenda ſint, ſed
vt etiam horum malorum neque cau-

sas intelligat, neque idonea remedia
 quærat, vel admittat. Adeo enim pleri-
 que sunt ingenii deprauatis, vt si quos
 animaduertant, qui & morbum ipsis in-
 dicare & pharmacum adhibere possint,
 ac velint, risu potiùs excipiendo, vel o-
 dio persequendo sibi esse ducant, quàm
 beneuolè audiendo, aut pro officio be-
 neficium aliquod reddendum. Quam
 indignitatem si vlli homines alij, certè
 Theologi & medici potissimùm sentire
 solent: quippe qui tum demùm odiosi
 incipiunt esse quibusdam, cùm maximè
 profuerunt, reque ipsa experiuntur, quod
 Xenophon inquit, Ingratitudinis comi-
 tem esse impudèriam. Quod etsi ita sit,
 & mihi quoque aliquando vsu venerit,
 tamen propterea non existimaui cessan-
 dum esse, quò minùs Christiani medici
 officio, tum meditando quæ vtilia sunt,
 tum agendo quæ inuēta, *δοσον δὴ μὲ ἐγὼ δέ-
 ναμαι χεῖρίν τε ποσίν τε*, studiosè fungerer.

Quamobrè cùm ante annos aliquot
 Mesuæ consilium, quo iubet Deum in
 omnibus præponi, secutus, duos libellos
 de

de rebus Theologicis, quæ vera sunt animæ medicina, in lucē ediderim; quorum vno, qui aduersum absurdas hereses nostri tēporis scriptus est, falsa dogmata quasi vitiosos humores extirpare conatus sum: altero, qui de cognitione voluntatis, gratiæq; Dei, & de veræ cognitionis fructibus ac signis inscribitur, sana relig. Christianæ doctrina, tanquā bono & salutari nutrimento imperitos alere corroborareq; volui: idē subinde cogitavi, cogitabōq; posthac, si Deus animæ parceret superstiti, in propria quoq; professione. i. corporis medicina, pro viribus præstare.

Porrò quod de Theologicis dixi, non ita intelligi velim, quasi falcem meam *Studium Theologia ad omnes pertinet.* in alienam messē temerè mittere voluerim, & πολυπραγμονεῖν; omissis enim grauius controuersis, tantū ea sum sectatus, quæ ab omnibus approbātur, aut insectatus, quæ à meliori parte improbatur, idq; illis argumētis, quæ tum in scholis, tum in templis didici, atque obseruauī. Quare nullum nefas esse puto, si discipulus lectionis suæ pensum reddi-

derit: quando omnium testimoniis cō-
 stet, à mundi primordio, inde vsque ad
 nos, non modò ius & fuisse, vt homines
 adepti rationis vsum, iudicent de reli-
 gione, sed etiam vtile & necessarium es-
 se, vt exactè iudicare, id est, falsam à vera;
 noxiam à salutari; confictam ab homini-
 bus, ab ea quæ diuinitus tradita est, dis-
 cernere possint. Quemadmodum enim
 omnes homines duabus partibus, id est,
 anima & corpore constant, ita quoque
 duplex actio in omnibus esse debet: vna,
 qua Deum magnificare & celebrare nos
 decet; altera, qua Reip. studium & ope-
 ram nauare tenemur. Atque vt illarum
 partium quamuis natura distinctarum,
 magna tamen est inter ipsas cognatio:
 sic hæ actiones à se mutuò sine graui sce-
 lere separari non possunt. Ergo impiè fa-
 ciunt, qui ita profanis negotiis publicis
 vel priuatis incumbunt, vt diuinarum
 rerum nullam aut exiguam rationem
 habeant: inhumaniter verò, qui ob di-
 uinarum studium, rem domesticam &
 publicam negligunt. Cui sententiæ ve-
 stra

stra quoque prudentia amplissimū prębet testimonium, dum in ciuitatibus vestris non solū id studetis, vt ciues commodē & tranquillē inter se viuant, sed etiam in doctrina salutis rectissimē instituti, piē & sanctē ambulent. Nam vbi alterum horum duntaxat curatur, fieri nō potest, vt Respub. & Ecclesię diu feliciter gubernentur. Quod pręter aliarum quarundam regionum exempla, afflictissimum Gallię regnū, & miserabiles Belgij prouincię, prò dolor, hodie demonstrant. Quę enim alia causa est illorum ferē inauditę calamitatis, quàm purę religionis contemptus, veritatis diuinę neglectus, eorūque qui verę pietatis studiosi fuēre, nefaria persecutio? Nā dum Magistratus suam magis autoritatē tueri studet, quàm syncerū Dei cultū; priuatę potius quàm diuinę volūtati subditos parere cogit; denique impiissimi Doēgi & Machiaueli consiliis aures libētius prębet, quàm Gamalielis ac Abdię, talia necessariò sequuntur effecta, quales pręcessēre causę. Quia autē exi-

*Gallia &
Belgium.*

tiosam hanc opinionem, & tyrannicam
 planè gubernandirationem vos ex ani-
 mo scio detestari, & in id potiùs incum-
 bere, vt subditis vestrarũ P. tam animo,
 quàm corpore quàm optimè sit, facere
 non possum, quin hanc piam voluntatẽ,
 & sanctissimam curam vestram summo-
 perè laudem; nec laudem tantum, sed e-
 tiam qualicũque studio & industria pro
 officij mei ratione adiuuem.

*De Ther.
 ad Pison.*

Quando igitur hoc tempore in tota
 ferè Germania nostra dira illa pestilentiæ
 lues, quæ rectè immanis Draco à Galeno
 appellatur, passim gliscat, & alicubi nõ
 procul à nobis atrociter grassetur, ac ve-
 lut cancer progrediẽdo pascat proxima
 quæque, multi quidem eruditi medici
 de curatione eorum qui hoc morbo la-
 borant, atque etiam de singulorum præ-
 servatione accuratè scripsere, & consilia
 sua integris libris reliquere, laudabili cer-
 tè instituto: verum quia hoc eorum stu-
 dium animaduerti non sufficere, sed cõ-
 tagium nihilominus quotidie augeri,
 suaque mobilitate vigere, virésque ac-
 quirere

quirere cundo, maximè quòd nulla publica ratio & ordo obseruetur hoc malū declinādi, maiori aliquo subsidio opus esse vidi, nempe quod officio Magistratus (in cuius opera potissima spes tanti infortunij compescendi posita est) adhibendum sit. De quo cū olim aliquid collegissem, quod partim vsu & experientia in præclarissimis vrbibus & regionibus obseruāram, partim rationi cōsentaneum esse iudicāram, visus sum mihi operę pretium facturus, si id ipsum sub incudem reuocarē, & in vulgus darem: vt si fortè aliqui persuaderi possint, in auertendo hoc pestifero periculo, nō nihil in humana industria positum esse, haberent aliquam saltem œconomiā, quā sequantur: et si consilio & orationi meę quēdā deesse putent, ipsi re & opere suppleant. Non enim talis hęc causa est, quę eleganti sermone & apta solūm descriptione contenta sit, sed quę semel prudenter deliberata, maturè perficiatur, & in actum, vt dici solet, ducatur.

Quod autem viri amplissimi V.P. hęc

meam lucubrationem coniunctim dedicare voluerim, duæ mihi potissimum causæ fuere: quarum prima quodā quasi iure me obstringere videbatur: quippe in quorum ditione iam propè 18 annos medicinā faciēdo, stipendio mihi in primis obseruādæ Reip. Bremēsis cōsumsi, vitæque meæ terminum quodāmodo fixi, vt à quibus plurimum acceperim beneficij, iisdem redderem, quantū possum, officij. Secunda in mysterio ternarij numeri vestri à me cōsiderata fuit, dū in hoc Episcopatu, quasi in vno corpore tria præcipua membra, cerebrum, cor & hepar repræsentare, summāq; animorum consensione, vnanimi subditorum gubernatione, denique concordie religionis cultu pulcherrimam quandā trinitatis harmoniam mihi referre videbamini; in qua non vni ex tribus (præsertim cū hæc cura æquè ad omnes magistratus pertineat) sed tribus potiùs in vno hoc officij debere me existimaui. Vestræ ergo P. crit, domini & patroni amplissimi, obseruandissimi que, hoc propensæ

penſæ meæ voluntatis, obſervantiæque
 testimonium in bonam partem accipe-
 re, & hanc publicæ ſalutis curam, quam
 hîc mediocriter delineavi, vobis com-
 mendatam habere. Quæ ſi quando irre-
 uocabili, ſi ita loqui fas eſt, fato victa fue-
 rit, ſatiſerit Deo, hominibuſque ſtudiũ
 & beneuolentiã ſuam approbaſſe. Chri-
 ſtus Ieſus verus omnis mali auerruncus,
 & tam carnalis quàm ſpiritualis medi-
 cus, genitus ex ingenito, in homine
 Deus, in morte vera vita (vt verbis con-
 cludam Egeſippi) vos vnà cum ſubditis
 veſtris ab hoc lethali contagio il-
 læſos, ac quàm diutiſſimè in-
 columes conſeruet. Da-
 tum Bremæ, anno

M. D. LXXXI.



V. P. deditiſſimus

Iohannes Eyvich medic. D.

P R A E F A T I O A D L E
C T O R E M D E C A V S I S
P E S T I L E N T I A E.

Alexand.
Trallian.
lib. 1. ca. 1.



CONSTANS medicorum
doctrina est, priorem partē
omnis curationis ad causa-
rum iudiciorumque co-
gnitionem esse reuocādam.
Cum igitur crebrò inter e-
ruditos disputetur de causa huius tam horri-
bilis morbi, quem pestilentiam vocamus, cu-
iusq; publicam curandi rationem tradituri
sumus, visum est mihi esse opera pretium, pa-
cis hanc rem declarare, ut tantò facilius dili-
gentiùsque suo quisque officio in hoc dracone
(ut rectè illam appellat Galen.) domando,
placandòve fungatur. Meritò enim quibus-
dam dignum admiratione videtur, tam mul-
tos saepe una in domo mori, in quam semel i-
sta lues incidit; & qui maturè inde fugerint,
plerumq; illaesos manere. Quod qui ineuita-
bili fato, aut immediata à Deo afflictione ac-
cidere autumant, meo iudicio, indistinctè lo-
quuntur. Nam quæ talis est pestis, non vulga-
ribus

ribus signis, & prorsus raro, atq; miraculose
 solet accidere. Conniuere autē Deum ad mul-
 ta, & nos, quod possit, non semper tueri: aut,
 ut rectius loquamur, tum Diabolo, tum ho-
 minibus, quin etiam nobis ipsis ad proban-
 dos nos saepenumero uti, nihil dubito, tātū
 abest, ut inficias ire velim. Deinde & illud ra-
 rum est, & multis senio confectis nunquam
 visum, pestem ex communis aëris putrefa-
 ctione oriri. Nam & hīc multa & manifesta
 signa praece dere necesse est. Vnde astrologos ex
 non satis exacta (quomodo enim possint tan-
 tarum rerum tam abditas naturas, syderū
 que omnium tam varias coniunctiones dis-
 iunctionesq; constanter obseruare?) causarum
 aestimatione, saepe turpiter hallucinari vide-
 mus. Ergo quando neq; Deum excludere, ne-
 que temere nostri erroris autorem face-
 re fas sit, de sententia doctissimorū grauiū-
 que virorum, tum philosophorum & medi-
 corum, tum theologorum hoc aequè dici posse
 videtur: pestem quidem omnem, sicut & alios
 morbos (vel Hippocrate teste) ac omnes aduer-
 sitates à Deo esse, sed nō vnā tamen habere ^{pestis est}
 naturam: alia enim merè diuina est, & sic triplex.

Diuina. 1. *proprie appellari possit; secūda naturalis: ter-
tia contagiosa. Diuina quidem, quum imme-
diatè à Deo, vel fato diuino (ut eam Alex. Be-
ned. describit) nullo naturæ errore, nullo stel-
larum situ, aut syderum defectu minante, aut
hominum vitio temeritatèq; oritur. i. cum
Dei indignantis mera voluntate iraq; morta-
libus ob delicta sua immittitur. Dirissima au-
tem res est, & subito nata sauisimè grassatur
in eos (neq; enim *υποτομαχία* illius castiga-
tionem esse dicimus) qui signati non sunt:
quam neq; fuga, neque medicamentis euitare
possumus, aut debemus, sed tantum supplica-
tionibus, votis & expiationibus locus est. Ma-
nifestatur etiam plerumq; ut est, diuinis ter-
rificisq; planè signis, aut ipsius Dei, aut Pro-
phetarum voce.*

Ion. 3.

Tob. 14.

Nab. 1. 2.

Naturalis 2. *Naturalis autem pestis est, quæ causis me-
diatis, ac in natura consistentibus nascitur.
Hac à quibusdam triplex statuitur, nèpe vel
ratione aëris, vel aquæ, vel terræ: ab aliis du-
plex (quod in idem ferè recidit) scilicet com-
munis & priuata: quarū hac Epidemia pro-
prie non vocatur, etsi causa epidemia. i. com-
munis pestis aliquando existat. Quæ autem
vel*

vel aëris, vel aqua, vel terrae ratione accidit, nec proximè, nec propriè Deum autorem habere dicunt, etsi Dominum, cui parere cogatur, & cuius nutu regatur, habeat. Adeo autem & hac saepe furit, ut urbes nobilissimas, prouincias, regionèsq; potētissimas (unde & nomen ἐπιδημίας esse videtur) integras aliquando exhauriat, regna subuertat, vestigia habitúmque priorem planè auferat, caca ut plurimum (humanitùs loquor) incerta, inconstans, vaga, inexorabilis, sine lege sauiens, quoscunque inuenit obuios rapiens, nullo nobilitatis plebisve discrimine, latè aliquando ab oriente usque ad occidentem cuncta inficiens, imò & ad animalia, ad arbores, arborúmque & terrae fructus (unde syderatio illa, quā Graeci ἀσποβολισμὸν vocant) denique & ad pisces transiens, elementis tabefactis, exitiali (ut opinantur) syderum Saturni & Martis coitu in sede Virginis aut geminorum, Luna Solisque defectu, ceterisq; circumstantiis adiectis. Hoc malum miserabile mortalibus ita euenit aliquando subitò, ut plurimi sine febre inter domesticas aut forenses actiones, aut publica negotia decem vel viginti horarum spatio,

*D. Hier.
cap. 91m
Matth.*

Luc. 4.

ἐπιδημίας.

*H. Cardā.
de rerum
variet. 15.
cap. 18.*

sine urina, pulsusq³ certo signo, in templis, in
 via, in publicis officiis, imò nonnunquam in
 conuiuiis lati, iucundi, securi (ò tristem huma
 na natura conditionem!) ex insperato, leui
 temporis momento abrumpan-
 tur.

Corn. Cels. hac specie pestis illud tripharmacum (citò, lon
 gè, tardè) tutissimum ἀλεξιθήριον esse opinan-
 tur.

Cōtagiosa. Illa verò quæ originem à contagio habet,
 Francif. de conuictu, vel contactu, vel habitu contrahi-
 Pedemont. tur eius, qui ea est pollutus, acciditq³ mera ho-
 cap. 6. de minum negligentia; quamuis non minùs ali-
 feb. putr. quando seuiat, quàm priores duæ, dum in cor
 pora idonea. i. quæ prauis, vel ad putrefactio-
 nem aptis humoribus redundant, tanquam
 Pet. Bayr. ignis instupam incidit, & securitate impru-
 de med. dentium, bonaq³ consilia contemnentium quo-
 morb. dist. tidie robur capit, atque sua mobilitate viget,
 21. tract. 2. virèsq³que acquirit eundo: adeo ut ex priuato
 1. sp. 3. damno publicum, ex singulari vniuersale tan-
 dem, quasi è parua scintilla ingens incēdium
 euadat, & secundum illud poëta,

Πολλάκι καὶ θυμπαῖσα πόλις κακῷ ἀνδρὶ ἐπαυρεῖ.

De Variet.
 verum. 3.
 cap. 46.

Hoc autē genus Epidemia neq³ Græcos, neq³
 Arabes cognouisse, testis est Hier. Cardamus,

cuī

cui ego facile assentior. Cum enim temperantius viuerent, maturè medicorum opem requirerent, admitterentq, ac prudenter cum agris versarentur, huiusmodi mali disseminationem facilius prohibuerunt illi quidem.

Quæ cum ita sint, facile intelligi potest, quemadmodum pestem à Deo hominibus immitteri Scriptura reseat, & quo pacto audientes præceptis suis ab ea liberet. Nullum enim vilum capitis nostri sine voluntate eius cadere, nullum malum in ciuitate, quod Deus non fecerit, esse, equidem fateor. Sed hac non semper immediatè à Deo proficisci, ut proxima eorum causa dici debeat, vicissim iudico: imò rectius & magis propriè de sua & proximarum causarum natura eiusmodi existere dicenda sunt, quàm respectu prouidentia Dei.

Quia unumquodq, à principiis suis internis vel proximis. i. à sua natura denominandum est, non à causis externis. Quid enim, si quis ebrius in ignem aut aquam incidat: aut dum ob ingluuiem vomitum sibi ciere studet, in rupturam venæ thoracis, & hinc in phthisin deueniat, an Deo potius, quàm ipsius ebrj intemperantia ascribes? Si quis in otio, assi-

Ch. Pezel.

3 parte arg.

Philip. de

necess.

fat. arg. 7.

VV. Musc.

Loc. com.

de afflict.

duâq; crapula viuens, cibo multiplici ac humido intempestiue & sine ordine se explens, luxu diffluens, Veneri, choreis, balneis, somno totus deditus, aëri modo frigido, modo calido sese exponens, copiam cruditatis & pituita maximè hyeme, & in frigida regione colligens, calopluuioso, natura humidus, obesus, atate senex vel puer: sit alis, inquam, in febrē quotidianam incidat, an non potius natura negligentiaq; hominis, quàm diuina prouidentia attribues? At si prater simplicem putredinem, alienam quoque perniciem isti collecti humores, ac sensim vetustate degenerantes, venenique cuiusdam participes habuerint: aëris quoque fortè inquinamentā ex infectis paludibus, lacubus, antris, specubus, hominum animantiūque cadaueribus aut excrementis, aut ex aliis grauioribus expirationibus accedant, & ex temporum tempestatūque inordinatis exuperantiis procedant, corpūsq; humanum iam ad suscipiendum aptum, vel cum cibo, vel aëre, vel quouis modo aliter penetrent: si, inquam, hac ita contingant, & natura suā febres malignas pestilentēsq; proferant, quis non potius in naturam

Iob. Far-
nel. de feb.
4. cap. 17.

turam tum aeris ac putredinis, tum in temeritatem incuriamque hominum, quam in Dei peculiarem & meram punitionem causam referat? ut meritò apud Homerum querantur dij his verbis:

Ω" πόποι, οἷον δῆνυ θεὸς ἔροτοί αἰπώονται
 Ἐξ ἡμέων γὰρ φασὶ κακ' ἔμμεναι, οἳ ὃ καὶ αὐτοὶ
 Σφῆσιν ἀτασθαλίῃσιν ὑπὲρ μόρον ἄλγε' ἔχουσιν.

Simili enim propemodum errore nonnulli involuuntur, quo apud Hippocratem quidam ipsius interpretes. Cum enim ille medicos ob- 1 Epid. 3.
Galen in
prognost.
Hipp. com-
ment. 1.servare iussisset, an quid diuini inesset morbis, illi hoc eò torquebant (inquit) quasi ira Deorum morbis corriperebantur homines. Quod Galenus in comm. ex mente eiusdem Hippocratis pernegat: etsi enim ambo non satis distinctè, utpote vera Dei cognitione destituti, de hac re iudicarunt: tamen non mox quacunque alicui incognitas aut à vulgi opinione multum diuersas causas habent, simpliciter diuina, sed sors admiranda quis dixerit.

Quæ igitur ratio est, quares, quòd passim tam constanter pestilentiam præ aliis morbis Sacrum &
diuinum.
ισπὸν. diuinam pœnam homines esse iudicent? An quia plerunque graue & atrox malum

Hieron. in
Matth. 9.

esse experiuntur? Nam & veteres tam Graeci quàm Latini, sacrum seu diuinum appellare consueuerunt, quod insolitum, vehemens & admirandum est. Esto verò. Hoc tamen doctorum & piorum testimoniis constat, non semper, quod ab initio dictum est, Dei immediatam esse punitionem, quemadmodum illi vel praeter imperitia, vel nimia religione sibi persuaferunt. D. Hieronymus ait, plerasque corporis debilitates (quod sanè ei concedendum est) euenire propter peccata: ergo plerasque aliis de causis, id est, natura, hominum vtemeritate & negligentia (quod M. Lutherus de peste Vitebergensi, anno 27 ultro fatetur) accidere, eo ipso indicare videtur. Et Basilius re ac nomine magnus, non omnes aegritudines esse naturae, aut ex neglecto victu, aut aliis quibusdam principiis, quibus medicina utilis sit, affirmat, sed saepe flagella peccatorum ad conuersionem à Deo inducta esse, secundum illud: Quem diligit Dominus, castigat: castigat autem omnem filium quem recipit. Certè cum dicit non omnes & saepe, aliquas quoque naturae esse, & saepe non immediata à Deo flagella esse hoc ipsum et fatetur.

tetur. Possem idem summorum ac principu-
 rum virorum multis & luculentis testimo-
 niis probare, sed puto neminem esse, nisi planè
 oculis & mète careat, aut præ auidiâq; omnes
 sensus obstupescitos habeat, qui id velit ne-
 gare. Quare cùm veritati consentaneum sit
 quod dicimus, faceat illorum imperita per-
 tinacia, qui omnem pestem immediatam Dei
 plagam esse persuasi, nullum conatum, nullū
 studium ab hominibus adhiberi ad eam abi-
 gendam; sed tantū cum Eucharistia ad preces
 & supplicationes confugiendum esse volunt:
 omnes humanos labores & sumtus vanos &
 inutiles esse dictitantes: quod similiter cen-
 sent nonnulli de reliquis omnibus morbis. No-
 bis enim longè aliter sentiendum est: qui cū
 Deo omnia subiecta esse, illiusq; nutu regi, piè
 confiteamur; nostro tamen vitio naturaq;
 cursu multa contingere affirmamus, quæ
 post Deum humana ope & studio e-
 mendari, vitari, vel etiam
 mutari possint &
 debeant.

9

b 3



DE OFFICIO FI-
DELIS ET PRVDENTIS
MAGISTRATVS, TEMPORE
pestilentix Rempub. à con-
tagio præseruandi,
liberandique.

LIBER I.

*Ad Magistratum pertine-
re publicæ salutis curam.*

CAPVT I.



S A I A S diuinus Propheta, *Esa. cap.*
& Homerus poetarum sum- *49.60.*
mus, alter cælesti, alter natu- *Homerus*
ræ lege excellenter illumi- *Isad. 1.*
natus, Principes & Magistra- *Plato 4 de*
tus insigni titulo ornarunt, *Rep.*
dum ille sua lingua Ome-
nim, hoc est, nutritios, videlicet Ecclesiæ: hic
verò ποιμένας λαῶν, id est, pastores populi eos
appellarunt: nimirum ob id, quod suos subdi-
tos salutaribus legibus, & recta disciplina rege-
re, tueri, atque etiam quæ ad victum necessaria

*Compara-
tio.*

sunt, illis quodammodo procurare debeāt. Et si enim non tribuunt vnicuique in manum, quē-
admodum parentes liberis, quod comedant ac
bibant: et si nos non alunt otiosos, tamen cum
prudenti politia id efficiunt, vt nihil desit, quod
quisque vel commercio, vel opera, vel re sibi stu-
det comparare: quodq; honesta ratione compa-
ratum est, tutò possidere & lætè frui possit, non
immeritò hoc honorificū nomen & elogiū illis
tribuerunt. Quemadmodū autem diligenti nu-
tritio ac fideli pastori nō satis est ea alumno gre-
gique suo procurasse, quæ ad necessarios vitæ v-
sus requiruntur, verū etiam quæ damnum va-
letudini inferre possint, auertere: quæ verò in
discrimine constitutis salutare remedium affer-
re, prospicere satagunt: Ita quoque prudens ac
fidelis magistratus non tantū curam & indu-
striam illis rebus adhibere debet, quæ res ad cō-
mercia iustè habēda, ad artificia mechanica gna-
uiter obeunda, ad tranquillitatem inter ciues
conseruandam, pacēmq; colendam pertinent,
sed etiam ea prohibere debet, quæ illa aut tolle-
re, aut magna ex parte labefactare, aut vniuer-
sam societatem funesto contagio inficere, ac mi-
serabili casu vitam vniuscuiusque attentare &
perdere queant: maximam imperij partem ar-
bitratus communis salutis procurationem. Si
enim dii sunt, & (vt psalmista ipse rex ac guber-
nator eos vocat) filij Excelsissimi, profectò Deū,
à quo indies tum necessaria postulamus, tum
non

non necessaria aut aduersa deprecamur, hac ratione sedulò imitandū sibi esse scire debēt, vt nō solum vtilibus, necessariis, salutaribúsq; rebus ciuitatem instruant, sed ab inutilibus etiā perniciosisq; præseruent ac liberent. Quod cūm videret, quantūuis veri Dei inanis gentilitas summè necessarium & propè diuinum esse, non ἀναλογικῶς, vt Iudæi ac Christiani, sed ἀληθῶς reges, Principesque populi, Deos vocare, & diuinis honoribus mortales colere cœpit. Nam quum nulla vnquam tam barbara natio extiterit, quæ non habuerit aliquem Deitatis sensum: imò quum Apostolus hac de causa ipsas quoque gentes inexcusabiles esse, quia id quod de Deo cognosci possit, in animis suis inscriptum haberent, disertè affirmet: quis credat eos toto cælo æberrasse, quum pro diis colendos censuerunt, (quod Plinius diuinum esse dixit) quos alios omnistudio iuuare animaduenterent? Quamuis enim non rectè tribuerint pluribus, quod debebatur vni: tamen naturæ viribus adeo profecerunt, vt Dei naturam officiūque propè cognouerint, licet non probè coluerunt. Præterea alibi idem Apostolus comparat Ecclesiam cum humano corpore: sicut enim mēbra suam singula habent facultatem & functionem, vna tamen vi cerebri cuncta reguntur, vtilia appetunt atque amplectuntur, noxia declinant: ita quoque Magistratus, qui in externa hac societate caput vulgi sunt, reliquis ciuibz salutaria

*Galen. ad
Pison. cap.*

*2.
Psul. 21.*

Rom. 2.

*Lib. 2 nat.
hist. cap. 7.*

proponere, dānosa verò arcere debēt, vt verè pa-
storū & nutritiorū munus implere dici possint.

Obiectio.

Quod si verò dicat aliquis, Dei propriū mu-
nus esse, conseruare & regere humanum genus,

Responsio.

quod singulari consilio condidit: Respondeo ve-
rum quidem id esse, sed quemadmodum Deus
per ministerium hominū nos docet, liberat à
peccatis, gratiæ suæ participes reddit ac seruat,
quamuis re ipsa hæc non sint hominis opera: ita
& gubernat conseruatque vitam humanam per
hominum illorum ministerium, quos ad hoc
munus eligit, & huius laudis participes fieri si-

Cic. de leg.

nit. Hinc Romulus, qui Romanam urbem con-
didit, & Quirinus ille fuisse existimatur, quodā

Romulus.

*Augustin.
de ciuit.*

Dei 2, cap.

15.

Hercules.

iure Deorum consortio ascriptus est, propterea
quod se benignum beneficūque gubernato-
rē populo exhibuisset. Hercules ex Ioue & Alc-

mena genitus, non solū nomen hoc (ita enim
responderat oraculum, ἦρα γὰρ ἀνθρώποισι φέρων
κλέος ἀφθιτον ἕξεις) obtinuit, quod immortali

honore fuit consecratum, sed etiam in numerū
deorum relatus est, quod monstra quæ homini-
bus damna darent, grauiāque pericula afferret,
indefesso studio summisque laboribus è medio

Apollo.

Æsculap.

tolleret. Apollo & filius eius Æsculapius pro-
pter opem medicam, qua hominibus maximè
profuerunt, deorum nomen adepti sunt. Eru-
besco referens, cognato quodam errore nostri
maiores multis erexere templa, ac tantū non
diuinum tribuebant cultum, de quibus vix cō-

stat,

stat, an in rerum natura vnquam extiterint, aut opinio saltem leuis esset, quòd aliis similia officia præstiterint. Quare etsi non parum illos deliquisse existimemus: tamen quòd agnouerint, singulari gloria dignos esse, qui pluribus profuissent, magis excusandam, quàm imitandam eorum infirmitatem censeo. Nam hoc certè ex illorum credulitate cõstat, maximè decere, qui aliis præsumunt, subditorum suorum salutem quibuscunque modis procurare actueri, omnibus quæ eam labefactare possint, maturè & prudenter è medio sublatis. Quamobrem, quis velit dubitare, in hoc quoque rerum statu, quo de hîc agimus, videlicet luis pestiferæ, pium & prudentem magistratum non oscitanter, sed alacriter, (segnitiei enim hîc locus non est, & quod Hippocrates inquit, in omnibus morbis periculosam esse moram, id præcipuè in hoc lethifero morbo usu venit) non parcè, sed copiosè agere debere, neque modò de salutaribus rebus prouidere, verùm etiam de noxiis sollicitum esse, vt maturè & prudenter auertat, oportere? Cùm enim pestis sit perniciosissimus simul & contagiosissimus affectus, imò (quemadmodum Galenus loquitur) quasi draco quidam, qui contra hominem venenum spirat, induciàsque omnino negat, & rarò ad pacis conditiones descendit, grauitèr peccat in charitatem, quisquis non pro virili sua parte aliquid præsidij, tanquam antidotum, quod istum draconem domet, conqui-

*Gal. ad Pr
son. 2.*

*In epistola
ad Crate.*

*Vide Ofla-
nium
med. in
præfat. o-
peris sui.*

rat & afferat grauiſſimè autem Magiſtratus, qui
 in hac communi calamitate præ ceteris pluri-
 mum poteſt & debet. Neque nos hîc mouere de-
 bet quorundam inſignium & eruditiffimorum
 virorum autoritas, qui nimium imprudenter
 negare videntur, ad Magiſtratum hanc curam
 pertinere, cuius non ſit, homines à morbis libe-
 rare, ſed vitæ duntaxat & fortunarum noſtrarū
 ſecuritatem & pacem tueri: ſatis enim vel ipſo-
 rummet verbis probari poteſt, etſi Magiſtratus
 non debeat curare ſingulorum hominum mor-
 bos, aut ab illis qui publicè nōn graſſantur, neq;
 communes cauſas habēt, præſeruare (hoc enim
 medicorum proprium eſt officium) tamē quan-
 do illorum muneris eſſe affirmāt, vt miniſterio
 & autoritate ſua præſtent, vt ſubditi commodè
 viuere poſſint: quis non intelligit, hanc commo-
 ditatem etiam ad corporis ſalutem pertinere?
 Quod qui non credit, is nunquam vidit, quàm
 miſerè perturbentur omnia hominum officia,
 Eccleſiarum ordo, ſtudia pietatis, iuuetutis in-
 ſtitutio, commercia ciuium, vnde ſingulorum
 grauiſſimam deſtructionem neceſſe eſt ſequi,
 quando peſtilentia urbem vel regionem aliquā
 infeſtat. Quare te ipſum appello, quiſquis in ea
 ſentētia es, vt non putes, Magiſtratus eſſe, rem ap-
 à morbis (præſertim verò Epidemicis) præſer-
 uare, nōnne morbi cuiusmodi inter reliquas in-
 commoditates numerandi tibi videntur? An
 verò commodè his graſſantibus viuere inter ſe
 homines

homines possunt? Certè affirmare id non potes-
 si antè quid pestis sit, quidve, vbi semel inualue-
 rit, agat, vnquam es expertus. Cur ergo, inquâ,
 alienum à magistratus officio esse putas, homi-
 nes à morbis eiusmodi liberare, id est, publica
 cura tueri? Amabò, non vidisti, quod in omni-
 bus benè constitutis rebusp. vsitatum est, quàm
 gnauiter in ciuitatibus Magistratus curet, cumu-
 létq, quæ seruiunt in vsus bellicos? quàm stu-
 diosè præparet arma? quàm sedulò instructa
 præsidia retineat, maximè quando aliquid me-
 tuit futuri incommodi? at in quem finem, nisi
 vt commodè viuatur? Quare aluntur equi, ædi-
 ficantur naues, reparantur mœnia, circumdu-
 cuntur fossæ, eriguntur turres & aggeres, nisi vt
 ciues tuti contra hostiles insultus viuant com-
 modiùs? Aluntur simili de causa canes, stringū-
 tur retia, conducuntur venatores, coeuntq, cum
 rure cohortes, si quando lupi aut similes beluæ
 regionem infestant. Memini in regno Franciæ
 Leopardos quosdam, quos Rex alere solet: cu-
 stodia euadere, atque passim agricolis damnum
 vitæ dare. Integrâ regio cōscripta fuit, nec sum-
 tibus, nec laboribus parsitum est, donec liberaf-
 sent terram illa formidine. Quâtò igitur iustiùs
 in hac quoque calamitate prouidam aliquam ra-
 tionem instituere oportebit, qua tam potēs ho-
 stis, & fera belua, quæ breuissimò tempore latif-
 simè grassari solet, & velut cancer, vicina quæq,
 depascit, à ceruicibus nostris auertatur? vt ne

*Le. Lem-
 nius 2 de
 ocul. nat.
 miracul.
 cap. 4.*

Leprosi.

cum immundis leprosis versarentur mundi in veteri Testamento, Magistratus autoritate, illorum fiebat separatio, neque prius in populum reliquum recipiebantur, quàm à constitutis ad hoc presbyteris nudati iudicarentur. Item hodie quadam illorum similitudine (nequaquam enim idem utrobique est malum, neque eadem

Elephantiaci.

separationis causa, ut dicitur alibi) Elephantiaci nostri censura publica abs reliquo hominum conuictu remouentur. Eandem retinet consuetudinem, eademque prudentia clarissima hodie,

Respublica Venetiana.

& toto ferè orbe terrarum potentissima Respublica Venetiana (ad cuius solertiæ imaginem hanc meam qualemcūque institutionem ruditer adumbraui) in diiudicandis tractandisque pestiferis. Eandem huic propè frequentissimo

Patahina.

emporio, ac nominis celebritate similis vrbs Antuerpia. Patauij nobilissima ciuitate vidi ipse, quando sub medicis ibi militabam, Magistratū conuocatis medicis, ac causa, quæ tunc à solo cōtagio orta erat, ab illis explicata, nihil industriæ, nihil sumtum prætermisisse, ut ab ea ciues suos præseruaret, liberaretque: quod & breui tempore, etiam si malum per totam urbem sparsum erat, feliciter perfecit. Idem dicere possum de Philippo Hafsæ Landgrauio, qui annis ab hinc aliquot, quādo pestis in vicinis partibus gliscebatur, tam sollicitè, tamque paternè ex medicorum suorum consilio, quod per omnes ditiones diuulgatum fuit, egit, ut meritò exemplar esse

possit,

possit, quod reliqui pij & prudentes Principes
 & Magistratus imitentur, de quo in sequenti ca-
 pite latius dicetur. Postremò idem quoque fe-
 cit nostræ inclitæ, & mihi obseruandæ Reipub.
 Magistratus, cùm anno 1565, hanc beluam pau-
 cas suæ ciuitatis ædes quorundam imprudentia
 inuasisse percepisset, me in Senatum vocatum
 rationem ac consilium rogarunt, quo possent
 commissum sibi à Deo populum illæsum con-
 seruare: pia & planè Christiano Magistratu, nisi
 vehementer erro, dignissima sollicitudine. Quæ
 cùm ita sint, si Principes Magistratúsque nomen
 suum (quod initio diximus non solum à Pro-
 phetis, sed etiam à sapientibus Ethnicis illis im-
 positum esse) tueri volent, & quod dicuntur, nu-
 tritij & pastores verè cupient esse, fideliter & pru-
 denter agendum sibi esse ducunt, vt & in hac tē-
 poris constitutione nihil curæ prætermittant,
 quod ad huiusmodi lethale & contagio-
 sum malum auertendum, suosq; sub-
 ditos ab eo præseruandum, li-
 berandumque quoquo
 modo faciat,



*Ut Magistratus publicam pœ-
nitentiam ante omnia
indicat.*

C A P V T I I.



E D dicat forsân aliquis, Tu quasi in prouidentia viribûs- que hominum vniuersa res posita sit, agis, neque diuini auxilij, vnde omnis victoriæ spes, præsertim in tam ancipiti prælio pendet, mentionē facis: quum tamen vel Mesuæ testimonio constet, in cunctis quæ à nobis fiunt, esse præponēdum Deum, vt securè & confidenter omnia experiri possimus. Respondeo, cū de officio fidelis Magistratus loquor, & Christianus cum Christianis ago, ita illa duo, id est, Dei gratiam, atque hominum operam coniuncta esse volo, vt alter alterius ope minimè destituatur. Rectissimè enim piissimèque dixit Hippocrates: Supplicare quidem diis detorum ac valde bonum est, sed oportet ipsum tamen hominem aliquid quoque agere, & deos simul inuocare. Quid ita? Quia homo sine Deo nihil potest, & Deus sine homine non vult omnia facere: benignus quidē est Deus, & homo valde egenus & inops, cū
nihil

*Lib. 1. de
Insom.*

nihil habeat, quod ex illius manu non acceperit, sed vult rogari Deus, atque hac ratione homines suam inopiam agnoscere: quare ad illius obedientiam, in qua omnis felicitas nostra consistit, impellamur. Si diligenter, inquit Moses *Exod. 5.* & Aaron ad Israelem, audieris vocem Domini Dei tui, & quod rectum in oculis eius est, feceris, & auscultaueris præceptis eius, custodierisq; omnia statuta eius, nullum languorem, quem Aegyptiis immisi, tibi immittam, quia ego Dominus te sanans: sin autem non audieritis me, (dicit Deus) neque feceritis omnia præcepta ista, *Leuit. 26.* & si auersati fueritis statuta mea, & non feceritis cuncta præcepta mea, quin potius fœdus meum irritum reddideritis, ego quoque hoc faciam vobis: visitabo vos terrore, tumore, & febre ardenti, quæ oculos cōsumant, & animā contabescere faciant. Item aliis pluribus in locis peculiaris mentio fit pestilentiae, quam Deus vel minatur inobedientibus, vel à qua se liberaturum promittit pios: vt nullum dubium sit, quantumuis *Nume. 14. Deut. 28. Ezech. 5. 14. 2. Reg. 2.* non omnem pestem peculiarem Dei poenam esse, neque semper immediatè à Deo (quod præcipuè obseruandum est) verum aliquândo (quod antè dictum) vel naturæ cursu, vel hominum culpa & negligentia existere intelligamus: tamò quamcūque habeat originem, semper & ante omnia ad Dei opem esse confugiendum: cuius potenti manui omnem & morbum & sanitatē, vitam & mortem subiecta esse certissimè credimus.

Quare cūm cōstet, hanc quoque causā, qua de hīc agimus, vel maximē ad Magistratum pertinere, vt pro viribus populum suum ab imminenti periculo & morborum contagio præsferuet, vel à præsenti liberet, principio hoc curæ sit illis, vt ipsi serio timore ad Deum conuersi, subditis subinde vniuersis publicam pœnitentiam, quæ & precibus tum priuatim, tum in solenni conuentu fuis, & eleemosynis, & abstinentia (non cibi solū & potus, sed & omnis luxus; chorearum, commestationū) ostendi solet, indicant, indictamq; exequantur: exemplo populi Niniuitici, cui cūm Dominus per Prophetā minatus esset pœnam propter peccata, Rex ieiunium triduanum, non hominibus modò, sed etiam brutis, præter alia pœnitentiæ opera, iniunxit, vt hac ratione iratum Deum sibi reconciliarent. Cūm Dauid transgressus esset præceptum Domini, immissa est populo tam sæua pestis, vt spatio trium dierum septuaginta hominum millia extingueretur. Qua calamitate motus Dauid, Domino confessus est peccatū suum, & ab illo precibus impetrauit, vt ilicet omnis ea afflictio cessaret. Similiter de Ezechiele Rege legitur, cūm ei denuntiata mors esset, seria tamen ad Deum conuersione & amaro fletu viginti annorum spatio vitam prolongasse. Legitur & sub Elia, quando trienniū & ampliū cælū clausum fuisset, nec pluisset hilū, vnde miserabilis anno-næ caritas secuta est, Helisæi precibus omnem hanc

2 Reg. 2.

2 Chron. 20.
Egesipp. de
excid. Hie-
rosol. cap. 9.

Ezech. 18.

1 Timot. 2.

hanc inopiam repentina copia fuisse compensa-
 tam. Huc meritò referri potest laudabile factum
 Illustrissimi Principis D. Philippi Lantgrauij,
 cuius publicum de hac re scriptum Latine à me
 translatum, tanquam perfectum fidelis & pru-
 dentis Magistratus exemplar, quod imitari pos-
 sint, omnibus hîc proponere volui: sic autem
 habet: Notum omnibus & singulis subditis no-
 stris esse volumus, ad nos referri, contagiosum
 illud pestilentiaë malum in locis ditionibus no-
 stris vicinis circumquaque vehementer grassa-
 ri, vt metuendum sit, ad nostrum quoque terri-
 torium successurum, nostrôsque subditos inuasurum.
 Quando igitur eiusmodi calamitas haud
 dubiè pœna est peccatorum, admonitos volu-
 mus omnes, vt primùm seriò se ad Deum con-
 uertant, ac veniam culpæ eum precentur: dein-
 de edendo bibendoque temperanter se gerant, &
 fiduciâ suam in Deo, qui est vnicus & verus me-
 dicus languoris nostri, collocent. Conuocaui-
 mus etiam clementi & populis nostris benefa-
 ciendi animo, medicos nostros, eosque delibe-
 rare, in medium consulere, remediâque in vsum
 tam inopum, quàm opulentiorum præscribere
 iussimus, quibus post Dei inuocationem se quis-
 que aduersus lethale hunc & contagiosum mor-
 bum tueatur & præseruet, vel si eo affectus fue-
 rit, quomodo sese gerat & sanetur, sicut ordine
 perspicuè hoc scripto nostro continetur: ad cu-
 ius normam pro virili sua vnusquisque se regat:

*Philippi
 Landgrauij scriptum
 mandatum
 &c.*

„ sed ut præcipuè Deo, qui vnicum est præsidium
 „ nostrum in aduersitatibus, sibi fidendum sciat,
 „ ei que constanter adhærescat &c. Hæc sunt o-
 ptimi clemētissimique Principis verba: reliqua
 verò, quæ ad remediorum rationem & genera
 spectant, huc non transferam. Postremò simili
 pietatis, & in ciues suos φιλοσοφίας testimonio,
 Magistratus quoque noster anno 65, cùm pesti-
 lentia vrbs nostra affligeretur, omnibus Eccle-
 siæ suæ ministris præcepit, ut populum identidè
 ad resipiscentiam, ad mutuæ charitatis officia,
 denique ad sui suorumque valetudinem secun-
 dum regulam à me mandato suo præscriptam &
 publicatam, curandam seriò ac assiduè adhor-
 tarentur. Agnoscebant enim certissimum, ve-
 rissimùmque esse, quod Apostolus dixit: Fidelis
 est Deus, nec vult mortem peccatoris, sed ut cō-
 uertatur & viuat. Quod manifestè probauit,
 cùm Filium suum vnigenitum in mortem, & in
 mortem quidem crucis pro nobis dederit. Item
 D. Iohannes nos monet, ne peccemus: quòd si
 autem peccauerimus, aduocatū nos habere ait
 apud Patrem, qui pro vniuerso mundo interce-
 dat. Hisce laudatissimis exemplis non solùm ve-
 ra Magistratus aduersus subditos suos cura, sed
 etiam peculiaris erga Deum pietas, & Euange-
 licæ veritatis fructus relucet & demonstran-
 tur. Quorum imitatione & vestigiis etiam pro
 se quisque incitari, confirmari que debet, ut Deū
 sedulò orat, & indubitanter credat, ad se quoq;

perti-

pertinere, quod Christus paralytico dixit: Fili confide, remissa sunt tibi peccata tua: Item leproso, Volo vt saneris, esto mundus.

De constituendis conseruatoribus sanitatis.

C A P. III.



HIS igitur prophylacticis, & tanquam spiritualibus armis muniti, videlicet bona cōscientia erga Deum, & firma fiducia de exhibita peccatorum nostrorum (quæ sunt omnium calamitatum primariæ causæ) remissione, promissæque gratia, imitari debet fidelis & prudens Magistratus vsitatam & laudabilem cōsuetudinem Rerum-pub. tēporibus bellicis. Quæ verò est illa? Cū fama increbrescit, aliquem potentem Tyrannum, de quo suspicio est malevolentia, in armis esse, exercitum collegisse, hære in confinibus, nec in quos sit primū impressiōem facturū, satis constet, conscribere solent duces suos & capitaneos, qui obligati ipsis sunt, & cum his, quādo de viribus com meatūq; ab vniuerso Senatu actum est, consultant, ecquibus rationibus impetenti forsan hosti obuiam ire, quo maturè à

finibus suis arceant, possint. Idem facimus, quādo eo ipso tempore de munimentis publicis, de mœnibus, de aggeribus, bombardis, omnisque generis armaturis consilium capiendum est, ut compellatis ædilibus, architectis ac artificibus, quid adsit, quid desit, quanto ad ea, quæ adhuc desiderantur, tempore sumtūq; opus sit, disquiratur & cognoscatur, ut collatis viribus, ac ductis ab vniuersa summa impensis, quousque suffecturi simus bello, intelligamus. Ita me hercule, ac non minori sollicitudine, gliscentibus eiusmodi contagiosis morbis agere debet Magistratus, ut conuocatis medicis, summa diligētia circumspectiatur, quemadmodum post inuocationem Dei, illique nobis & rebus nostris fideliter commēdatis, quoad licet humana industria viribūque venienti morbo occurramus, neq; illud, serò medicina paratur, cū mala per longas conualuēre moras, expectemus: neque isti primū sapiamus: quod non solū extremæ vecordiæ & dementiæ fuerit, sed etiam contra fidelis & prudentis Magistratus officium, quod describendum suscepimus. Ad quam rem etsi maior prudentia rerūque experientia requirantur, quā ego in me agnoscam: tamen quoniam à nemine antehac (quod equidem sciam) hoc argumētum vniuersim tractatum, literisq; vulgatum est, si nihil aliud, saltem hoc efficiam, ut vel eruditiores excitem, ut quod in me desiderabunt, maiori ingenio compleāt: vel quibus

hæc

*Eccles 18.
Ruffin. in
præf. hist.
Eccles.*

hæc cura exequenda demandabitur, quod verbis meis deerit, re ipsa illi perficiet. Mihi satis est, si non egregiam operam, saltem præclaram voluntatem iuuandis hominibus probauisse. Neque enim talis hæc causa est, quæ eleganti oratione contenta sit, sed quæ prudenter & bene deliberata maturè in actum deducatur: quòdque Plato de omni virtute dixit, inchoari eam ab intelligentia, qua quid agendum sit, disquiritur: terminari verò fortitudine, qua perficitur, id certè in hoc negotio vel in primis opus est.

Vnde igitur tandem exordium nobis ducendum? nimirum ab illis ipsis, quorum arbitrio pene cuncta, quæ deinceps statuenda sunt, gerentur & administrabuntur: hi autem conseruatores sanitatis vt nomine, ita & re erunt: non plurimi quidem numero (paucis enim præesse natura dedit, pluribus obtèperare) verùm duntaxat tres, ex toto ordine, partim Senatus, partim ciuium, prout maximè idonei ad eam rem videbuntur selecti, moribus integri, Deum timentes, rerum experientia cum mediocri literarum cognitione (si fieri potest) præditi, ciuibz chari, publicæ salutis studiosi, fideles, graues, nihil priuato còmodo, gloriæ, amoris, odio, inuidentiæ, ulliue perturbationi tribuentes. Si quid inciderit, cui pares esse non videbuntur, id ad totum referent Senatum, atque inde velut à communi fonte, quod factò opus est, postulabunt. Cogitabunt autem, & sibi certissimò per-

*Conserua-
tores sani-
tatis.*

suadebunt, rationem tanti mali amouendi magna ex parte, post Dei opem, in ipsorum industria ac fide positum esse. Quemadmodum enim ad medicos pertinet, prouidere ne corpora singulorum incidant in pestem ex aeris constitutione, ita conseruatorum erit, prohibere vel tollere contagium publicum & extèrnum. Porro si cui nouum videatur quod dico, sciat, nos hâc nouam quidem, sed tamen prorsus vtilem, necessariamque politiæ partem moliri. Nec enim sequitur, si noua sit res quæpiam, ob id noxiam quoque esse; omnia siquidem quæ modò sunt vetera, noua aliquando fuerunt: & quæ nunc noua cum consilio tamen & ratione suscipiuntur, instituunturque, diuturnitatem etiam feliciter accipere, & vetera fieri possunt. Cùmque in aliis omnibus Reipub. partibus prudenter aliquot præfecti sunt, qui earum curam gerant, ut ædiles structuris, Tribuni militiæ, Scholarchæ ludo literario, seplasiarum inspectores pharmacis: præterea quando in omnibus rebus semper præstet ordo ataxiæ, sitque Deus ipse ordinis autor & propugnator, spero cordatos homines facile concessuros, ut hanc nouitatem Respublicæ admittant. Et si enim durior ab initio videbitur insuetis, tamen vsu mollescet & gratior reddetur. Nam ut verissimè dixit Balthasar Castilionensis, scriptor Italus: Vfus plus quàm ratio valet in introducendis nouis, & veteribus abolendis. Quid autem per nouum hunc Magistratum curari

curari velim: quisq; ordo tum in personis, tum rebus omnibus constituendus ab illis sit: præterea quomodo sanis simul & ægris (quâtū quidem ad publicam curam spectat, nam hîc singulis non consulitur) rectissimè prospiciatur, accurate, planè atque distinctè, quali ab vniuerso Senatu ad hoc compellatus (officij enim mei ratio semper id requirit) posthac in medium afferre conabor, ac suis quæque capitibus singulatim complectar & tradam.

De Medicis, Chirurgis ac Pharmacopœis.

C A P. I V.



CONSTITVTI igitur hi, (quos diximus) conseruatores, communi Senatus volū-
tate, assensūque (si sit opus) ci-
uium, primum omnium,
quod sibi procurandum sta-
tuent, erit, vt de medicis, chir-
urgis ac pharmacopœis, quos apothecarios vul-
gò nominant, Reip. prospiciant: quos ætate, fa-
ma, eruditione, experientia, morum honestate,
virtute, Dei tandem timore maximè probatos
& idoneos iudicauerint. Quales si fortè Resp.
non habeat, aut habere nequeat (difficilè enim

est, præsertim temporibus tam periculosis, tales tamque perfectos inuenire) saltem in proximo gradu ut sint, ac fide, industria, temperantia, v-
 sūq; mediocri ut commendentur ac polleant, fa-
 tagent. Hi verò salario honesto conducti, & iu-
 reiurando, nequam discedendi occasionem (ut
 est humana imbecillitas) ob ingrauescentis for-
 tē mali horrorem, captent, Reipub. obstricti, sin-
 gulatim vnusquisque eorum, quid sui sit officij
 moneri debent, videlicet ut viriliter mortis ti-
 more excusso, ad fidem, operamque suam Deo
 & hominibus approbandam gnauiter incum-
 bant: Deum inspectorem & iudicem esse eorum
 quæ agunt, quantumuis vulgus artis imperitū
 latere possint. Si quid per errorem fraudēve
 commiserint, impunitum non fore: sin verò se-
 dulò ac fideliter in suo officio versati fuerint, lō-
 gē ampliorem mercedem post hanc vitam acce-
 pturos, quàm hīc ab hominibus persolui queat.
Psalm. 40. Bene, inquit Psalmista, illi, qui fideliter ægrotos
Eccl. 7. tractat: nam quo tempore ipse aduersi aliquid
 patietur, Dominus vicissim ei auxilium feret.

Medicus autem priuatim per Conseruatores
 admonebitur, ut sæpe cogitet, quantam omniū
 spem in se recipiat, qua ipsum, tanquam Deum
 aliquem e cælo in terram missum suspecturi &
 obseruaturi sint ciues omnes. Item, quàm ma-
Hipp. de de gnā gratiam initurus sit apud omnium ordi-
centiorna-
tu. Item in num homines, qui ipsius ope feliciter vsi ac ser-
lib. de prac. uati fuerint: quàmque præclaram famam de se
med. sit

fit excitaturus apud alios, quæ ne quidem post mortem sit extinguenda. Etsi enim quorundam ingratitude magna est, præsertim erga medicos: tamen complures tam beneficos futuros, ut sua liberalitate affatim compensent, quod alij auaritia facere neglexerunt. Ingenuorum virorum esse, diligentiorum rationem officij sui habere, quàm lucri, ac magis salutem ciuium, (quod omnia sua studia referre decet medicum Christianum) quàm vel honores, vel opes quærere & spectare. Proinde facilem ac humanum se præbeat erga omnes, pauperibus non solum operam, sed etiam opem pro facultatibus suis afferat: à ditioribus verò salarium oblatum ea modestia & hilaritate accipiat, ut hominum causa munera, non homines propter munera amare videatur: ambitionem enim, habendique sceleratam cupidinem sophistas *δοξολόγους καὶ καινοδόξους* Thessalos ac Paracelsos, non suæ suorumque ciuium salutis studiosos decere. Quin potius nocte dièque meditabitur, ut quicquid ex usu sit, quo arte sua possit à tam periculoso hoste suæ fidei & curæ commissos præseruare vel curare, id in timore Dei maturè & prudenter adhibeat, ut punctum illud, citò, tutò, iucundè (in quo vniuersum sapientis piique medici officiū versatur) quàm proximè attingat.

Chirurgi verò admoniti sint, ut se exhibeant *Chirurgi.* promptos, ac in omnibus circumspectos. Item, ut sua consilia cum medicis communicent, atque

ex illorum præscripto omnia agant. Et si enim vitio temporum & hominum separata modò sit professio, quæ olim erat vna: sitq; hæc pars, quæ chirurgia appellatur, ad ipsos trās lata: tamē multa in ea difficilia esse sciunt, quæ nisi à medicis eruditis discāt, eorūque consilio agant, nō satis possunt stationem suam tueri, dignitatique artis cum ipsorum ignominia sæpe multum detrahunt, negligentia verò & imperitia apud alios traducuntur & diffamantur. Persuasi igitur sint, non esse inhonestum, neque indecorū, quod Solon de se ipso dicebat, *γηράσκω δ' αὖτις πολλὰ διδασκόμενος*, & quod Hipp. inquit: In præsentis rei angustia, imperitia tenebras offundente alios quoque accersendos esse, quo ex cōmuni consideratione ægri causa inquiratur & cognoscatur, illique cooperatores fiant ad auxiliij ferendi facultatem. Nam (vt idem ait) in afflictionis assiduitate, augescente affectione, ob cōsiliij inopiam plurima ad rem præsentem effugiunt. Ad manum autem habeant chirurgi nostri materiam vnguentis, emplastris, epithematibus (nam hisce instrumentis ars ipsorum ferè in hoc morbo absoluitur) conficiendis idoneam. Nec desint lanceolæ ad tundendam venam aptæ, nec rasoria ad secandū, nec ferrum ad vrendum, si qui eruperint (quod plerunque fit) carbunculos vel apostemata.

*Hipp. de
præcept.*

Pharmacopœi.

Pharmacopœus demum instructus sit, vt omnis generis necessaria remedia tam simplicia, quàm

quàm composita, antidota, prophylactica, &c. in promptu habeat, ac secundum medicorum præscriptum pro vniuscuiusque facultate fideliter administret, pretioque iusto diuendat. Cogitet omnem ferè & medici & chirurgi consilij actionisque rationem ac profectum à se pendere. Quid enim profit artificiosè industrièque agere illos, si hic infideliter ac oscitanter suppediet ea, quibus ars atque opera omnis cum laude perficienda sit? Non existimet se ad prædandum occasionem nactum esse, cùm ciues extrema necessitate coactos ad ipsius officinam cateruatim concurrere videt: sed potiùs velut coquum se esse (quo modo tamen nihil volo detractum honori ipsius, cùm nec Galenus medicorum dignitati quicquam detrahit, quādo artem suam cum restauratrice antiquarum ædium comparat) qui plurimorum desideria & famem sedare subleuarèque debeat: vel tãquam œconomum in magni cuiusdam Principis aula, qui toti familiæ pro diuersitate officij, ætatis, dignitatísque ex mandato domini cibum potumque subministret. Quamobrem quod recipit pretium, non lucrum, sed recompensationem impendij & laboris reputet. Qui enim quæstum captant, non solent iustitiam, sed *πλεονεξίαν* sectari, neque ciuium suorum salutem, sed suam inexplabilem cupiditatem curant. Quales sunt circumforanei illi medicastrî, atque cum multorum hominum exitio empiriatri Iudæi, Paracelsistæ, Al-

*Medicastrî
empirici
tri.*

chymistæ, phædrones, id est, Thrasones Theſſa-
 lici, homines (paucis exceptis) improbi ac nefarij,
 qui non tantùm artis pulcherrimæ & diuinæ
 (sic enim à D. Paulo antiqua medicina vocatur)
 finem cõturbant, atque corrumpunt, sed etiam
 præcepta eius miserè conspurcant, deprauantq̃,
 & quod his turpius est, manifestis præstigiis in-
 famant. Quos nimia Principum & Magistratuũ
 indulgentia ferri, iurè dolent & detestantur pij
 & eruditi medici. Cùm enim medicina sit ars
 planè ex intimis naturæ penetralibus eruta, &
 causas principiâque sua in physiologia requirat,
 quæ paucis Principibus nota est: item cùm amu-
 ti illi, vel saltem perperam instituti circulatorès
 sæpenuerò multorum scriptis commédatio-
 nibus bullati, non minùs impudenter, quàm cõ-
 fidenter se suâque iactare consueuerunt, facile
 decipiuntur, qui natura mitiores sunt Magistra-
 tus, præsertim insigni aliqua necessitate vrgen-
 te, vt aurem locũque præbeant Sycophantis.
 Quod tamen, si prudenter agere velint, non fa-
 cerent, neque tam temerè inhonestos hominès
 honestis testimoniis suis ornarent. Hisce enim
 sigillatis bullis, mirum quàm vulgus, illiq̃ adeo
 ipsi infatuentur, insolescant, & plurimos turpi-
 ter decipiant. Vtinam ergo, quod boni medicĩ
 omnes optant, censura publica extet, quæ isto-
 rum capitalem iactantiam puniret! aut saltem
 coerceret, ne tam facile medicos se mētiri, pro-
 tinùsq̃ tam sublimem artem exercere auderēt!

vtinam

vtinam lege cautum sit, ne quis pharmaca, præ-
 sertim cathartica, nisi publica authoritate ap-
 probatus sit, alicui propinare permittatur! Deus
 bone, quantis fraudibus, quantis erroribus,
 quantisque periculis, ne dicam occultis cædi-
 bus humanum genus liberaretur! vtinam, in-
 quam, illum diem videamus, quo hoc Augiæ sta-
 bulum aliquando expurgetur! Magno Reipub.
 commodo in eos animaduertitur, qui impro-
 bas merces exponunt: puniuntur qui vitiosos
 pisces aut carnes venditant: præterea ne cerdo
 quidem in vlllo mechanici artificij genere ad pu-
 blicè arte sua vtendum admittitur, nisi discipli-
 næ legitimo tēpore exacto, se magistris probare
 possit: & impunè ferendi sunt illi, qui res eas,
 quibus publica priuatæque salus consistit, aut la-
 befactata restituitur, pro libidine, in occulto sta-
 bulo, vbi hospes leno, artifex prostibulum, mi-
 nister fornicarius sit, tractant, malæque fide o-
 mnia agunt, valetudinem hominum temerè &
 ignoranter prostituunt & produnt, ac (vt sum-
 matim dicam) mortem pro vita nefando scelere
 administrant? Quæ pestis hac vna Reip. pestilē-
 tior accidere possit? At desino pluribus sacrile-
 gam turbam conuellere: quia bona spes est, no-
 stros, quos instituimus, cōseruatores, tam tristi
 rerum statu, in quo alioqui multa temerè fieri
 solent, minimè negligenter acturos, neque com-
 missuros vlllo modo, quin funestos istos carnifi-
 ces, ac iniquas Harpyias strenuè abigant, suosq;

quos semel maturo consilio receperunt, medicos, quos honestis testimoniis cōmendatos habent, quos denique virtute, fidelitate, temperantia, pietatēque & literarum cognitione præditos per Dei gratiam nacti sunt, humaniter habeant, ac liberalitatis fauorisque omni genere prosequantur & confirment.

Postremò his non licebit ad alios accedere ægros, quàm qui pestilentia affecti fuerint: quod etiam de aliis ad hanc rem publicè conductis ministris (vt omnis occasio contagij vbique vitetur) statuendum est. Nam cùm fieri possit, vt infectum aërem in vestimentis secum adferant, qui tamen propter naturę validam constitutionem, velpharmaca, quibus vsi sint, prophylactica, vel quòd iam dudum antè eiusmodi aeri assueuerint, ipsos nondum inficiat, ad infuetos tamen, & iam debiles morbo, cuilibetque iniuriæ obnoxios delatus, facilimè eos offendat, quæ (malum) imprudentia fuerit, à quo remedium expectes, ab eo te haurire venenum? At quale venenū? nempe quod vel solo halitu, vel, quod magis mirum, solo arteriarum transpiratu receptum, præsens periculum vniuersæ aliquādo familiæ, imò vniuersæ ciuitati ac toti regioni afferat. Vix enim dici potest, quantopere aeris circumfusi corruptelā & virulenta qualitas tenaciter adhæreat vestibus, præsertim laneis, & spiritus inter anhelandum vitiet, occultaque quasi flamma venas arteriasque, vitæ instrumenta accendat.

Marfil. Ficin. de Epid. cap. 2.

accendat. Atque hæc de corporis medicis hucusque dicta sint. Pergamus deinceps ad Ecclesiæ ministros, qui animarum salutem curant.

De Ministris Ecclesiasticis.

C A P V T V.

LE C T I S igitur ac probaris, qui corporis curam gerant, dispiciendum deinde de spiritualibus ministris, qui ægrotos fide in Deum instruant, spæque salubri erigant, & animarum salutis rationem habeant: quos ita seligent Conseruatores in singulis parochiis, vt nō quosvis obuios ad rem tantam asciscant, sed quos pietati, sanctimonix, sobrietati, castitati, singulariter addictos cognouerint. Nam qui verè pietatis hætenus negligentes fuerint, non poterunt quenquã vtiliter ad eam adhortari. Intemperantes autẽ magnam temporis partem Baccho tribuent, ac sibi ipsis, nedum aliis inutiles erunt: præsertim quum hæc opinio quorundam animis infideat, vt ebrietatem & vini copiam egregium antidotum huic malo esse putent. De incontinentibus verò periculum erit, cùm frequentes occasiones impunè peccandi istis temporibus sese offerant,

ne quid eiusmodi flagitij admittant, propter quod Deus magis irritatus Reipub. pœnam augeat. si sciens non prohibuerit. Deinde etiam minime avaros esse oportet: nam hoc rerum statu non aliter quàm in bello, aut in incendiis, multa patent prædæ: cuius facti ratione quinque suspensio punitos vidi Patauij, anno 1556, post quorū supplicium morbus breui cessabat, quasi ira Dei hac perfidi maleficij punitione remissa fuisset. Sint præterea viri integri, cordati, eruditione mediocri, sed non mediocri charitate præditi: sint circumspecti, non temerarij: cogitentque se quotidie mortem ante oculos habere. Quamobrem in vno Deo spem fiduciamque suam ponant, ab eoque cæleste potiùs, quàm terrestre præmium suorum laborum expectent.

Quod si fortè inter ordinarios ministros tales non inueniantur, è reliquo populo eligendi sunt, qui proximos modò dictarum virtutum gradus attingant. Nam in hac calamitosa tempestate non semper perfectissima quæque se offerunt. Ergo quod dici solet, vt possumus, quando vt volumus non licet.

Tandem autem cùm electi fuerint, quos cōseruatores idoneos, & cuique parochiæ sufficētes iudicauerint, nullo modo ferendum est, vt ad alios accedant, quàm qui pestilentia affecti ipsorum operam requirant. Dixi enim antea, & adhuc dico, non modò infestantem aerem externum & communem, sed etiam contagiosos halitus

halitus ac pestíferas respirationes, quæ per custodes, per assidentes, perq; Ecclesiæ ministros huc illuc curfitantes, atque infectis, frequenter etiam mortuis adstantes, contrahuntur, & postea sanis ægrisque aliis communicantur, maximoperè esse refugiendas. Quod cùm quotidiana experientia edoceamur, atque adeo verū esse conuincamur, cauendum nobis est omnibus modis, ne hanc tãti mali causam, ceteris sedulo remotis, relinquamus. His addas licet, quod non minùs sèpe experimur, plerosq; etiam ægros (loquor de non pestiferis) etsi fortè talium ministrorum consuetudine non fuerint infecti, auersaturos tamen eorum præsentiam propter metum contagij. Vnde porrò id quoque incommodi sequetur, vt vel à domesticis, qui vt plurimum sunt ad hanc rem inepti, quamcunq; consolationem malint recipere, vel soli mori, quàm duplex subire periculum, aut solennia Ecclesiæ Sacramenta vsurpare. Quod vtrū aliàs quoq; piè, vel minùs fiat, etsi hìc parum attinet disputare, tamen oblata occasione, ponam diuersarum partium quædam argumenta, quibus sacrarum rerum studiosi ad inclitæ cōsuetudinis maiorum nostrorum rationem examinandam excitentur, & quousq; probari possit, & ægrotis necessaria sit, ipsi constituent: ne quis me putet piis & peritis Theologis præiudicare vel præscribere aliquid velle.

*De Cena
Domini
primata.*

Qui igitur omitti posse vel debere apud

gros Cœnz Eucharist. vsum priuatum censent,
 suadent, vt quicquid eiusmodi rituum fieri de-
 beat, tempestiuè & in publico cœtu fiat, vt in ex-
 trema illa necessitate non sit opus hac sollicitu-
 dine, quam aiunt proficisci partim ab imperitia
 vulgi, partim à diffidentia, & superstitionis spe-
 cie non carere. Deinde cùm inter cetera Eucha-
 ristia sit quasi quædam festiua & solennis cōfes-
 sio & concelebratio mortis & beneficiorū Chri-
 sti, non posse hæc commodè & decenter à semi-
 uiuis & mortis timore perculsis fieri. Tertiò,
 quamuis etiam institutam ad confirmandam
 fidem non dubitant: tamen hoc statu constitu-
 tis alia supereffe remedia, videlicet annūtiatio-
 nem verbi, cuius sit eadem facultas, idémq; effe-
 ctus, qui est Sacramētorum. Quartò cùm de æ-
 grotantium pœnitentia & probatione, præser-
 tim qui hoc lethali morbo laborant, Ecclesia sæ-
 pe incerta sit, quòd nesciat an potiùs meru mor-
 tis, vel fiducia operis (vt vocant) operati, vel cō-
 suetudine, quàm recta voluntate ad hoc permo-
 ueantur (quæ ratio quoque in maleficis quibus-
 dā in locis obseruari solet) tutiùs omitti, quàm
 dari existimant. Etsi enim singuli non tenean-
 tur alios, sed se ipsos, secundum Apostoli præce-
 ptum, explorare: Ecclesiam tamen nihil temerè
 agere debere, sed diligēter circumspicere, quid,
 quis, vbi, quæis cum sociis, cur, quomodo, quā-
 do sacra administranda sint, ne rosas & marga-
 ritas porcis obiciat, & sanctum det canibus.

Quintò

Quintò, neque ipsi sumentibus semper hac ratione consuli, sed sæpe pro salute, damnationem: pro vita iudicium illis administrari, non solum teste Apostolo, sed etiam Hippocrate, qui de insalubribus vel impuris corporibus dixit, quanto magis nutriantur, tanto magis lædi. Quod Plato & Galenus similiter de impuris animis referunt, quibus si salutare & nutrientes sermones offeras, id est, vitiorum virtutumque moneas, non solum non meliores, sed etiam deteriores fiunt. Quamobrem prudentes medici, quando de morbo viribusque, ac proinde de futuro euentu dubitant, tutiora leuiorâque remedia confectari solent, non ea quæ in discrimen adducant. Postremo ne formam quidem, quæ cuique rei esse suum dare solet, in priuata illa & clinica cœna obseruari distitant. Christum enim Apostolis, id est, presenti & in vnum collectæ Ecclesiæ, non vni seorsum distribuisse: neque accipe, sed accipite: neque manduca, sed mädurate: denique non bibe, sed bibite ex hoc omnes, dixisse. Qua de causa D. Paulus in repetitione institutionis Christi iussit non vnumquemque suam Cœnam vsurpare, sed alterum alteros expectare, vt verè *σύναξις* dici possit, & fractione participationeque vnius panis viua charitatis coitio, in Christum & proximos præsentésque conuiuas concorporatio fieri demonstretur. Atque hæc vni parti adeo probantur, vt nunquam nisi in publico cœtu exhiberi hoc Sacramentum cuiquam velint. Nam

quodd nonnullis videatur, sicut verbum passim & solis quoq; seu ægris, seu sanis proponi & annuntiari potest, ita quoque Sacramentum hoc *συνάξεως* priuatim vni posse rectè administrari, existimant iniquam esse comparisonem. Singula enim ministerij genera suum habere morè, & quasi formam, sine qua non possint esse, quod dicuntur, quamuis in eundem tendant finem omnia. Quid quod ne quidem propriè pars ministerij sit, apud ægros vel alios priuatim extra cœtum verbum prælegi, tractari, & eo alios moueri, institui & consolari. Hoc enim à quibusvis, etiam à mulieribus, quibus tamè publicum ministerium non permittitur, posse & solere fieri. Quare dissimilitudinem hic esse putant, & causam suam adhuc consistere, videlicet Sacramenti Eucharistici vsum non debere esse priuatum, sed publicum & communem multis.

Contrà verò alij hunc priuatæ Cœnæ Euch. vsum & consuetudinem retinendam contendunt: si non quouis tempore, saltem cum tota Ecclesia eam in templo vsurpat. Tametsi enim Christus (aiunt) id fortè non fecerit, quippe qui vnicam tantùm Cœnam cum suis Apostolis celebrârit, hinc tamen non sequi, vel minùs licere, vel Apostolos, consecutàmque Ecclesiam nō fecisse. Posse enim absentes causis legitimis, vt vel morbo, vel senio, vel aliis occasionibus impediri, quò minùs in publicum prodire queant. Hinc veteres etiam in orthodoxa Ecclesia tam sanis eiusmodi, quàm ægris, illis quidem tanquàm

Symbolum pacis & conformis fidei, his verò quasi profecturis viaticū impartitos esse. Nam cum Ecclesia sit vnum & vnitum, integrūque quasi quoddam corpus, Cœnāque illa toti Ecclesiæ apparatus sit, non esse causam, quæ eam mēbris aliquibus ob impedimenta quædam absentibus iurè deneget. Quod autem dicitur, Ecclesiam incertam esse de eiusmodi hominum fide & voluntate, quamvis hoc fortè in illis locū habere possit, quos antea vitam planè dissolutam duxisse, vel Ecclesiæ ignotos esse constat: tamen axioma illud: Ecclesia de occultis non iudicat, quod hætenus vsitatum fuit, retinendum esse, & quicumque vno ore nobiscum confiteantur Christum, & peccatorum se pœnitere verbis nō obscuris testentur, inserti per baptismum comuni corpori externi cœtus, de his bene sperare, accos quoque externorum Ecclesiæ beneficiorum participes facere oportere. Neque enim tantum periculum subest, inquiunt, quantum aliis videtur, neque venenum pro remedio hîc magis porrigi petētibus, quàm ibi corpore præsens sanis, & in cœtu congregatis. Neq̃ tam spectandum quibus detur (modò non sint manifesti religionis hostes, aut vi morbi extra rationis terminos constituti) quàm quid detur. Præcipuum enim huius Sacramenti finem esse, ut Christus de promissione sua, & beneficiis proprio sanguine (quem ad asserendos in libertatē homines in ara illa sublimi nostræ redemptionis

effudit) acquisitis certos nos, adeoque participes faciat, fide & spe armet, mutuæ charitatis vinculo inter se Christianos colligat, ac quodā quasi incendio amoris inflammet. Ad hæc, cum Sacramenta verbi pars sint, & quasi verba quædam visibilia, quæ etiam secundum aliorum sententiam non aliud, etsi alia ratione, quàm verbum ipsum prædicatum & audibile afferant, non satis causæ subesse dicunt, cur illa magis, quàm hoc cuiquam, qui huc vsque, quod ad externam conversationem attinet, fratres nostri fuerunt, subtrahamus. Quis enim corda iudicet præter unum Deum? Si paulò liberiùs vixerunt antè, nonne fieri potest, ut vel brevis commonefactio ministri, vel levis Spiritus sancti aspiratio igniculum aliquem in iis excitet, quem fouere quouis modo cum pietate non pugnante minimè sit inutile? Ecquomodo, obsecro te, non sit alienum à Christiana prudentia, illos gratiarum actione & commemoratione mortis Domini priuare, qui se in corde suo impelli sentiant, ut cum Ecclesia, id est, corpore suo, etsi situ loci ab eodè absentes eandè concelebrent, eiusdem se membrum esse velle declarent, denique displicere sibi antea actam vitam coram aliis testari velint? Postremò adeo hi in hanc sententiam propendunt, ut nullibi rectiùs Cœnam Dominicam peragi putent, quàm apud ægros. Hic enim verè retineri formæ eius, qua primum fuerit inchoata, nempe instanti morte, vel alia vrgenti difficultate, præcedente

acri admonitione, comitâre denique viua fide, spe salutari, votis ardentibus, animoq; flagranti, id est, prorsus seriò. Quæ ratio vsque adeo quibusdam placuit, vt nullam aptiorê Missæ, id est, abusiux Cœnæ Dominicæ reformationê, quàm ad hanc regulam fieri posse existiment.

Hæc obiter hîc dixisse volui, quæ licet parùm huc spectent, & quasi extra causam dicta sint, e-gôque in medio relinquam Dominis meis The-clogis & Ecclesiarum gubernatoribus discer-nenda: id tamen monitos velim ægros nostros, vt quod ad hanc rem attinet, securi sint, mini-mêque animi angantur, si fortè vel morbi sœui-tia, vel aliis de causis, huius Sacramenti, quod ad externam ceremoniam attinet, eo tempore par-ticipes fieri non possint. Nam si poeta ille Ethni-cus satis iudicauit esse, καὶ δύναμιν ἐξ δευτέρῃ ἀθα-ράτοισι θεοῖσι, cur non potiùs nos Christiani, qui ab omni seruitute per Filium Dei liberati su-
1 Cor. 2. mus, idem nobis persuadebimus, Deúmque qui scrutatur renes & corda, & non tam factum, quàm animum requirit, æquè per Spiritû suum affuturum nobis credemus, quàm si ipso opere ritum omnem impleuissemus? Hæc est enim il-la spiritualis manducatio vel communio, quam maiores etiam nostri animo & fide fieri, neque minùs nos participes reddere salutiferi corpo-ris Christi, quàm qui externo ritu vterétur, cre-debant, si modò constanti fide dicere possimus: Domine, non sum dignus, vt intres sub tectum

meum, sed tantum dic verbum, & sanabitur anima mea. Dominus ipse apud Iohann. ait: Ego steti ante fores, & pulsaui, si quis vocem meam audierit, & aperuerit ianuam, ad hunc ingrediar, & cum eo cenam sumam, & ille mecum &c.

De ciuit. Et D. Augustinus nos iubet credere, & credendo
Dei. li. 21. ait nos comedisse. Itē alibi inquit: qui est in cor-
cap. 25. poris Christi vnitatem, id est, in Christianorum compage membrorum, cuius corporis Sacramentum fideles communicantes de altari sumere consueuerunt, ipse verò dicendus est manducare corpus Christi, & bibere sanguinem Christi. Hoc ergo fideles sibi persuadeant, si terrenam partem Sacramentorum legitima ratione adipisci non possunt, abunde satisfacere posse cælestem, quam quouis tempore per fidem consequi difficile non est. Idemque affirmare ausim de consolatione confirmationeque, quæ ægrotis per Ecclesiæ ministros verbis fieri solet, sufficere etiā, cum aliter habere non queat, si à priuatis personis adhibeantur. Quod quò minùs diligenter fiat, in causa est turpis vulgi Christianorum inertia, qui semper discunt, & nunquam ad veritatis cognitionem perueniunt. Tam enim oscitantur conciones publicas plerique auscultant, ut ne tantum quidem inde referant fructus, quo vel se ipsos, vel domesticos suos in extrema illa necessitate morborum vel mortis, aliqua saltē ex parte de Dei voluntate instruere, aut piis consolationibus confirmare possint. Qui certē hoc
 scire

scire debebant, vt pueris in schola non licet otiosos auditores esse: ita ipsos quoque decere, non velut ad spectacula circulatorum in templum conuenire, sed tãquam in eum locum, vbi & ipse Filius Dei Christus Iesus præsideat, & Angeli auditores obseruent, tanquã paulò pòst fructus diligentia, ab vno quoque requirituri, & negligentes seuerè castigaturi. Quæ si hæc oculis cerneremus, nõne seridò, & haudquam socorditer acturos nos promitteremus? In vitis patrum refertur, religiosum quendam virum, cùm aliquando attentiùs obseruaret psallentes de more monachos, vidisse cacodæmones his quidem in fauces irrepere, ac ad tussendum cogere, aliis in nares illabi, sternutationemque cière, quibusdam aures ingredi & vellicare, nõnullis oculos obturare, & somnum immittere. Quæ etsi fabulosa sunt: tamen euidenter significant, supinam nostram negligentiam & ignauiam à Diabolo stupiditatis & segnitiei patre proficisci, & nefariam esse incuriam. Verùm plura de his, quàm fortè debui. Quare nunc redeo ad negotium propositum.

*De ordine inter ciues consti-
tuendo, & omittendis pu-
blicis conuentibus.*

C A P. V I.



ONSTITVENDVS quo-
que est ordo inter ciues, vt
publicos conuentus, specta-
cula, conuiuia, symposia, nu-
ptias, choreas, nūdinas, scho-
las, templa, balnea publica
vitent. Nam præterquam
quòd in plerisque horum grauitè non in cor-
pus solùm, verùm etiam in animam peccatur,
subest quoque non leue periculum contrahen-
di disseminandique contagij. Propterea suadèt
viri prudentes, vt eiusmodi temporibus rarissi-
mè in hominum frequentia versèmur. Nemo e-
nim est tam imperitus, quin sciat, vbi sine ratio-
ne promiscuè omnia fiunt, venenum latissimè
spargi, & plurimos inficere. Vt cùm cellæ taber-
næq; publicæ, ad quas compotādum itur, indies
omnibus patent: forum item, macellū, loca pu-
blica, in quibus lauantur lineamenta, & varia
hominum turba commisceri solet, frequentan-
tur. Hic igitur leges rogandæ sunt conseruatori-
bus, quibus eiusmodi congressus inhibeātur,
vel in diuersa loca & tempora distrahantur.

Ac primum de cœtu Ecclesiastico monendū *De ordine*
 est illud, vt ne cateruatim, vel ἀσπὼς ingrediā- *in Eccl. ob-*
 tur, egredianturq; neq; copiosè in vnum tem- *seruando.*
 plum, vbi arctius ac pressius sedere cogantur,
 confluant: præsertim vbi plura in vna ciuitate
 huic negotio loca idonea sunt, in quibus diuinæ
 ceremoniæ, id est, verbi Dei explicatio, & Sacra-
 mentorum administratio fieri queant. Quâuis
 enim hæc fortè quibusdam minuta videbuntur
 & exigui momenti, tamen nihil prætermitten-
 dum est, quod aliqua saltem ratione ad auertē-
 dum contagij periculum possit conducere, &
 quod Cicero dixit, cum hominibus consulere,
 humanæq; societati seruire debemus, nihil esse
 cælandum, quid commoditatis, quid copię ad-
 sit, id vel in primis isto tempore locum habet.

Quodd si connubia ineunda fuerint (quanquā *De nuptiis.*
 cui placeant eiusmodi contractus tali rerum sta-
 tu, in quo si vnquam aliās, consiliū Apostoli va-
 lere deberet, vt propter instantem necessitatem
 mancāt homines cælibes) ea quàm paucissimo
 hominum numero, & absque omni pompa
 peragantur. Ebrietas autem & ingurgitationes, *Tob. 2.*
 choreæ, ac aliæ non necessariæ, vel potius peri- *Amos. 8.*
 culosæ, perniciosæq; ceremoniæ, quę plerunque *1 Macha. 1.*
 adhiberi solent, longæ mittendæ illæ quidem, *Prouer. 14.*
 ne (vt dici solet) finis gaudij tristitia euadat, po-
 stridiēq; defleatur, quod pridie admissum est er-
 roris. Præcipuè verò ebrietas eiusmodi est vitiū,
 quod non modò Deum grauiter offendit, vbi

Impunita fertur, sed etiam alia teterrima peccata, ut blasphemiam, periuria, obscenitates, iniurias, homicidia, incestos, adulteria, fornicationes (quæ plerunque omnia ex vna illa hydra Lernæa oriri solent, & iram Dei contra vniuersam gentem prouocant) secum trahit. Taceo, quibus est illa quotidiana comessandi cōsuetudo familiaris, plerunque in hoc malum procliuiiores, accuratu quoque difficiliiores esse. De Socrate referunt historiæ, propterea quod temperanter vixerit, semper incorrupta valetudine usum esse, etsi in multis grauibz pestilentiis (quæ Athenis grassatæ sunt) degeret. Talis enim (autoribus Aristotele & Galeno) in puris corporibus cōstitutio est, ut rarò afficiantur peste, vel quamuis ea affecta fuerint, tamen non pereant. Contrà autem non paucorum exemplis cōstat, qui recens peste correpti, cū vino se copiosè impleuissent, in maximum discrimen & præsentem mortem miserabiliter deuenisse. Vtilissimū enim est hīc, si vnquam aliās, quod Galenus ait, de feb. ἀπὲρὶ τὸν καὶ ἐν πνοῇ τὸ σῶμα. Quamobrem non solū officij Magistratus est, legem aduersus eiusmodi helluones statuere, ac pœnā acrem irrogare, sed ipsi etiam, si Christiani, aut potius non prorsus pagani videri volunt, cauere debent, ne seueram D. Pauli sententiam incurrant, qua ebriacos regno Dei excludendos pronuntiatur: meminerintque perpetuò mandati Christi, dum ait: Caute ne grauentur corpora vestra

Marsil. Ficcin. de Epidem. cap. 24.

Leonarth. Fuchf. de medic. morb. li. 4. Alex. Aphrod. i problem. 23.

Ebrietatis detestatio.

vestra crapula & ebrietate. Cui mādātō qui tam securē audent resistere, vt rarō sobrij sint, & ad similem ἀσωτίαν alios non desinant inuitare, quomodo non planē Antichristi sint, non possum iudicare. Quid enim magis Antichristianū est, quā Christī præceptum directē reiicere: iu bere quod Christus prohibuerit? Ad id hortari, quod Christus dissuaserit? Verū nolo hīc illā camarinam latiūs mouere, cū non tam argumentis, quā legibus coerceri huiusmodi scandalā oporteat.

Choreæ verō illæ & tripudia, quæ adeo in- *De tripudiu & choreis.*
tempestiuē fieri solent, nempe mox à cibo, dapibus mensisq; remotis (sic enim plerique sibi persuaserunt, si nemo saltat sobrius, nisi sit insanus, admodum sapienter se facere, si ebrij, id est, vino cibōque infarcti, ac tantū non distenti id agant) nulli magis, quā ipsis saltatoribus noxiæ sunt, aggregantibus scilicet copiam crudorum humorum, quæ subinde graues venarum obstructions, & putredinem, ex qua tandem malignæ pestilentēsque febres nasci solent, facile pariunt. Atque hinc Leonarthus Fuchsius Germaniæ nostræ medicus excellentissimus ipsa experientia deprehendisse se ait, multos dum choreas agerent, infectos hac lue mortem obisse.

Deinde balnea quoque publica multis de *De balneis publicis.*
causis vitanda dixi: quæ istiusmodi tempore tanquam præsens & lethifera memphitis sunt:

quippe cū vaporoso illo aere multi ac varij homines promiscuè congregari soleant: quorum alij paulò antè istoc morbo infecti fuerunt, & nunc reliquias sudore euacuare student: alij medicamentis antidotisque diuersis delibati, suos singuli afferunt tetros & funestos halitus, quibus aërem illum conclusum implent, qui aër ab illis, qui præstò sunt, & corporibus iam calore rarefactis, facillimè tum ore ac naribus, tum poris cutis ad apertis hauritur, & subinde ad cor, vel cerebrum, vel iecur per arterias raptus celerimè contagione potest inficere.

De scholis.

De ludis etiā literariis ac scholis, in quas pueri conueniunt, quid dicam aliud, quàm omnino consultum & propè necessarium videri, si vitare disseminationem veneni volumus, vt illæ quæ in commodiorem locum deduci non possunt, ad tempus claudantur, & potiùs quantulocunque cum fructu iuuentus domi erudiatur, & priuatis lectionibus vacet, quàm cum tanto discrimine turmatim coeat: solet enim puerorum & adolescentum ætas, vtpote vorax, intemperans, mollis, rara, improuidâque huic infortunio magis esse obnoxia, quàm illa quæ est grandior & prouectior. Quamobrem summus medicorū Arabum Rhazes, & post illum Franciscus Valeriola Arelatensis medicus cōsulunt, vt infantes ac pueri maturè ex locis pestiferis in aliam regionem transferantur, vbi de infecto aere non sit illis periculum metuendum.

Simi-

Similiter iudicari potest de celebribus & anniuerfariis nundinis: item de deductionibus funerum, de quibus postea suo loco agetur amplius.

De nundinis anniuerfariis.

Huic verò capiti etiam hoc addēt conseruatores, ac serid cum vnũuerso Magistratu deliberabunt, videlicet vtrum præstet quosdam pauperes, qui victum ostiatim mendicando quærunt, & propter inopem vitam quibusvis vescētes huic malo plus quàm alij homines obnoxij sunt, omnes vicos, ac præcipuè eorum ædes, in quibus funera sunt, pertentant, circumeunt, omnibúque occurfant (sæua enim necessitas tuguriolis suis eos extrudit) vel aliò dimittere, vel domi sumtu Reip. tantisper sustinere, donec malum remiserit: vt hac ratione circumvagādi, & recipiendi, dispergendique contagij occasio eis adimatur. Vix enim dici potest, quàm præsens periculum vniuersæ cinitati inde existat. Quade causa vidi in amplissima vrbe Patauina, non tenuioribus modò, sed etiam mediocribus, qui vel cum pollutis versati erant, vel ipsi fuerāt infecti, eo modo in singulos dies victum suppeditari sumtu publico, vt tantò faciliùs intra priuatos parietes coerceri possent. Atque optandum esset omnibus votis, nō istis solùm temporibus, quibus singularis necessitas id requirit, sed con-

De sustinēdo pauperibus.

qua non nisi ad otiosam vitam, & omnis generis vitiositate assuefiunt. Quod quò minus fiat, nihil nisi crassam negligentiam impedire video. Vix enim in nostro Christiano orbe tam vilis hodie pagus est, quin posset suos pauperes mediocriter sustinere, si res modò sit cordi præfiliis, & prudentia ac ordo adhibeatur. Qui qualis esse debeat & possit, etsi iam pridem de hac re cogitaram: tamen postquam vidi, piissimum, omnisque literaturæ peritissimum Theologum Andream Hyperium diligenter & sufficienter constituisse, non opus est mea explicatione.

Illud verò hoc etiam loco in consilium reuocandum duxi, quandoquidem multi sæpe meticulosi, multi natura debiles, & ad seruiendum communi necessitati inepti sunt, quos præstet alibi viuere, vt & ipsis commodius sit, & Resp. minùs oneretur, vtrum statui possit, tales libertate donare, vt se aliò tantisper conferant. Etsi enim aliqui vel religionis, vel pudoris ergò suam ciuitatem communi calamitate oppressam deserere non audent, nec videri volunt Dei manū effugere velle: tamen si consilio Magistratus rectum videatur, & in eum finem, quem dixi, fiat, bona conscientia licere non dubito. Hac enim ratione fiet, vt quantò minor hominū frequentia sit, tantò minus quoque contagij fore: quantò verò minus contagij, tantò & pauciora cadauera, & celerior liberatio speranda est. Sicut enim cum putredo pomorum aceruum inuasit, quantò

quantò plura collecta iacent, tantò magis auge-
tur, diutiùsque durat putrefactio, ita etiam hîc
fit, vt si semel lues ciuitatem aliquâ populosam
inuaferit, indies malum amplificari, & diu fo-
ueri videamus: quod in rariori, siquidem reli-
qua quoque obseruentur quæ diximus, & di-
cturi sumus, non ita solet contingere.

*De ordine, qui in rerum neces-
sariarum venditione em-
tionéque obseruan-
dus est.*

C A P. VII.



A T Q V E hæc de ordine inter
ciues seruâdo: deinde de re-
rum necessariarum vendi-
tione emtionéque dispiciē-
dum est: vt quemadmodum
anteà corpori de medicamē-
tis, ac animæ de sacrificiis Sa-
cramentis que prospectum est: ita quoque de a-
limentis, obsoniis, cibo ac potu ciuibz consu-
latur. Si enim rectè dixit Diogenianus, ἐν τέ-
λει νοσῶμεν οἷς καὶ ζῶμεν, maximè certè interest, nō
tantum res noxias in vrbem non conuochi, ve-
rùm etiam bonas vtilésque afferri, sed ea proui-

*Th. Taber.
de pest. lib.
8.*

dentia, ut quæ importanda sunt, minimo cum periculo prostituantur, vendanturque. Itaque hîc leges condendæ sunt, quæ alimentorum genera vendi vel minùs liceat: item quo pretio: demum quibus in locis, multâque certa à conseruatoribus constituenda aduersus transgressores.

*Res in Ci-
uitatib. fugien-
da.*

Primum igitur seuerè prohibebitur, ne quis vel rusticorum, vel incolarum venum exponat aut vendat, dulcia cerasa, pruna (exceptis Vngaricis & Damascenis) vuas ficûsque recentes, persica, pira, pomâq; mollia & dulcia, melones, pepones, & minimè omnium cucumeres, qui (Galenoteste) plurimum habent succi ad putrefactionem procliuus. Cucurbitas permittit Marsil. Ficinus: Rhazes verò, qui Aegyptum incoluit, vbi magna est siccitas, olera & fructus horarios frigidos & humidos tempore multum calido concedit: quod nobis hac regione vix imitari licebit. Deinde sedulò cauebitur, ne quis vitiosos, vel malè curatos pisces & carnes publicè diuendat: quibus annumerari debet, quamuis vix prohiberi possint, nimium teneræ ætatis agnina, vitulinâque caro: quod admodum vitiosè in magnis quibusdam ciuitatibus fieri solet: item pisces non squamosi, molles, in lacubus putridis capti, quales sunt anguillæ, murenæ, lampretæ, albuli, bustomi. Dici enim vix potest, quàm aptum pabulum hæc omnia putredini suppeditent. Horum igitur omnium loco non modò

modò admittenda, sed etiam expetenda, ac per *Res esu a-*
 conseruatores procuranda, quæ corpori sunt sa^{pi}a.
 lutaria, & laudabiles generant succos, quæq; in-
 grauescenti malo impedimentum quoddam ef-
 se possint: vt sunt inter horarios fructus pruna
 Damascena, & Vngarica sicca, vux passæ & Co-
 rinthiacæ, persica acida, pira quæ in hyemem re-
 poni solent, cydonia, amygdalæ amaræ, cappa-
 res, nuces iuglandes, cerasa acetosa, & in primis
 mala granata, aurea, limones & citria. Inter o-
 lera sunt lactuca, intybus, cicerbita, portulaca,
 atriplex, spinachia, asparagus, carduus ben. me-
 lissa, acetosa, borrago, pimpinella, ruta, betoni-
 ca, rosmarinus, saluia, isopus, cerefolium, pe-
 troselinum, fœniculum & similia. Quæ cum sin-
 guli non habeant, nec habere possint, non erit
 inutile, quotidie ab olitoribus in forum adfer-
 ri. Pisces, quos eo tẽpore licebit vendere (quã-
 uis hoc singulæ regiones pro natura loci metiẽ-
 tur, non enim omnis fert omnia tellus) erunt sa-
 xatiles maximè, sicut sunt gobiones, funduli,
 perca, lucij, præsini, vari, passerres, pungititij, al-
 burni, mugiles barbati, carpiones. Hos autem
 cum aceto vel vino non forti coquendos esse,
 quamuis sit haud minimum valetudinis tuen-
 dæ antidotum, tamen ad præsens institutũ non
 pertinet. Nam hĩc Magistratus officiũ, non pri-
 uatorũ diætã describitur. Carnes verò salubres
 erunt pulli gallinacei, capones, gallinæ, perdi-
 ces, phasiani, palumbi, turtures, columbæ, atta-

genes, turdi, sturni, passercoli, frigillæ, omnesq; auiculæ, quæ in syluis, dumetis & vinetis degunt: item hædi, vitulique bene pasti & ætate mediocres, capreoli, lepores, cerui, cuniculi, boues, verueces. Nec omnino mittenda aromata, quorum vsus ditiores (nam tenuiores fame & labore pro condimentis vtuntur) velut antidota in condiendis cibis adhibere possunt. Sint autem cinnamomum, crocus, nux myristica, macis, chariophylli, piper integrum, nam illius vis cum sit in tenui substantia, facile coquendo dissoluitur, & calfacit nimium. Atque hæc de cibis dicta sunt.

Cereuisia.

De potu verò non minor cura adhibeatur, vt nihil omnino admittatur, quod aliqua ex parte putredini fomentum esse queat: & rursus quod sit salubrius, ex consilio medicorum cuiusque Reip. pro loci consuetudine procuretur. Nolim quicquam in aliorum præiudicium affirmare quidem: tamen non omnia potus genera æquè possum probare. Manardus ætate nostra doctissimus, celeberrimusque medicus omnem cereuisiam in hoc morbo vituperat: sed quia ille natione fuit Italus, & soli vino assuetus (Italia enim cereuisiam nostram vix nouit) non magni hac in parte iudicium eius faciendum. Pro certo enim affirmare possum, Bremensem nostram duplicem & simplicem, item plerasque alias vicinarum urbium, non esse insalubres, præsertim si sint claræ, bene coctæ, mediocriter lupulata,

&

& colore non intenso. Sic enim corpora exsiccare, vires corroborare, spiritus illustrare & quodam modo instar vini. εὐφραίνειν (vt psalmista loquitur) πλὴν καρδίαν τῷ ἀνθρώπῳ, possunt. Qui singularum vires cupit cognoscere, legat quorundam hac de re scriptos libellos, & exigat tamen ad præscriptam modò normam, quæ accommodata est temporis statui, cuius respectu nos hoc vniuersum consilium direximus. Dixi primo loco de cereuisia, quia hæc primum & potissimum vsum apud nos habet: interim tamen non diffiteor, quin vinum præcipuas laudes mereatur, & longè præstet tum cereuisiæ, tum aliis omnibus potionis generibus, si syncerū & non nimium potēs sit. Cōmendatur verò præcipuè album, purū, maturū, odoratū, vetus, austerū potiùs quàm dulce: nec improbatur rubellum, tenuis substantiæ, mediocris ætatis, caput non feriens. Idem de factitiis, exque absynthio, carduoben, betonica, saluia, rore marino cōpositis, iudicium esto. Quibus autem hæc, quando & quantum vsurpanda sint, ad hunc locum non pertinet. Huc igitur vsque de poculētis & esculentis: reliqua enim, quæ in victum veniunt, vt-pote minùs necessaria, ne minutissima quæque scrupulosè sectari videar, prudens omitto.

Porro de pretio singularū rerum, quod fuit secundo loco propositum, illud duntaxat monere possum, vt ea adhibeatur per cōseruatores iustitia, non solūm quam commutatione vel

*De rerum
pretio.*

pretio rerum æquabilē, & mercibus parem requirit Aristoteles, sed etiam quæ in personarum conditione tenuitatem & facultates emtorum spectet, idq̃ ita, vt dum hisce consulitur, illi minimè grauentur. Et quia iudicium hîc difficile, relinquenda hæc æquitas venditoribus, cum ista commonefactione, & Christiana recordatione, vt non tam auarè quæstum (quod minimè decet hoc rerum statu) quàm illud Apostoli dictum meditentur: Charitas non quærit, quæ sua sunt: item: qui volunt ditescere, incidunt in tentationes: item, nemo circumueniat fratrem suum in negotio. Quid enim iuuat tanto studio corradere, à quibus singulo momento vt abripiare, formidādum est? Stulte (inquit Christus ad diuitem Euangelicū, quod ego hîc verè quoque ad te, ô quisquis in communi hac miseria lucrum iniquum captas, dicere possum) hac nocte repetetur à te anima tua, & hæc quæ collegisti, cuius erunt? Quam obrem sic potiùs nobis statuendum, nos hîc nihil proprij possidere, sed tantummodò alieni æris dispensatores esse. Si quid Domino cum labore honestè acquisuerimus, laborem finiturum, mercedē autem permanfuram: sin cōtrà illiberali & iniqua exactiōne proximum grauauerimus, iniquitatem quidem mansuram, lucrum verò finiturum esse. Præter hæc requiro etiam hîc, vt Principes, & quicunque vectigalia habent, de iure suo aliquid remittant illis ciuitatibus & populis, qui
hac

hac calamitate afflicti, tum propriis impendiis
nimium grauâtur, tum solita commercia exer-
cere non possunt.

Postremò etiam de loco, in quo singula quæ *De locis & aditioni a. pss.*
ad cibum potúmque pertinēt, venundâda sint,
aliquid addendum est. Nam vnum in forum o-

mnia comportari, minimè videtur consultum.
Ita enim necesse fuerit, ingentem hominum tur-
bam conuenire, & rerum variarum, sæpe etiam
sordidarum ac grauiter olentium odores com-
misceri. Quod procul dubio non exiguam oc-
casionem daturum est putredinis, quam omni
diligentia vitandam esse, si contagium vitare
voluerimus, iam sæpe dictum est. Constituenda
igitur plura loca in diuersis vrbis partibus, vbi
ea requirantur, quæ ad victum spectant; & cuiq;
necessaria sunt. Sit quoque diuersum carniū &
piscium forum, item olerum, fructuumque, vt

omnia incommoda, quæ ex promiscua ho-

minum multitudine, & rerum vena-

lium comportatione emerge-

re possint, sedulò e-

uitentur.

De illustrando aere, mundificandis plateis, remouendis vaccis, porcis, anseribus &c.

C A P. V I I I.



VAE ad esculenta poculentâque pertinent, capite proximo tradita sunt: in quo cum diuersa loca venditionibus eorundem inter cetera præscribenda dixerimus, vt contagij dispersio impediatur, & nihilominus putredo, ex qua illud frequenter sumit, non solum originem sed etiam augmentum, difficulter ab illis locis queat prohiberi, rectè sequitur, vt de illustrando aere, de mundandis plateis, & quæ has quàm maximè coinquinant, remouendis vaccis, porcis & anseribus, paucis agamus. Video enim omnes eruditos, quin & vulgus quoque hoc affirmare, causas videlicet tollendas esse, vt effecta, quæ ex causis existunt, tollamus: item, mundum aerem plurimum ad robur spirituum & valetudinem facere: adeo vt prouerbio locum dederit, qualis aer, talis animus: item notum est, nihil æquè dissoluendarum virium esse, quàm foetorem.

foetorem. Quia verò plateæ mundæ seruari nequeunt, nec proinde foetor, putredo & aeris impuritas impediri, quamdiu feruntur illa animalia, quæ eiusmodi spurcitie plurimum generât, hæc prius exigantur oportet in locum aliquem suburbanum, qui ad eam rem opportunus videatur, nepe qui sit prope flumen, si modò possibile est, vt sordidæ illæ saburræ in illud expurgari possint, vel vnde quàm minimùm tetæ exhalationes urbem infestent. Fimus enim & excrementa eorum, quæ dixi, animalium, incredibiliter afficiunt debilitantque spiritus & membra principalia, cerebrum, cor &c. Huic vicinũ & nimis abominabile vitium est (quod miror in honestis urbibus tolerari, & referre pudet) plateas & vicos, adde & beatè mortuorum cœmeterium, passim impudentium mendicorum oletis, adeo alicubi contaminari, vt quocunque te vertas, non viam in ciuitate publicam & honestam, sed pudendam cloacam (sit honos auribus) videre te putes. Idem ferè dicas de aquis lixiuorum, quibus vasa & linamenta abluuntur, quasque passim ancillæ temerè profundere solent, & obicere vicinorum foribus, cum domi suæ non ferant. Quamobrem operam dabunt conseruatores, vt postquam urbem ab istis bestiis liberarint, inquinamenta subinde omnia exportari simul iubeant, legèque lata sanciant, ne quis posthac eiusmodi turpitudinem foueat, admittatve. Quod vt facilius obseruetur, in-

staurandæ in loco ad eam rem commodò haræ
ac stabula, ea ratione qua dictum est: item latrinæ
publicæ & barathra subterranea, in quæ de-
feratur, quicquid est eiusmodi fœdæ saburræ:
quæ si cœperint impleri, calce cooperientur, vt
consumatur: alia enim consuetudo, quæ sit eue-
ctione, eo tempore non est tuta.

Hinc autem & fossæ, si quæ sunt intra vel ex-
tra urbem (solent enim plerunque mœnia vr-
bium fossis cingi, quæ non rarò pro foricis ple-
biferuiunt, dum in eas omnes fordes velut in
camarinam aliquam exportantur) item pa-
ludes stagnantésque aquæ, si vllius inde malæ
exhalationis suspicio est (vt quâdo linum cana-
bísque, vel pelles coriariorum in iis macerâtur,
vel quando in eas latrinæ per cuniculos suam
exonerant sentinam) aut terra implendæ, aut ca-
nalibus educendæ ac deriuandæ, aut denique
torrente, si fieri potest, in eas deducto, aliquoties
perpurgandæ sunt. Nam tales sæpenuerò (vt
testis est Paulus Aegineta) venenosi pestilentísque
aeris causæ sunt efficaces. Idem medici omnes,
& Theologi plerique præcipui de cœmeteriis
censent, de quibus libro secundo paulò plus di-
cetur. De Africa refertur, graui pestilêtia aliquân-
do infestata esse propter putridum vaporem
è locustis maritimis ad littus reiectis, ibique mor-
tuis exhalantem. Idem post magnos terræ mo-
tus aliquando accidisse testatur Alex. Ben. Dirus
enim (inquit) in profundo vapor, pigritia, lógo
situ,

Lib. 1. cap.
49.

Alexand.
Ben. lib. 1.
de pest. ca.
2.

situ, & æterna nocte torpescens, purū liquidū-
que aerem inficere, nouāsque & malignas fe-
bres afferre potest: quales Venetiis olim fuisse,
certæ sunt historiæ, quib⁹ grauidæ penè omnes
abortiebantur, & mox eodem anno peste in-
teriēre. Nam quod id aliqui ad draconem, qui in
illis cauernis latuisset, referebant, fabulosum
fuit. Plura huc exempla adducere non opus est,
et si abundè fieri posset. Experientia enim & ra-
tio, quę sunt duo præcipua instrumenta facien-
dæ fidei, huic sententiæ astipulantur. Quamob-
rem summoperè cauendum est conseruatori-
bus, ne cū reliqua industriæ genera adhibue-
rint, hósque præsentaneos putredinis fomites
relinquant, frustra oleum & operam impen-
derint.

Verumenimuerdò obiiciat mihi forsā hīc a-
liquis vulgare illud dictērium; venenum vene-
no, vt clauum clauo pelli: Item gentium quarū-
dam consuetudinem, quæ huiuscemodi tem-
poribus loca pestifera malis tetrisque odoribus
non prohibere, aut expiare, sed implere & suffi-
re solent. Cuius refert Alexand. Benedictus suæ
ætatis memorabile exemplū de Sarmatia, quod
etiam ratione physica confirmari posse putat.
Quidam nobilis mercator (ait) Cretensis, cū
in Taurica regione negotiaretur, & sæuissima
pestis aeris vitio orta esset, qua finis moriendi
non erat, in ea summa hominum strage à se me-
dicum visum, loci eius incolam (nam Sarmatæ

*Aeris illu-
stratio.*

*Li. de pest.
cap. 6.*

ea loca tenent) qui canes interemtis passim per
 vias, perque vicos omnes abiici iussit, qui distē-
 ti ac putridi tetro odore cælum impleuerunt,
 eoque remedio statim ciuitatem sanitati resti-
 tutam esse, & Sarmatas id remedij facitare soli-
 tos. Putrescentes enim canes aeris naturam im-
 mutarunt, qui hominibus duntaxat exitialis e-
 rat. Ita enim dissimilitudo & rerum discordia fa-
 cit, venenūmq; veneno debellatur: Quod etiā
 Zoar quidam inter posteriores Arabiae physicos
 affirmat. Hæc narrat Alexand. Quæ ne quis igna-
 uus suæ negligentiae prætexat, dum eiusmodi,
 quem viri prudentes consulunt, expurgandi ra-
 tionem & laborem cupit subterfugere: aut ne
 quis temerè imitetur, quod quomodo fiat, non
 intelligit, causa inuestiganda est tam inauditi &
 insoliti remedij. Consentio igitur verum esse,
 venenum veneno interdum exterminari, sed
 id cum fiet, necesse est, vt quædam inter ipsa, quæ
 se mutuò expellēt, manifesta aut occulta *ἀντι-*
παρὰ sit. Alioqui enim non modò alterum ab
 altero non fugiet, sed accedet potiùs, coniunge-
 tūrque firmiùs ac interiùs consociabitur. Con-
 cors enim (vt Hipp. ait) concordī adhæret, ac as-
 fidet. Discordia autem rebellant, pugnant, atq;
 inter se dissident. Item vulgò dicitur, similia si-
 milibus non solùm conseruari, sed etiam auge-
 ri, & corroborari: vt ignis oleo, naphtha, sulphu-
 re, succino, lignis: calor calore, febris humorum
 putredine, hydrops aquæ potatione, bilis ca-
 porum

*Autor lib.
 de morbo
 sacro infi-
 ne.
 Li. de diat.*

porum esu, & (autore Marfil. Ficino) virus pesti- *Plin. 2. ca.*
ferum lana augeri solent. Antipatheia autem il- *105.*
la, quam dixi, quum sit ab innata qualitate, quæ
diuersa est in diuersis rerum generibus, causasq; *Erast. de*
sæpe multiplices habeat, etiam pro natura loci, *occul. med.*
constitutione cæli, subiecti temperamento & ha- *facult.*
bitu, denique pro virulentia & agentis causæ *Galen. de*
proportione, mirificè variat, magisque euentu, *simp. fac.*
quàm stabili aliqua ratione potest intelligi. Quid *ca. de lap.*
igitur ad propositam quæstionem dicemus? Ma-
nifestane qualitate hæc curatio perficitur? Ca-
num enim natura sicca est, & putredo, cum qua
plerunque pestis est, in humido dicitur esse cor-
ruptio. An potius canum putrescentium fœto-
rem naturæ pestis quadam proprietate occulta
repugnare? Equidem dicere non ausim, quan-
do id nullius, quod sciam, autoritate, sed tātū
illius fortè regionis consuetudine, illiusque soli
conuenienti experientia comprobetur: nempe
quod ibi singularis quædam pestis, singularis na-
tura canum, singularis aer, singularis hominum
temperatura, & reliqua quæ huc requiruntur,
omnia singulari quadam proprietate conue-
niant, quæ in aliis mundi plagis, aliisque anima-
lium hominumque naturis vsquequaque simili-
ter se non habent. Quod illis dubium esse non
potest, qui mediocri rerum experiētia sunt præ- *Clemētis*
diti. Pestilentia enim virus non est, vniforme o- *Clementi-*
mnibus temporibus ac locis. Homines etiam & *pus de nat.*
ceterorum animalium genera inter se magno- *pest.*
perè

perè differunt. Est cùm peste moriantur potissimum pisces, interdum quadrupedes, nonnunquam aues, aliquando homines: imò inter homines aliquando sceminæ magis quàm viri, iuniores magis quàm seniores. Hieronymus Cardanus multarum rerum peritissimus vir, commemorat pestem quandam Basiliensem, qua soli Heluetij, non item Hispani, aut Itali, aut Galli, qui in eadem tamen vrbe essent, affligerentur. Quod certè admiratione dignum esset, nisi sciremus, rerum infinitam esse varietatem, maioremque partem (vt fatetur summus philosophorum Aristoteles) semper nobis manere incognitam. Vt ergo hunc scrupulum concludamus, sequendam potiùs nobis clarissimorum virorum, tam veterum, quàm recentiorum, quicumque hanc causam tractarunt, auctoritatem censeo, quàm vnius loci peregrini, in quo fortè etiam non eodem cursu respondent vltima primis, hominum barbarorum quacunque experientia receptam consuetudinem.

Quamobrem cùm nos sciamus, bonam partem eiusmodi exitialis mali ab aere corrupto, putrido & venenato pendere, ignisque putredini maximè omnium resistat, igne vtamur potiùs, imitati Hippocratem, quàm istis immanibus scetoribus, qui etiam sanos non parum ledere possunt: igne luceât vici nostri, igne flagret noster aer, cuius quanta sit substantiæ bonitas & subtilitas, vide Albucasim Arabem chirurgum,

parte

*Lib. 8. de
Car. rerū
cap 4.
Scribon.
Larg. in
præfat. de
compos.
med.*

*De auscul.
phys.*

*Ignis Vir-
tut.*

parte i suæ chirurgiæ, cap. 1. Ignis enim purissi- *Dioscor. 6.*
 mus est, & purificat omnia. Vnde & antiquitus *cap. 36.*
 tanquam potens aliquod numen Chaldæis cul- *Plin. nat.*
 tum esse testatur in historia sua Ecclesiastica Eu- *hist. 36. ca.*
 sebius, Aqua quidem superficiem emundat, sed *8lt.*
 interiora non potest abluere, quia ad ea nequit *Lsb. 11. cap.*
 penetrare. Ignis verò cū sua vi permeet o- *26.*
 mnia, nihil relinquit intactum, cūque natura
 purissimus sit, vt dictum est, celerrimè quoque
 omnia expiat. Quare cū ad extremum iudi-
 cium Christus plenissimè purgaturus est mun-
 dum vniuersum, non aqua, vt tempore Noæ, sed
 igne instructum Scriptura prædicat venturum,
 tantūmq; opus perfecturum. Videmus enim i-
 gne omnes nubilositates validè discuti, cōsumi
 omnes superfluas humiditates, illustrari aerem, *Auicenna*
 accendi lætitia cor humanū, dissipatis videlicet *de medic.*
 turbidis crassisque in corpore vaporibus, addi *cord. tract.*
 tōq; robore grauatis mēbris: vt non frustra vul- *2. cap. 10.*
 gō dicatur, vt ignis domus singulare ornamen-
 tum est, ita quoque hominibus esse optabile e-
 molumentum: adeoque vt non frustra poeta
 interroget, Igne quid vtilius? Et ego, si roger,
 quid sit præcipuū in præseruando oppido à con-
 tagione pestis, quemadmodum ille quærenti,
 quid potissimū esset in oratore: primò, secun-
 dò, tertiò respondit actionem: ita iure quodam
 respondere possem, primum, secundum & ter-
 tium præsidium esse ignem, quod optimi quiq;
 sic experientia & ratione edocti statuerūt. Ignis

1 de diff.
feb.
Meteor.
4. cap. de
putred.

enim aerī tanquam theriaca est, quæ illius putredinem exiccat. Porro exsiccatio summū est, in quo Galenus intentionem curationis huius morbi positam esse ait: cū humiditas, in quā corruptio accidit & putredo, nimia est. Aristoteles quoque ait, omnia elementa putrescere, excepto igne. Quare quando aer putredinem contraxit (intelligo autem eam putredinē, quæ mīstione vaporum ē terra vel aqua elatorum fit) qui aer, vt stomachus in homine omne genus cibi & potus, sic cunctarum rerum exhalationes excipit, nihil conducibilius esse potest, quā ignis, qui non tātūm assumit vt aer, sed absūmit potius omnes corruptos & putredinosos vapores. Nam sicut ignis illē, seu calor, aut potius vis calorifica, qualis est in zedoaria, melissa, cinnamomo, angelica, multisque aliis similibus, naturalem hominis spiritum illustrat, prohibetque contagium priuatum: ita ignis noster artificialis, quo de hīc agimus, vsum suum in externo aere exerit, & arcet, depellitque cōtagium commune, summa cum admiratione & vtilitate.

Quamobrem, relicto illo naturali artificibus medicis, qui in curatione singulorum versantur, nostri conseruatores id curabunt, vt tempestiuē conuectis in hunc vsum lignis ficcis, velut iuniperi, quercus, vinearum, fagorum, cupressi, pini, piceę, vel etiā salicum, ingentes quotidie ignes vndiquaque in vrbe, præsertim autē vbi maius periculum est, vel imminet, accendi iubeant:

iubeant: idq; ferè simili modo, quamuis dissimili fide, quo veteres olim gentes, suffitus, cereas faces, rogos ad oppida vicinósque agros, tum ab impuritate aeris (vt equidem coniicio) tum à dæmonibus (qui tamen quòd igni affucti sint, minùs eo territos ac læsos esse verisimile est) illustrandum expiandúmque solenniter, statutis temporibus instruere consueuerunt. Imitétur, quæso, per sacram Vestam, diuinum illum Hip. *Actius Amide. 2. ser.* qui hac prudentia Græciam (vt testis est Thucy. *1. cap. 94.* dides) ab Aethiopiæ pestilentia olim præserua- *teirab.* uit, eamque ob rem corona aurea donatus est. I- *Paul. Aeg. 2. cap. 35.* tem Thaletem Milesiæ philosophum, qui solùm instructis ignibus Acrontem patriam suam ab hac calamitate liberauit. Imitentur, inquam, potiùs horum exemplum, qui sempiternam laudem prudentiæ suæ in toto terrarum orbe consecuti sunt, quàm illorum barbarorum barbaram & ineptam consuetudinem.



*Decanibus, felibus, aliisque dome-
sticis ac cicuratis animalibus,
quæ circumuagari solent,
abigendis, vel domi
continendis.*

C A P V T I X.



REPEDITA proximo capi-
te perpurgandiratione, quã
spurcis animalibus remo-
uendis, fimis & platearum
inquinamentis auferendis,
fossis, paludibusque implē-
dis, corrigendisve: denique
aere ignibus collustrando constare diximus,
hoc loco videndum est, quid decanibus, felibus,
capris, aliisque cicuratis ac circumuagantibus
bestiis ex vtilitate rationeque dici ac statui pos-
sit. Hic igitur conseruatorum edictum mox ab
initio morbi extare velim, quo eiusmodi vel abi-
gantur, occidanturve, vel sedulo intra priuatos
parietes contineantur custodianturque. Quod
sanè non imprudenter Respub. quædam obser-
uant, vt quibusdam anni temporibus, præcipuè
autem circa ardores Syrios, quando Sol Leonis
signum ingreditur, quod tempus vulgò dies ca-
niculares

niculares appellant, canes interfici mandent, cuius causam hanc esse existimo: cum animal valde æstuans, & natura biliosum sit canis (teste Ga *Part. 1 de feb, cap. 17.* atrabilarium esse putet) & habeat cordis cauer-
nulas admodum angustas, illo tempore cum cæli feruor flagrantissimus est, inflammatis in corde humoribus, & ebulliente supra modum sanguine, in rabie facile efferari solent: vnde postea tum hominibus, tum aliis animalibus maximū præsentissimūq; impendit periculum. Quod *Canis rabiosi cum pestifero collatio.*
si igitur simile quippiam etiam hic nō solum de canibus, sed etiam felibus, atque aliis eiusmodi tam cicuribus, quàm cicuratis animalibus dici queat, nempe vt virus hoc pestiferum, quasi rabiem quandam non minùs quàm homines assumere, & nisi domi coerceantur, ad alios deferre, etiam ipsis sæpe innocuis permanētibus, possint, nōne eadem ratio in hoc quoque statu epidemico valebit? Imò verò tantò magis hic valebit, & imitanda est, quantò magis non modò à cōtactu morsive eorum, vt ibi, sed etiam ab infecto per illa communi aere contagionēque fundenda inferendāque, dum perpetuò huc illucq; cursitant, periculum metuendum est. Accedit huc, quod rabie deterius est: infecti enim lue pestifera canes, sicut & aliis malis laborātes, domū suam plerūq; repetūt, & domesticis suis, tanquā ab illis opem sperantes, vel apud illos asylū quærentes, se insinuant, proximēque adiungunt, vt

traditoris Iudæ exemplo ipsum aliquando herum suum hoc periculo inuoluât, prodantque, cum rabidi plerunque contrà tam notes, quàm ignotos fugiētes, in loca syluestria sese recipiât, adeóque se apertos hostes indicent, vt cauere & fugere liceat, ac rarò alios, quàm qui obuij sūt, quique se ipsis opponunt, inuadant. Item qui veneno pestilentiali affecti sunt, sæpenuerò morbi vehementia in locum aliquem secretum se abdunt, ibique taciti moriuntur, & mortui, priusquam res cognoscatur, longo nonnunquã tempore iacentes putrescunt, funestisque vaporibus aerem inquinant, atque ita non solùm viui, sed etiam mortui plurimum nocent, quod in rabiosis non similiter accidit. Postremò si inter se cõferas morbi vtriusque genus, quamuis ambo lethali periculo sæuiant: tamen minùs perniciofa est rabies, quia diuturniores plerunq; concedit inducias, nec tam celeriter vniuersas prosternit affecti corporis vires, ac proinde nec tam præceps exitium affert, quàm pestis. Hæc enim adeo est subtile, penetrans, vehemens, demum adeo vitali spiritui infestum hostilèque venenũ, vt per quoscunque meatus corporis transire, ac paucis horis vitæ arcem occupare, & mortẽ inferre possit. Quod cum ita sit, si rabiosos canes omnibus modis vitãdos censemus, multò magis pestilentes vitandos esse, rationi consentaneum est.

Sed vnum fortè tibi incredibile videbitur,
quòd

*Dioscor. 6.
cap. 35.*

*Scribon.
Larg. de cõ
pos. med.
Alex. Ben.
26. cap. 16.
Matthiol.
lib. epist. 6.*

quòd canes, feles &c. innocuos aliquando à peste diximus manere, & nihilominus ad alios afferre, eosque intoxicare. Cuius rationem reddere difficile non est. Hoc enim ex recipientis subiecti dispositione accidit, in qua secūdum Aristotelem, Galenum, Auicennam, reliquosque insignes philosophos, rei effectio potissimum consistit. Nam cum aptum est subiectum, tunc efficiens causa quantumlibet imbecillis, effectum suum citò potest producere: ut stupam, vel sulphur celerrimè accedit vel exigua scintilla. Què admodum rursus cum effectrix causa est potēs, tunc quoque vel non aptam materiam subigere, & pro arbitrio suo in eam agere valet. Licet enim sulphur facilius ignem cōcipiat, quàm lignum, & lignum siccum aut in asseres fissum facilius quàm viride ac solidum: tamen ardens focus aut fornax tam crassa, quàm tenuia, tam viridia, quàm sicca in flammam rapit & consumit. Vehemens enim, ut dixi, agentis vis, subiectam sibi materiā celerrimè disponit atque informat. Hinc Marsil. Ficinus medicus & philosophus eximius de peste quadam suæ ætatis, videlicet anno 1479 refert, in agro Italiæ, Coregio dicto, feles & canes aliquoties pestem ex vna domo in alteram intulisse, ipsis nulla ex parte contagio læsis. Idem dicitur de alio quodam, qui ab equo suo peste fuerit infectus, à qua tamē equus nullum senserit damnum. Quæ omnia eò dicuntur, ut intelligatur, minimè securè aut oscitater

Alex. Aphrod. 1 problem, 85.

*De Epide. cap. 2.
Th. Erasmi disputat.
Paracelsi part. 1.*

agere oportere, quò minùs hoc malitiosum cō-
tagij genus omnib⁹ viribus, omni studio, omni
denique curā & prouidentia arcendum extin-
guendūque esse conseruatores nostri sibi per-
suadeant.

*De non admittendis in urbem
hospitibus & peregrinis, neq;
rebus importandis sine testi-
monio sanitatis eius loci unde
veniunt.*

C A P V T X.



Verum enim uerò frustra o-
mnino suam Rempub. con-
seruatores hac industria & di-
ligentia curabunt, si non simi-
lem etiam prudentiam adhi-
buerint, in externis vel homi-
nibus, vel rebus admittendis
excludendisque, quando hæc calamitas passim
gliscit, ut hoc tempore in magna ferè Germaniæ
parte contingit. Quid enim profuerit proprias
sordes amouisse, si alias iterum velis admit-
tere? Quemadmodum enim hæc est laudabilis
medicorum industria, ut cū prius impurum
xgro-

ægrorum corpora medicamentis κατάρκτικαῖς
 expurgarunt, postea prudenter caueant, nè simi-
 les superfluitates denuo colligant: item nè vllæ
 in morbis reliquiæ supersint, quæ recidiuas fa-
 cere possint. Eodem quoque modo Magistratus
 noster (quem hîc generalem medicum esse oportere
 diximus) in vniuerso & communi Reipub.
 corpore operam dabit, cunctisq; ordinatim pro-
 uidebit, vt ne minimum quidẽ contagij momẽ-
 tum, vnde noui errores, nouaque pericula me-
 tuenda sint, admittatur, relinquaturq;: nam (vt
 ait poeta) neglecta solent incendia sumere vires.
 Et quis ignorat (quod iam sæpe est dictum) pestẽ
 morbum prorsus contagiosum esse, neq; solùm
 in hominibus & pecudibus, sed etiam in rebus
 variis, vt pannis, ferramentis, lignis, vasculis, le-
 ctisterniis, sarcinulis, lintheaminibus, mercibus,
 supellestilibus, pecuniis, maximè autem omniũ
 in laneis vestibus (nisi admodum cautè egeris)
 diu inclusum posse delitescere, & data occasione
 virus suum magna clade latè diffundere? Sicut s.
 enim canis rabie infectus multos sæpe dies, imò
 quorundam iudicio, multos sæpe menses atque
 annos venenum suum circumfert, priusquam
 vllam noxã sentiat: ita in hoc quoque malo ac-
 cidere infinitis propè historiis, quas partim ipse,
 partim alij fide digni medici obseruarũt, cõstat.
 Memini enim superiorib⁹ annis, quando Colo-
 nia Agrippina atroci epidemia affligeretur, puel-
 lam quandam celebris familiæ, vnà cum matrẽ

Alex. Ben.
 lib. 1 de pest.
 cap. 2.

Galen. 6. de
 loc. aff. cap.

Gordon de
 feb part. 1.
 cap. 17.

Alex. Ben.
 lib. 26. cap.
 16.

Lenin. Lẽ.
 3 de occult.
 nat. mirac.
 cap. 5.

& altera sorore ex vrbe fugisse, ac in alienum aerem secedendo salutem quæsiuisse: quæ quamuis sana esset egressa, & in locum salubrem peruenisset, triduo tamen pòst, infecta & mortua est: cuius nulla alia causa fuit, nisi quòd venenum pestiferum interea temporis quietum vel in vestibus fugitiuarum, vel in viis cutis patentibus, aut venis nò adeo cordi propinquis hæserit, nec eam antè grauârit, quàm cor ipsum attingeret. Leuis enim & exiguus vapor est, qui non tãtam cum ceteris membris, quantam cum corde inimicitiam habet. Quam ob causam Marf. Ficinus non veretur affirmare, vel integrum bimestre sine noxa in hominibus posse latitare. Quod si verum est, vt certè verisimile est, nimis longè & obscurè in influxum Saturni, Martis influentiã retardantem, quidam causam hanc reiiciunt. Et Bern. Cronenburgius, aliàs expertissimus medicus, hoc modo populariùs & efficacius quibusdã obstrepëtibus, & præ imperitia fugientes pestifera loca culpantibus respondere potuisset, quàm nescio qua prauorum humorum & inordinati victus culpa: quibus equidem rationibus febris aliqua aut leuior morbus, rarissimè autè pestis oriri solet. Constat enim mihi de hac ipsa virgine, ob animi eius pietatem, & Dei singularem cognitionem & timorem, adiuncta ætatis maturitate, & peculiari matris præsentis cura, ea præsertim temporis constitutione, parum aut nihil in victu deliquisse, neque vlla cacochymia labo-

*Pestis de
scriptio.*

*Clementius
Clementi.
ca. de pest.*

laborauisse. Si tamen de puella, quarum sexus
 labilis est, id videatur difficile creditu, possem i-
 dem affirmare de medici cuiusdam experientis-
 simi filia simul & vxore, quæ ambæ eodem mo-
 do, alio in loco, in quem securitatis gratia seces-
 serant, pestilētia correptæ & mortuæ sunt, quas
 neque victus incauta ratione, neque insalubris
 loci natura illud venenum ibidem genuisse, sed
 eò secum asportasse credibile est. Quòd si verò
 nondum plenam fidem hæc facere possint, quò
 minùs quod dico, approbare queas, adducā effi-
 caciora etiam argumenta. Patauium Italiæ Cis-
 alpinæ (quam modò Lombardiam vocant) Ve-
 netorum dominio subiectam amplissimam ci-
 uitatem, memini ab vno scholastico (cuius do-
 miciliū non longè à meo distabat) qui Venetia
 peste infectus rediit, totam ferè cõtaminatã esse.
 Quàm sæua, atrox, & tãtũ non inusitata pesti-
 lētia grassabatur Hamburgi antè paucos annos: *Hamburgi*
 atqui hãc vnus hominis cõtagio, qui Dantisco *pestis, anno*
 illuc venerat, originem suã habuisse, retulerunt *1556.*
 fide digni viri, & eius vrbis ciues. Tãdem vt do-
 mum quoque nostram veniam, nostra quoque *Bremensis*
 Resp. vnus polluti hominis vitio, qui Hambur- *pestis, anno*
 go æger ad nos deportatus fuit, eodem tẽpore, *66.*
 adeo paucis diebus inficiebatur, vt nullus ferè
 vicus ab illa lue esset liber: quamuis rursus tam
 rari ea interierunt, vt nulla ex omnibus mariti-
 mis ciuitatibus (cũ passim peste premerētur)
 tam paucos amiserit homines: haud dubiè sin-

gulari Dei clementia, & Magistratus medicorumque prudentia & industria: quæ duo Deus ipse coniuncta esse voluit, neque temerè sine hominum opera, suam opem nobis largitur. Hæc ergo de contagio per homines sparso acquisitioque sufficiant. In quibus illud maximè vtile, & perquam necessarium ad cōmunem omnium tutelam esse intelleximus, si non tam temerè (quàm fieri plerumque solet) vulgus cōmisceatur, neque promiscuè pro libidine quibusvis quocunque aditus concedatur.

De rebus verò ipsis, quæ ex funestis allatæ locis contagium simul attulerunt, tam multa sese offerunt, ut dies chartaque citius mihi defutura sint, quàm exempla, si eorum vel minimam partem velim enumerare. Omisssis ergo antiquissimis, quæ propter vetustatem minùs merentur fidem apud nos: de paucis saltem, & quæ paulò ante nostram ætatem, aut hac ipsa ætate nostra cōtigere, loquamur. Refertur historia multis nota ac notatu digna: cùm Verona in confinibus Italiae obsidione premeretur ab Imperatore Maximiliano, incidit in exercitum Germanorum pestis, ut plus minus duo hominū millia ea perirent. In hac strage hoc certò est compertum, viginti quinque milites vna pellicea veste ordine infectos ac mortuos esse. Nam cùm vnus discederet, statim successit alter, & velut prædæ expositam ad se recepit, induitque vestem. Eaque perniciēs eousque progressa est, donec à chirurgis obser-

Anno 1511.

obseruata fuit huius cladis & contagionis causa. Qua cognita, communi sententia in ignem coniecta & exusta est verè venefica hæc pellicea, & post eius suppliciū paulatim pestis remissior facta est, & tandem cessauit. Alexander Benedictus (qui vixit anno 1493) simile quiddam narrat, quod accidit Venetiis, his verbis: Audiui (inquit) patris mei ætate in vrbe Veneta culcitram pestilentiaæ tempore suspectam, in interiorem domus partem cuiusdam patritij eiectā, ac post septimum annum requisitam, quam materfamiliās discuti iussit, longo enim situ in abdito loco virus vehementiùs contraxerat, quo serui protinus subita peste correpti sunt. Nō dissimilis historia, quamuis primū à persona, non receperit, mihi olim relata est, quam alibi verbis Germanicis recitauī, habet autē sic: Anno sexagesimo quarto, supra millesimum quingentesimum, quando Colonia crudeliter pestifera hac lue affligeretur, auriga quidam, qui quater mille passuum istinc habitabat, fortè in urbem aliquid mercium aduexerat, ac vicissim contagiū hoc (proh nocentissimum laboris præmium!) domum secum retulit, & in breui tempore eo occubuit. Inde elapsis sex hebdomadis (tam diu enim se venenum à noxa continuerat) moriebantur eadem in domo omnes liberi, omnesq; ministri, vna sola superstite manente matrefamiliās. Hoc facto iterum penè duos integros menses absque omni damno substitit malum.

Sed cū res omnes saluas esse sperarent, ecce relictā vidua dono fortē dedit vicini pauperculi filiolo sui filij defuncti interulam, qua noctu tectus puer, ac insperatō pollutus statim mortuus est vnā cum vniuersa familiā, excepta rursus sola matre. Quod cū quartō eodē modo vt antē, longo tempore intermisisset, & demum ad hanc relictam viduam peregrini quidam commoratum venissent, de nouo reuixit, quod mortuum credebatur infortuniū, ac simul omnes perdidit, eadēque ratione ad Ianuarium vsq; grassando perdurauit, donec hyberno tandem frigore victum ipsum quoque, non sine magna vicinorum gratulatione interiit. Addendum & aliud non minū triste exemplum, quod in vrbe nostra Bremensi obseruauī. Fabro enim ferrario peste extincto, qui huius hāres erat eiusdem artificij, relictā Spartā nimium audus, eheu vnā cum suppellectili morbū quoque mortēq; simul domi suæ intulit. Nam cū inter reliqua vas esset ad balnei vsum, more patriæ paratum, in hoc ipse cum quinque domesticis lauit, & prima nocte omnes sunt lue pestilentiali infecti, & enecati. Notabiles certē historiæ, quibus etsi haud facile pares inuenias, tamen quod ipse vidi, Venetiarum urbem amplissimam tantū vtenfilibus & vestimentis quibusdam, quæ clām istuc Iustinopoli aduecta fuerāt, vniuersam ferē infectam fuisse, tacere non possum: quamuis ob summam Magistratus prudentiam, & indefes-

sam.

sam omnium ordinum curam Dei præsidio sub-
 nixam, nec diu durauerit, nec multos abstule-
 rit. Simile ferè contigit ante paucos annos in
 vicino nobis Comitatu Hoyensi, vt muliebri
 veste illata in quodam pago ex vrbe, quætunc
 peste affligebatur, Hamburgo, breuissimo tem-
 poris spatio quinquaginta è medio tollerentur:
 ac nisi statim per Dei gratiam industria & pru-
 dentia præfectorum fuisset sopita, haud dubiè
 proserpsisset latius, præsertim ob miserorū ru-
 sticorum temeritatem & consilij inopiam. His
 possem addere, si tamè non propter rei enormi-
 tatem supprimenda potiùs, quàm historiæ inse-
 renda ac diuulganda quis putet, quæ in vrbe Pa-
 tauina ipse vidi, nempe rebus quibusdam pesti-
 lenti aere infectis, partim clàm in alienas sanasq;
 ædes proiectis, partim infantibus dono datis,
 cōtagium mirificè fuisse amplificatū. Quo facto
 adhuc nefandius est, quod mihi hæc ipsa scribē-
 ti, de quadam celebri Germaniæ ciuitate relatū
 est, fuisse videlicet ibidem aliquot vespillones &
 pollinctores, qui aut pretio à quibusdam condu-
 cti, aut sua immani auaritia, vt commodum fa-
 cerent ex aliorum incommodis, publicas cister-
 nas collecto ex pestiferorum apostematis viru-
 lento pure infecerunt. O crudele, nefariū & post
 hominum memoriam inauditum facinus! Im-
 pia veneficæ, quæ vulgò striges appellantur,
 grauem quidem pœnam merentur, etsi multis
 in locis nimis temerè, & nonnunquam ille-

gitimè (liceat mihi id hoc loco obiter dicere, satis enim hanc causam hodie viri eruditi disceptarunt) tractari consueuerunt, frigidâ, aut potiùs focum vndique suffundente Molocho, qui talibus holocaustis delectari solet: verùm an illi pestiferi venefici minore pœna digna tibi videbuntur?

Quare cùm iam intelleximus, quantum ad præseruandam Rempubicam momenti habeat, & quàm necessarium ἀλεξιφάρμακον sit, vt ne temerè admittamus vel homines, vel res cuiuscunque generis, quæ veniunt è locis funestis, idque magis (si Cardano credimus) quantò illa loca Orientaliora fuerint (solet enim pestis, vt reliqua, quasi motu cæli diurno, ab Oriēte in Occidentem (inquit) procedere) cùm, inquam, hæc ita se habeât, eiusmodi cautio est adhibenda conseruatoribus nostris, vt constitutis institutisque portarum custodibus, nullum peregrinum recipiant, neque res vllas inferri permittant, nisi habeant testimonium aliquod scriptum, signatùmve integritatis fide dignum. Idem quoque in ciuibus obseruandum, si fortè (vt facere solent, qui rei, quàm valetudinis maiorem habent rationem: per mare enim, per terras currit mercator ad Indos, pauperiem fugiens) peregrè domum redeant, & è locis suspectis veniant. Tamen si enim neque hæc satis, aliquando ad præcauendum erunt, dum homines temerarij & obstrepere vel fallere interdum ianitores,

*De rerum
Variet. 15.
cap. 72.*

*Scribon.
Larg. de cō
pos. med. in
præfat.*

nitores, vel apertè huic constitutioni, tanquam in utilitatē seruituti repugnare conabūtur: multi tamen reddentur circūspectiores qui boni sunt, cogitabūntque, non perpetuas, sed temporarias esse leges nostras, quæ ipsorum quoque salutis gratia sint institutæ, tantòque minùs diu duraturas, quantò citiùs & maturiùs venienti malo occurrerint, & diligentius auerterint. In communi enim aduersitate omnes operam suam accommodare, & plus quàm priuatam causam curare decet.

Quod si verò aliquis contra charitatem fore *Hippoc. 1*
opinabitur, quòd excludendos sentiam homi- *aph. 1*
nes ac fratres nostros, quorum plerique velut *Rom. 12.*
ab hoste lethali, ad nos, tanquam ad asylum cō-
fugiant: huic ita responsum sit, neminem me
velle desertum vel ope nostra prorsus destitutū
esse, sed auxiliij tamen præstandi ratio & ordo
constare debet. Vera charitas à se ipsa incipit,
sed in se vna non desinit. Quin potiùs expandit
se quousq; potest, ad quemuis proximū, & cuiq;
pro viribus opem suā impartitur, & quod Am-
brosius de liberalitate ait, fide, causa, loco, tem-
pore commendatur. Quæ enim hæc charitas
fuerit, vnā morbidam ouem in ouile admit-
tere, & vniuerso gregi affricare scabiem? Si cha-
ritas virtus est (vt est proculdubio summa & di-
uina virtus) non potest carere prudentia, quæ
veram virtutem quāsi informat, dum necessa-

riis circumstantiis, vt ex Ambrosio constat, quibus vnaquæque absoluitur, intenta est. Et si enim terminum non habet charitas, & vt dici solet, verus amor finem nescit habere suum: tamen non ducetur temeritate, & quod modò dixi, non carebit prudentia. Qua autem ratione & quo ordine hoc charitatis officium administrandum putem, in sequentibus dicetur copiosius. Hic igitur libri primi finis esto.



DE



DE OFFICIO FI-
DELIS ET PRVDENTIS
MAGISTRATVS, TEMPORE
pestilentix Rempub. à con-
tagio præseruandi,
liberandique.

LIBER II.

*De his in quorum ædes irru-
perit pestis.*

CAPVT I.



ABSOLVTA ea parte, quæ
magis eos, qui adhuc sani
sunt, quàm ægrotos attinet,
ac proinde *πρωτολακτική*
quædam publica dici potest,
restat, vt elegantium medi-
corum consuetudinē & me-
thodum imitati, eodem modo de pharmaceu-
tica, hoc est, de ratione curandi & liberandi di-
camus: si fortè vel ex Deo immediatè, vel alia de
causa ædes alicuius immanis hæc lues, & trucu-
lentus draco (vt Galenus eam vocat) inuasit.

Neque tamen singularia priuato cuique remedia præscribenda quis hîc expectet: sed id quod publico fidelis & prudentis Magistratus officio in hac re fieri debet: vt generali via inuenta, cōstitutâque, quatum ægrorum, tum eorum qui cum ægris versantur, ratio habeatur, citiùs vniuersum contagium extinguatur, & minus damni ciuitati inferat.

Præsentî ergo, & infestanti eiusmodi malo, in priori quidem specie ad Deum solum confugiendum esse, ab eoque omnem culpam deprecandam, ab initio diximus: in posterioribus verò post Dei inuocationem illud primò omnium ac statim conseruatores curabunt, vt domus illa contaminata certis signis, vt expositis ad fores tædis, quæ gentium more mortuis præferri solent, vel fultibus, qui punishmentem, vel fasciis stramineis, vel nigro, albo rubrôve suspenso velo morbum mortemve designantibus, notetur: simulque edicatur toti familiæ, ne egredi ad alios, neque quenquam ad se admittere ausing, ad minimum sex vel septem hebdomadarum spatio, siquidem interea sufficietem expiationem, quæ infrà distinctè tradetur, adhibuerint. Quod si quis sua sponte ad hos ingressus fuerit, eodem edicto tenebitur, sed tempore breuiori. Interim siquid habebunt, quod foris agant, per alios fieri curabunt. Maiorem enim totius societatis, quàm priuatæ familiæ rationem habere fas est.

Obiectio.

Quòd si aliquis iniquum & durum esse existimet,

stimet, homines sanos tam arctè, ac tanto temporis spatio includi, præsertim in ædibus ab illa lethifera venenositate occupatis, magisque conducere his quoque putet illud prouerbiale tripharmacum, citò, longè, tardè: denique neque ægris ipsis consultum esse, præsertim si habitatio minùs sit cōmoda, ita conclusos manere, ac non interdum liberiori aere frui (non omnes enim lecto decumbunt:) hæc sanè qui dicunt, neque *Responsio.* nihil, neque omnia dicere videntur. Nam & ipse minimè tutum esse arbitròr, infectorū consuetudine frequenter uti, ac aerem inquinatum assiduè haurire. Ergo quibus rationibus hisce angustis incōmoditatibusque remedia inueniamus, quæ dum nemini nocere possint, multis valde profutura sint, sequenti capite dispiciemus: liberam enim potestatem iis concedi inter alios conuersandi, nimis temerarium ac barbarum fuerit, & ferè, quod Lutherus in hac quoque causa dicit, illos imitari videremur, qui pediculos in pelles, aut muscas in cubile immittere, vel ignè in sinu fouere velint, nisi quòd hæc leuiora sunt, quàm vt cum hoc malo cōferre possint. Et cùm manifestè deprehendamus, vnicam hanc *ἀνταρξίαν* ferè in causâ esse, quòd contagium plerūque tam celeriter, tam longè latèque spargatur, non est vllò modo committendum, vt nostra culpa & negligentia ipsi vulnera nostra augeamus. Non quòd negem, pestem aliquando communis aeris putrefactione existere (quod rarū

tamen est, & multis senio cōfectis inexpertum) ac statim quàm plurimos, sparsimq; sine contagio apprehendere: neque etiam quòd ignorem, iratum nostris peccatis Deum hoc flagello interdum aduersum nos vti, & ad vitæ emendationem cogere, suiq; obseruantia nos admone-
 re (hoc enim profanis simul & sacris historiis cōstat) non, inquam, istud inficior, neque hîc humana remedia multum prodesse affirmo, sed hæc rariùs accidere sperandum est, & cùm accidunt, satis euidenter & peculiaribus signis se produnt. Quemadmodum de Aethiopia constat testimonio Thucydidis: item quum Deus puniuit exercitum Maximini, persequentis Christianos, tanta morientium multitudine, vt inhumata corpora passim relinquerentur. Quod & de copiis Davidis refert historia regum. Quis hæc velit diffiteri? Sed iterum repeto, rarò hæc videntur, & nostrati pestilentia parum conueniunt, cuius initium, causam, progressumque, quoniam plerunque satis euidenter possumus deducere, ob id tantò maiorem diligentiam ac curam adhibere debemus, vt quod nostro vitio & culpa mali nobis accersuimus, aut ignauia admittimus, pari quoque studio atque industria corrigamus & profigemus.

Quamobrem, cùm iam ita domus illa notata, & quasi lepræ contagiosa damnata fuerit, domesticici vel sponte sua, priuatòque sumtu, si soluendo sunt: vel conseruatorum hortatu ac impensis,

2 Reg. 24.
 Eccles. hist.
 9. cap. 9.

penſis, ſi inopes, medicorum ad id conſtitutorũ
 auxilium illico adſciſcent, fuſiſq; ad Deum preci- *Eccleſ. 18.*
 bus, non grauati, ſed hilariter ac bona ſpe in o- *39.*
 mnibus, quibus opus erit, admittent. Creden-
 dum enim, quod boni in ea re largiturus eſt Do-
 minus, id plerunque per medicos, tanquam mi-
 niſtros ſuos dare, haud ſecus quàm paterfami- *Lenin. 1. c.*
 liàs ſolet cibum potũque per architriclinos fa- *de lib. bibl.*
 miliæ ſuæ, largiri & diſtribuere. Medici enim & *cap. 1.*
 medicina Dei miniſtri ac creaturæ bonæ ſunt, *Sapient. 3.*
 quibus, iubente Apoſtolo, cum gratiarum actio- *cap. 2.*
 ne vtendum eſt. Quam cauſam liceat mihi bona
 lectoris venia, propter quorundam imperitorũ
 iniquum iudicium paulò fuſiùs (etſi extra cau-
 ſam) hĩc tractare.

In primis enim Ieſus Syrach, inter Hebræos *De Uſu &*
 vir pietate, prudentia, & rerũ cognitione, deniq; *laude me-*
 diuino Spiritu inſigniter præditus, ſic ſcriptum *dicina.*
 reliquit: Honora medicum, nam propter neces- *18. 39 cap.*
 ſitatem creauit illum Dominus. Medicina ab Al- *Exod. 20.*
 tiſſimo eſt, & à rege accipiet munera. Dominus
 è terra creauit medicamẽta, & vir prudens non
 contemnit ea. Da locũ medico, Dominus enim *Hipp. li. de*
 illum creauit, hæc Syrach. Quid, obſecro, hĩc *Veteris*
 ſibi vult ingeminata illa, ac ſæpiùs repetita vox *medic.*
 creationis, quid origo & commendatio, niſi vt
 Dei munus eſſe medicum & medicinam intelli-
 gamus, quoq; non liceat modò, ſed deceat etiam
 vt, dum opus eſt, & neceſſitas requirit? Illos ve-
 rò imperitos eſſe, & cõſilij Dei admodum igna-

ros & stupidos, qui superuacaneam medicinam iudicant & inutilem, cum haud dubie humano generi sanitatis conseruandæ & reparandæ gratia diuinitus data sit. Hinc & gentes agnouerunt eius præstantiam, dum ipsius inuentorem non hominem, sed Deum fuisse scribunt. Apollinem enim, quem auctore eius faciunt, pro Deo coluerunt: & Aesculapium filium Apollinis, qui eam paulò subtiliùs excoluit, propter insignem eo tempore artis peritiam, simili honore dignatæ sunt. Homerus verò etsi originis non meminit, pulcherrimo tamen elogio nobilitare non dubitat, dum inquit:

Ἦν τὸς γὰρ ἀνὴρ πολλῶν ἀντάξεος ἄλλων, id est,
Vir medicus multos virtutibus antecit vnus.

Quod agnoscetes veteres Romani Imperatores, medicis in singulos annos amplissimum stipendium, ducenta & quinquaginta sestertia (vt refert Plinius) pendebant, cum reliquarum artium Professoribus centena tantum numerarent: quamuis temporibus consequentibus, rursus lege lata ex vrbe fuerint proscripti. Quod propter quorūdam imperitorum audaciā, qui medicina abutebātur, sancitum est. Homines enim auari, magna spe lucri accensi, & excæcati præcipites sæpe feruntur ad quidlibet audendū, & aliquando non abstinere ab eo quod nefas sit narrare. Qui neque Hippocratici iuramenti, neque honoris aut salutis suæ & aliorū memores, tāquam latrones grassantur, vbi liberè illis ver-

sari

Scrib. Lar. de compos. med.

Polydor. de rerum inuentorib. l. 1.

cap 20,

Cornel

Cels. lib. 1.

Lib. nat. hist. 29. ca. 1.

fari licet. Nos verò qui luce Euangelij illustrati, res singulas non abusu, sed legitimo vsu æstimare debemus, medicina ita vtimur, vt agnoscamus non humano consilio, sed diuino beneficio vitæ prorogandæ, quoad externa præsidia, esse propositam. Grauißima & piissima est censura, & huic nostro negotio appolita doctrina Lutheri in libello Germanicè, anno 1527 de peste VVitebergensi edito: Deus (ait) creauit medicinam, ac donauit mentem, vt quisque sui corporis curam haberet, valeret ac viueret. Quicumq; his vti non vult, quando citra proximi damnum potest, is prodit propriam vitam, & parum abest quin homicida coram Deo efficiatur. Eadem enim ratione cibum & potum, vestitum & domicilium contemserit, & nimium fidens suæ fidei, dixerit, Si Deus vult, potest me sine hisce omnibus conseruare. Quo absurdo illud adhuc grauius est, quòd qui ad hunc modum corporis sui curam abiicit, neq; pestilentiaæ remedium, quod potest, quærere vult, etiam aliis hac negligentia sua officere & intoxicare potest, qui fortè, si hic sibi consuli passus fuisset, illæsi & viui permansissent. Quo fit, vt interitus alieni culpam sibi accersat, & Deo homicidium committat. Eiusmodi homines reuerà non aliter agunt, quàm si quis igne flagranti ciuitati nolit subsidio venire, sed incendio det locum, vt vniuersa vrbs consumatur, hac scilicet fiducia: Si quidem Deus vult, potest absque aqua ignem extinguere. Haud

quaquam ita agendum, amice, imò turpe & iniquum est, quod tibi persuades: quin potiùs medicamentis vtere, facitòque quicquid quoquo modo potest auxiliari, suffumiga domum, hortum & plateam, fuge loca funesta, hominésque infectos, vbi tua opera non requiritur, ac ita te gere, vt qui publicum incendium non fouere, sed restinguere velit &c. Nam quæ sequuntur, etsi sint eleganter dicta, tamen hoc tempore prudens omitto.

Faceſſat ergo iſtæ plus quàm barbarica opinio & Cyclopica obſtinatia, qua plerique medicinam velut ſuperuacaneam, vel artem ſolùm *ἡγεμονιστικὴν*, vt & reliquas omnes liberales diſciplinas, ac ipſam quoque philoſophiam, tanquam *σοφιστικὴν τινὰ* (quod & Plato aliquando non rerum, ſed perſonarum profitentium culpa facit) appellant, infamantque.

In Gorgia.

Eſa. 33.

2. paral. 16.

Obiectio.

Epistol. ad

Ephes.

Theodor.

dialog. 1.

Quòd ſi verò quis dicat: Si tam neceſſarius, & vt ais, diuinus vſus eſt tuæ medicinæ, cur ipſus ille Syrach, quem citaſti, in eodẽ abs te adducto loco, ægrotos ad Deum iubet ire, & ſanitatẽ precibus flagitare? Cur S. Ignatius piſſimus epiſcopus & martyr, vnum Chriſtum medicum carnalem & ſpiritualem, atque in morte etiam (taceo in morbo) veram vitam appellat? Sed ſuggeram etiã ipſe aduerſariis telum, quod non exigui apud me momenti eſt: Cùm ex Italia abirem, vir inſignis Sebaſtianus Laudus, medicinæ Profeſſor Patauinus, & meus præceptor,

(quem

(quem honoris causa nomino) pro perpetua sue in me fidei memoria, libro meo sua manu inscripsit: Memento solum Deum curare morbos. Si igitur solus Deus, quid opus est aliis? an Deus subsidiariis ministris eget? Si Christus vnicus medicus, qui languores nostros aufert, vt testis est Propheta, & vt ipse tot exemplis testatus est in nouo suo Testamento, quæ requiramus præterea? Frustrà certè fit per plura, quod per pauciora fieri potest. Et huius quidè sententiæ per multi etiam inter Christianos reperiuntur, Eucharistis antiquis hæreticis non dissimiles. Sed respondeo: Et si Deum nullius auxilio egere, sed potius vnicum & verum medicum tam corporis, quàm animæ esse, ab illóq; omnem sanitatē pendere, & petendam esse fateamur: tamen nihil obstat, quò minùs Dominus & magister famulis suis multa commendet, perque ipsos agat, quæ vult: sicut & quilibet artifex instrumentis vtitur, quibus tamen effecti operis laus propriè non debetur, neque ascribitur. Et dixi antè, rogari Deum velle à nobis, & sine mediis sæpe nihil velle dare, quæ media in hunc finem cōdidit, vt iis ad nostram vtilitatem vteremur: quemadmodum & Christus ipse, & sancti Dei homines, quando consequi potuerunt (alioqui gratia & potentia Dei non est illis alligata) iis vsi sunt, & vti consueuerunt. Quamobrem, quòd hi vnum Deum morbos curare asserunt, ad principem causam referendum est, quæ est Deus, nō

Esa. 38.

4 Reg. 20.

Tob 6. 11.

3 Reg. 4.

8 Ioseph. 2.

ad instrumentariam, ut sunt homines. Syrach autem cum initio illa ipsa instrumenta & media tanquam divina & salutaria media celebrasset, ne quis istis nimium forte confusus velut principalibus causis adhereret, ac Dei obliuisceretur, in fine capituli, quasi iam in usu earum rerum nos admonet, ut Deum toto opere nostro precibus habeamus, ipsum precibus sollicitemus, ac prosperum successum ab eo postulemus. Ac si diceret, medicina quidem præclara & divina res est, sed absque virtute & gratia Dei (quæ virtus solis precibus impetratur) non edit felicem profectum. Quæ mens haud dubie quoque fuit illius, licet profani medici, Herophili, quando ait, medicinam & nihil esse, & rursus manum Dei esse: nihil (inquam) ut ego quidem intelligo, per se ipsam: manum verò Dei, cum gratia & efficacia Dei coniunctam, & tempestive, recteque usurpatam. Quo quidem mea opinione nihil rectius Christiani usque potest dici. Atque idem, si magna cum parvis licet componere, de mediis illis, quæ ad animæ salutem, ut hæc ad corporis valetudinem, proposita nobis sunt à Christo, dicere possumus. Tametsi quidam, qui cornicum oculos configere, vel Ioui ignem ex cælo suffurari se posse putant, horum quoque dignitatem valde & impie extenuare solent, quum tamen magno conatu nihil aliud quam ab usum & utentium vitia proferant, solumque foetorem Astrologorum & Messalianorum prodant.

*Sacramē-
ta & medi-
camenta
medica
sunt.*

*Theod. 2.
fabul. ha-
ret.*

Verum

Verùm ne quis me propriæ causæ seruire putet, dum tam accuratè pro medicina perorantè audit, non prosequar ampliùs rei per se satis laudatæ encomiũ, sed vnum adhuc præsentì capiti articulũ adiungam, valde, meo iudicio, in hac causâ necessarium. Quærat enim aliquis, quoniam tam studiosè vitandam omnem pestiferorum consuetudinem suadeo, quĩ nam ergo cum illis mulierculis, quæ in hisce infecti ædibus seu sanæ, seu ægræ parturiunt (quod equidem compluribus euenisse, quæq; magna ex parte mortuæ sunt, viuis testis esse possum) agendum censeam? Illæne à vicinis destitui debent? Quæ similis inhumanitas post hominum memoriam vnquam sit audita? Hic duplici responso opus est. Primùm si quæ volunt non temeritate, sed charitate & amore Christiano ductæ (quem certè *Eccl. 3.4.7.* *Rom. 12.13.* mutuum nobis debemus) accedere, id ita fiat, vt postea non imprudenter mox ad familiam suam redeant, nisi mutatis vestibus, & ad cõstituti temporis spatium saltem ab alienorum consuetudine abstineant. Secundò quòd magis spectat ad institutum nostrum publicum, volo cõseruatores nostros hinc quoque ratione certam tenere, vt obstetrices & alias honestiores paulò sceminas, in primis verò vxores ministrorum Ecclesiæ, chirurgorum, pharmacopæorum, medicorum, ac eorum quoque, quos mortuis effrendis, sepeliendisque præficimus, si quæ idoneæ sint, & id facere voluerint, conductas habeant,

quæ id muneris obeant. Itaque nullatenus humana ope carebunt, licet non semper præsentēs habeant, quas tempore sanitatis habere solent, exemplo earum, quæ propter elephantiasin ab hominum consortio separatæ sunt. Nihil igitur ampliùs requirant ab aliis, quàm alias ab ipsis in hoc statu rerum postulare vellent. Sic enim charitas iubet, non quærere quæ sua sunt, si absque damno & periculo proximi fieri nequeat.

De ædificiis publicis Læmodochiis vocatis instaurandis.

C A P V T I I.

POLLICITVS sum præcedenti capite, me rationem traditurū, qua illis, qui ex infectis ædibus egredi malunt, vel ægris, qui cupiant mutare aerem, vtiliter consulatur. Quod vt aptè & prudenter fiat, aliquid maius & sumtuosius moliendum est nostris Conseruatoribus. Volo enim, vt duo factis ampla, atque omni ex parte ad rem apta ædificia, læmodochia nominanda, construantur, ex materia idonea, in loco aerisq; tum ipsis, qui vtentur, tum ciuitati opportunis: ita tamen vt non tam splendor, quàm commoditas quærat^{tur},

tur, & sumtus fit mediocris, vsq; necessarius: de quibus singulatim breuiter agendum est.

Ac primùm materiam quod attinet, erit illa *Materia*
non argilla, lutum, cespites aut stramen, sed li- *Lamodoc.*
gna, lapides, calx: quòd in illis putredo faciliùs
accidat, & contagium diutius hæreat, quàm in
his.

Secundò de loco ac situ, cui annexus est aer, *Locum,*
istud obseruandum est, vt vel in vrbis remota a-
liqua parte, vel, quod malim, extra vrbem sit,
non humilis, sed apricus ac editus, & si fieri po-
test, ad flumen. Remotio enim ab aliis, contagi
impedimentum præstabit: sublimitas aerem da-
bit salubriorem, & Solem, qui omnia recreat,
magis obuium: flumen verò vniuersas excipiet
fordes & excrementa, quæ in eiusmodi domici-
liis affatim solent coaceruari. Huc quoque perti-
nent ampla in procinctu pomæria, viridaria,
horti, in quibus salubres arbores, iucunda gra-
mina, odoriferæ herbæ, flores suauiter & latè
spirantes, salientes demum aquæ adsint.

Ratio verò & forma ædificationis ea medi- *Forma.*
tanda, quam, vt dixi, commoditas & necessitas
desiderent, non magnificentia. Seruanda ergo
ea amplitudo, quæ proportionem non Geome-
trica, sed arithmetica respondeat ciuitati. Alti-
tudo sit duplo maior latitudine. Sint quo-
que intus cubilia mediocri amplitudine, in-
structa caminis, perflabilia, non obscura, ne-
que conclusa, Fenestræ, vt & totum ædificium,

*De vulga-
ribus noso-
dochiis.*

patentes magis Aquiloni & Orienti, quàm Astro vel Occidenti, adfint & balnea, quorum magnus in causa nostra vsus est. Atque hæc tota stru-
cturæ ratio ad multa pertinet, & manifestè ostē-
dit, quàm grauis sit eorum error, qui vulgaria nosodochia ita instituunt, vt ventus non possit penetrare: quo nulla res in hoc maximè morbo perniciosior cogitari possit. Nec mirum est, si sæpe pauperculus huc delatus tantò citiùs occumbat. Nam etsi non hac lue, sed vel alio quovis leuiori morbo, vel etiam simplici febre laboret: tamen impuro illo aere exceptus, fœdis, fœtidisq; vestimentis & lectis stratus; quasi suffocari & violenter mori videbitur. Non dicam nunc, quàm parum prudenter cibo potùque, & aliis rebus necessariis, iis qui hîc decumbunt, sæpe consulatur. Cuius negligentia rationem reddet Deo, qui his officiis præfecti tam perfidè agunt, cum nō exigua causa sint miserorum ægrorum interitus. Adhibenda ergo diligentia, siquidem fieri potest, vt omnia eiusmodi domicilia ad torrentem aliquem instaurentur, & in loco (vti dictū est) vento & aeri exposito, vt perflari queāt, & res inquinatæ sæpe elui & mundari possint. Impurus enim aer etiam sanis plurimum potest obesse, quod experientia quotidiana ostendit. Item in altiori loco extruenda dixi, cum multis fenestris, præsertim qua parte Septentrionem, vnde salubrior aura est, spectat. Fenestras etiam crebrò aperiendas esse, admonitione non eget:

res

res enim ipsa id docet. Quæ omnia si nō obseruā-
tur sedulò, plus damni, quàm commodi allatu-
ra fuerint, & consultiùs esset igne succendi (lo-
quor de vulgaribus nosodochiis) eiusmodi pe-
stilenti statu, quàm cum damno ferri, vt est non
tantùm medicorum, sed & philosophorum, &
in Rebus p. prudentium virorum consilium. M.
Varro cùm aliquando Corcyræ esset, & passim
in omnibus ædibus ægroti decumberent, indu-
cto fenestris nouis Aquilone, atque obstructis
quæ austrum solent admittere, permutatæque
domus ianua, comites suos & totam familiam
incolumes seruasse scribitur. Sic Tholosa Aequi-
taniæ vrbs, episcopatu, academia, & summa cu-
ria nobilissima, cùm ferè perpetua peste infesta-
risoleret, quòd ædes in summo versus plateas
publicas propendiculis quibusdam (sub quibus
tuti à pluuiâ ingrediuntur) constructæ impedi-
rent euentilationem, edicto regio omnibus in-
colis mandatum est, vt non tantùm illas propē-
dices remouerent, sed ædes etiam ipsas quæ ni-
mium viderentur publicam viam coarctare,
ab imo vsque ad fastigium præputarent, & con-
traherent. Mirâda industria celeri actione quis-
que instat operi, dixisses totam urbem voluisse
excindere & renouare. Quid verò effectum? Di-
cam quod verè dicere possum, oculatus enim
fui testis, ventis liberiori parato aditu, vapō-
rū exhalatio difflatiōque pulchrè fuere procu-
rata, pestilentiaque solito longè infrequentius

Tholosa
Vrbs Aequi-
tania.
Len. Lē. 3.
de occ. nat.
mirac. 3.

ciuitatem infestauit, & leuius afflixit. Rarum prudētiæ exemplum, quod licet non fieret absq̃ ingenti sumtu, tamen sicubi res postulauerit, imitatione non indignum est, nostris in primis lœmodochiis, in quorū institutione facilius caueri poterit, vt ita ædificentur, ne diruere postea sit opus.

*De pernī-
cie aeris
conclusi.*

*In append.
ad fin. 9. ca.
& lib. 1.*

Ac quoniam semel ingressus sum dicere de pernīcie aeris conclusi, operæpretium me spero facturum, & lectori tædium leuaturū, si pauculas quasdam, & quidem horrendas de ea re historias adduxero. Apud Hier. Cardan. de variet. rerum sic legitur: Vigesima tertia Iulij die, anni 1556 accidit res mira, cui ego interfui: Iacobus Philippus Cernuscus mēse ab hinc exacto, cloacam sub terra effodi & concamerari iubet, fornicibus extructam. Vbi perfecta est, vt fornix consolidaretur, concludi iubet. Post viginti dies aperit, iubet vt lignei arcus extrahantur: descendit conductor scala immissa, vbi ad medium scalæ peruenit, concidit mortuus. Dominus cū videret illum non reuerti, & ipse descendit, ac vbi eò peruenit, statim concidit. Adstantes tertiū immittunt, qui cū in medio scalæ esset, dixit: Bono animo estote, etiam reliquos educam: sed vbi sub fornice caput eduxit, statim mortuus concidit. Concidit & quartus. Quintus, qui vocabatur Matus (sonat nostra lingua stolidum) vir admodum robustus descendit, sed caput nō condidit, vncōquē extraxit vnum è mortuis.

Inde

Inde factus audacior, rediit, descenditq; edum
 ut caput conderet, statimque corruit. Hunc ex-
 tractum adhuc spirare deprehendentes, paula-
 tim auxiliis adhibitis reuocauerunt ad vitam,
 sensumque, mutus tamen ad sequentem ortum
 Solis mansit. Ego, cum loqui cœpisset, interro-
 gavi, sed ipse solum, quod descendisset, recorda-
 batur: immiserunt & canem, semimortuus ex-
 tractus est. Detexerunt mandato Magistratus
 locum, tunc ex ore antri aqua scaturiens inspi-
 citur. Hæc Cardanus. Quoniam autem causa
 nulla certa apparebat, erant qui basiliscum inibi
 latitare arbitrabantur, qui vulgi opinione ouo
 è Gallo nato, & bufonis incubitu excubato cre-
 datur: quod ego libenter cum erudito & politis-
 simo scriptore L. Lemnio medico Ziricæo anilè
 fabulam esse iudico: Cum halitus potius virosi,
 pector, situs, graueolentia, foeditasque sint, quæ
 è tetrìs horridisq; locis emanet, spiritum inter-
 cipiant, atque hominem nonnunquam stran-
 gulent. Et si etiam aliquando venenatas bestias,
 quæ in huiusmodi cauernis delitescent, id face-
 re, non est quod quis ambigat. Simile huic mihi
 olim est narratum à teste oculato, & omni exce-
 ptione maiori, videlicet reuerendæ memoriæ,
 illustrissimo, reuerendissimoque D.D. Georgio
 Duce Brunsvicensi & Episcopo Bremensi &c. de
 fonte quodam Petershagij (quæ est arx Episco-
 patui Mindensi subiecta) prorsus funestam ex-
 pirâte Memphitin, qui cum à sordibus aliquâdo

*Lib. 4 de
 occ. natur.
 mirac. 12.
 Diosc. 6. ca.
 Glt. & in
 hunc Matt.
 ibidem.*

*Fons Pe-
 tershagij.*

expurgaretur, quicquid viuens immittebatur, mox suffocabatur, & per mortē (vt cum Plinio loquar) experimentum agebat, idq; eousq; donec tandem iniecto, incensoq; vase, pice nauali, herbisq; & floribus odoriferis referto, sic explatus est, vt postea sine damno in eum esset ingressus, & scaturiente ipsius aqua, quiuis absque noxa vteretur. Cum his historiis congruit illa de lacu Puteolano prope Neapolim, in quem iniectus canis, exiguo temporis spatio moritur: si rursus extractum, in vicinum fluentum immergas, reuiuiscit. Item illa, quam egomet Menapis vidi, in dominatu Burchbrull (qui paret nobilissimo, & tam omni virtutū genere, quam profapia antiquissimā, clarissimāq; laude præstanti Guilielmo à Braunsberg) de quadam cella vinaria recens extructa tam grauem odorem eructante, vt nulli vsui seruire posset. Sed plura huiusmodi adduci possent, si prolixitatem non vitarem. Ergo hæc satis sint de materia, situ ac structuræ forma: pergam de censu, numero & vsu, quæ necessaria sunt referre.

Quartò ergo de opibus, quibus læmodochia nostra instruenda sint, prouidendum: quæ quidem pro statu & viribus singularum ciuitatum semel constitutæ, paulatim, vt sperandum, bonorum hominum liberalitate fient maiores, & crescent indies. Quamuis non aliæ hîc diuitiæ quærantur, quàm quæ ad subleuationem eorū qui egent, & structuræ conseruationem necessa-

ria

Lacus Puteolanus.

*Guiliel.
à Braunsberg.*

riæ sint. Et quia non semper pestilentia grassatur, ob id neque annui sumtus faciendi erunt, nisi quod dixi, quatum ad reparationem requiratur: si quid supererit, id vel in futuram necessitatem reponetur, vel in aliorum egenorum vsum erogabitur.

Duo autem eiusmodi ædificia instauranda esse ab initio dixi, vnum videlicet pro illis, qui adhuc sani sunt, & tamen ob consuetudinem domesticam, quam cum ægris habuerunt, suspecti & metuendi: alterum verò pro iis, qui peste infecti decumbunt. Ac in reliquis quidem paria esse licebit, sed spatio conuenienti disiuncta. Nam etiam parietum procinctu, ac domuum contingencia & cōtinuatione multiplicari morbosam contagionem obseruatum est. Eo autem ordine disiuncta erunt, vt alterum alteri in recipiendo vento boreali, ac Solaribus radiis minimè officiat, neque impedimētum aliquod præbeat admittendæ liberæ auræ: præcipuè autem ne Auster ex ægrorum domicilio vllum fœtorem vel vaporem morbidum & pestilentem in sanorum fundum suo flatu deferat. Propterea etiam ex hac parte aut nullas esse, aut clausas fenestras, erit consultius.

Atque hinc iam quoque (quod postremo loco fuit propositum) vsus harum ædium apparet. Cùm enim morbum hunc omnibus modis vitandum censeamus, tanquam præsens & lethale

*Vfus læm-
dochiorū.*

- venenum, quod, nisi diligenter caueatur, certissime inficit, ob id prior finis nouæ huius structuræ erit, vt eos excipiat, qui velut lepra mortali infecti sunt, quo reliqui ciues tantò sint securiores. Quod quanti sit momenti, si quis mihi credere vult, qui neque mentiendi causam vllam habeo, & doleo multos esse, qui in suis libris valde mentiuntur (liceat mihi sic cum Galeno, sanòq; meæ conscientia testimonio loqui) pluribus verissimis historiis, quas partim ipse vidi & vixi, partim à fide dignis audiui, possum demonstrare. Cùm enim puer adhuc in vrbe Dauentria, vbi tum schola florentissima fuit, humanioribus literis operam darem, correptus est peste vnus inter scholasticos, qui ædes fratris incolebant, cognomento propter singulare corporis robur, Hercules, meus cõtubernalis, qui, quòd maturè in locum priuatum, ad quem aliis accessus non erat, remoueretur, nullus præterea hac lue fuit infectus, aut interemtus. Deinde quando Colonia adolescens in artium collegio philosophiæ studerem, nobilis quidam commilito noster, vnus è multis, cùm nulla id temporis epidemia ibi esset, peste interiit: nimirum quòd cognito eius morbo, ilicet in peculiarem & ad hoc destinatum locum deportatus fuerit. Tribus ab inde annis, cùm Lutetiæ in collegio Monachi habitarem, vidi inter duo puerorum millia, solum coquū hoc morbo affectum, ac mox seorsum in tuguriolum remotum, quod in amplo pomario

pomario ad hunc vsu erat ædificatum, occum-
 bere, reliquo cœtu prorsus incolumi permanē-
 te. Tandem Venetijs & Patauij præclarissimis
 in ciuitatibus, quarum sæpe meminisse iuuat,
 quando illic medicorum scholas frequētarem,
 graua vtcunque initia pestilentiaē vidi, quæ ta-
 men hac prudentia & in eiusmodi habitacula
 separatione (habent enim ea semper instructa)
 ac sanorum ægrorumq; sequestratione, præter
 alia industriæ genera, breuissimo tempore, ma-
 gna ex parte fuēre sedata. Adeo verum est, quod
 prouerbio dici solet: Ignem fugiat oportet, qui
 vult effugere fumum.

Secundus finis magis seruiet his, quos propè 2.
 quidem est periculum, sed qui nondum tamen
 eo sunt polluti. Cùm enim multorum ædes val-
 dè sint incommodæ, magisq; ad fouendā, quàm
 corrigendam putredinem aptæ: item cùm ho-
 mines, qui eas incolunt, sæpe tenuis fortunæ vel
 personæ seruiles, vel natura imbecilles sint, qui
 etiam ad nomen tanti morbi exhorrescunt, vn-
 de maiori quoque in discrimine versantur, sic
 hos è funestatis suis educi velim, vt continuò in
 læmodochium traducantur, atque hîc eadem
 omnino ratione tractentur, qua antea, cùm in
 propriis ædibus inclusi essent, tractandos dixi,
 nisi quòd hîc liberum aerem, & exeundi pote-
 statem habere possint, si prodire foràs animi
 recreandi causa voluerint. Quot dies verò ad
 mundificationem eorum, qui ita deducti sunt,

requirantur, vt liberè in vrbē & hominum frequentiam redire possint, quoniam non satis tutò omnibus idem temporis spatiū præscribi debet, aut potest, medicis tanquam huius feræ lepræ presbyteris hoc iudicium relinquendū est. In quam sententiam sic loquitur Lutherus in libello de peste, eandē tractans materiam, quam nos in præsentiarum præmanibus habemus: Si Deus (inquit) in veteri Testamento, eos separari, & extra oppidum seduci iussit, qui lepra inquinati erant, ad euitandum contagium, quantò iustiùs ergo nos idem in hoc periculoso morbo faciamus, vt statim simul atq; aliquis ea afficitur, vel sua sponte se ipsum remoueat, remouendūmve curet, quò tépestiuè contagium extinguatur, non vnus illius ægri tātūm, sed totius societatis ac vniuersæ vrbis, quæ, si infectis ad alios exeūdi libera detur potestas, hac ratione possit contaminari. Nam talis est nostra hoc tempore Vitebergensis pestis (loquitur autē de anno 1527) tantūm videlicet ex contagio vt orta, sic hucusq; progressa videatur. Aer enim (laus Deo) adhuc purus & salubris est, meràq; temeritate & negligētia pleriq;, & quidē per pauci infecti sunt: quāuis insolito terrore Sathan nos turbet & pusillanimes reddat. Ludit (enim) in humanis vario aduersarius astu cordibus, & vano concurrit illa metu.

Hoc ergo consiliū viri prudētissimi nō parui faciendum, sed sedulò imitandū ego quidē censeo,

seo, quamdiu cōmodè possumus, cū videlicet *Eccles. 18.*
 morbus adhuc in principio est, & neq; plurimos, *Perf. Sat. 3.*
 neq; in pluribus partibus remp. inuasit: quòd hoc
 nostrū cōsiliū potissimè tēdit, vt sit magis prae-
 cautio huius mali, quàm eiusdē experientia. Nā
 cū mala per longas inualuēre moras, vix pru-
 denter & constāter aliquid fieri potest, sed teme-
 rē itur, & multa ferenda sunt: sicut multa teme-
 rē rimatur nauclerus, cū mare iam sulcās, in-
 certus est periculorum & salutis. Non quòd vn-
 quam à recta ratione, etiam si successus pro ra-
 tione non respondeat, velim recedi, quod planē
 & ex diametro cōsilio reuerendi senis Hipp. no-
 stri repugnaret: sed fit, fit (inquam) vt quemad- *2 aph. 52.*
 modum in feruore belli, & inter arma (vt dici so-
 let) leges silent, sic quoq; in hac angustia ac tristi
 rerum statu exiguus respectus habeatur, vel o-
 ptimi rectissimiq; ordinis. Nam sicut ibi modò
 vexillifer, modò antesignanus, aliquādo triarij
 aut tribunus, nonnunquam & dux ipse militiæ,
 cuius nutu omnia rectē gubernari solent, ex im-
 prouiso è medio tollūtur: ita hīc, vbi strages nō
 minor, sæpe etiam maior accidit, non tantūm
 vulgares ciues, sed ipsi quoq; nonnunquam, pe-
 nes quos hanc, quam describimus, politiam ad-
 ministrandi autoritas est, insperatò abripiūtur,
 atque vnā cum gubernatore perit clauus. Cui
 fortunæ, vt tempestiuē occurratur, hæc nostra
 qualiscunque institutio suscepta ac proposita
 est.

*An Christianis tempore pestis
fugere, & suam ciuitatem
relinquere salua con-
scientia liceat.*

C A P. I I I.



TSI autem in hanc de separatione contagiosorum materiam, multa iam dixisse videor: tamen propter causæ affinitatem, & sententiæ varietatem, annectam per- uulgatam quæstionem, non modò à Theologis, sed etiam ab eruditis & Christianis medicis disputatam, videlicet, utrùm tempore pestis suam ciuitatem aliquandiu deferere ac fugere sana conscientia liceat. De quare quia diuersæ sunt opiniones, recitabo breuiter & perspicuè vtriusque partis argumenta, & tandè subiungam quoque meam sententiæ, quæ media erit inter vtramque, & collecta ex disceptantium fundamentis.

1. Priores ergo aiunt, de nullo constare sancto-
Licere pe- rum, qui mortem non metuerit, proinde mor-
stæ fugere. bum etiam, præsertim tam lethalem metuisse,
& si potuissent, fugere voluisse, verisimile est. I-
2. modò naturæ lege hoc vñtatum nobis esse, non
disci-

disciplina hominum hauſtū, vt mortem timeamus. Nam Apoſtolus ait, neminem vnquā ſuam ipſius carnem odiſſe, ſed potiùs nutrire, fouere, omnibūſq; modis tueri & cōſeruare. Abraham metu mortis (aiunt) ſuam vxorē Saram ſororis nomine appellauit, & mentiri maluit, quā vitæ ſuæ periculum accerſere. Iacob fugit in Meſopotamiam, ne incideret in manuſ ſui fratris Eſau. Idem Daud facit, dum Saulem regem & Abſalonem filiū ſuum fugeret. Elias audaciſſimus alioqui vir, & qui paulò antè ſua manu Prophetas Baali occiderat, Iſabeliſ tamē reginæ minis territus ſubduxit ſe in deſertū. Moyſes cū quæreretur à Rege Aegyptiorum, in Midiā profugit. Præterea non tantū mortem (inquiunt) licet vitare, ſed alia quoque Dei indignantis flagella, vt famem, tyrannos, incendia, aquarum inundationes, frigora, æſtus, captiuitatem, feras, deniq; omnium morborum genera, febres, dysenterias, ſqualores, elephantiaſin, lūem veneream &c. Quæ cū ita ſint, multò magis peſtem & mortē fugere licebit. Deinde non omnes ſunt æquali vel corporis vel animi robore præditi: aiunt proinde, iniquum fuerit idem ab omnibus exigere. Robuſta fides venenum innocuabit, quo lacteſcens fides interiret. Petrus confidens in mari ambulabat illæſus, idem paulò poſt hæſitans cœpit ſubmergi. Ac Chriſtus nō vult infirmos cōtemni. Præterea omnium medicorum doctrina conſtat, contagi eam eſſe na-

*Eph. 4.**Genef. 20.**Pſal. 2.**Ruth. 1.**Leuit. 26.**Ezech. 5.**4.**Hierem. 14.**Deuter. 28.**3.**Marc. 6.**4.*

*Galen. ad
Pison. de
Theriac.*

*Leonarth.
Fuchf. 4. de
med. morb.*

turam, vt de vno subiecto in aliud quod proximum & ad recipiendum aptissimū est, per debitum conueniēsq; interstitium transiens inficiat, contaminetq; hoc ipsum: duo enim, nempe subiecti aptitudo & propinquitas requiruntur, vt fiat impressio. Ergo cū pestem eorundem iudicio, quotidianaque experientia constet esse morbum contagiosissimum, quippe qui putridi venenosiq; aeris inspiratione contrahi solet, cōsulunt quoque illi quidem, vt quantum fieri potest, vitetur, & inter omnia consiliorum genera nullum esse præstantius fatentur, quàm sit velox fuga, diutina emāsiō, & tardus reditus. Nulla enim infecti aeris vitandi ratio est cōmodior, nulla tutior, cū aer etiam inuitis semper hauriendus sit, hauritur autem qualis est. Tantò citiùs autem eo remedio vtendum dicunt, quantò malum ipsum nocentius & præsentius est. Longiùs fugiendum, quò aer inueniatur salubrior. Denique tardiùs reuertendum, vt de purificatione polluti aeris certiùs constet. Hinc putant pestilentia tempore tria aduerbia (citò, longè, tardè) plus subsidij & securioris remedij afferre, quàm tres instructissimas apothecas. Pestis enim (Galeno autore ad Pisonē) cum aërio corpore velut draco quidam est, neque vulgaris draco, sed qui dum oculis non cernitur, latèter & ex insidiis vbique venenum in homines expirat: neque vulgare venenum, sed quod celerimè crescens, totum Reipublicæ corpus breui tempore

tēpore potest depascere. Nā praua aeris qualitas *Marf. Fic. de epidem.*
 (ait Galen.) ad corruptionē prompta mutatio ef-
 ficitur: & homines cū respirationis necessitate *cap. 6.*
 periculum euitare nequeant, ipsum aerem, ve-
 luti venenum quoddam ad se per os attrahunt.
 Quamobrem idem Galenus Hippocratem mul-
 tis modis admirabilem virum vocat & laudat,
 quòd luem illam ex Aethiopia Græcos inuadē-
 tem non aliter curârit, quàm immutatione ae-
 ris. Cū enim ignem per totam vrbem Athe-
 niensem incendi iussisset, non simplicem ligno-
 rum congeriem, sed flores fertaque suauissimi
 odoris, item vnguenta pinguiſſima & bene o-
 lentia iniecit, vt ita expiatum aerem in subli-
 dium sibi homines inspirare possent. Postremò *5.*
 an non videmus (aiunt) cum magna admira-
 tione, numerosam aliquando familiam ordine
 interire, è qua si qui consilio medicorum tem-
 pestiuè refugerint, manere ferè semper incolu-
 mes? Quàm pauci quoque eorum, qui ex fune-
 stis vrbibus discedant, moriantur, ipsi quotidie
 videmus: vt etiam illud Demosthenis, Vir fu-
 giens denuo pugnabit, hīc locum habere
 posse existiment. Quòd si autem illicitum *6.*
 & peccatum fuerit talia loca vitare, vel sece-
 dendo relinquere, etiam viuere, quod est ta-
 men summum Dei donum, quodammodo
 peccatum erit. Vult autem Deus nos vitæ
 nostræ, quam ipse nobis largitus est, eousque
 curam gerere, donec ipse qui dedit, eam repetat.

Sumus enim in hoc mundo tanquam ipsius milites, & plerunque constituti in acie, vnde tum demum discedere licet, quando illi nos reuocare placuerit. Qui verò stationem suam vel negligentia, vel temeritate deseruerit, perfidiæ reus habetur. Atque hæc eorum fermè sunt argumenta, qui vt mortem, sic quoque morbum pro viribus vitare licere contendunt.

2.

*Non licere
pestiferam
patriam
deserere.*

E regione verò alij non minori studio diuersum affirmant. Nam cum morbi (aiunt) præcipue verò epidemici, Dei punitio sint propter peccata nostra, non fugiendam esse iram Patris,

1. sed se potius ei sistendum, ac velut pueris, qui aliquid nequitiae admiserunt, & ob id in parentum manus inciderunt, verbera patienter expectan-

*VVol. Mus.
in explan.
psal. 86. 91.*

da esse. Nam adducta ab aduersaria parte exempla, non de peste, sed de morte, ac ea quidè morte, quæ hominum persecutione intentatur (quæ duo multum inter se differunt) mentionem facere dicunt. Hominum autem manus nos effugere posse, Dei verò minimè. Et homines sæpenuerò iniustas persequendi causas habere, vt tyrannidem, regnandi cupiditatem, vindictam, auaritiam, ambitionem, inuidiam, iram, odium, contumeliam, calumniam, libidinem, incestum, alterius coniugis raptum, aut desiderium, quæ ad persequendum alios incitare homines solent: Deum autem non nisi iustè ququam punire. Accedit his, quòd hominum punitio non semper ad emendandum suscipitur, sed

sed sæpe maleficij talionem: Magistratus enim, inquit Apostolus, non frustra portat gladium, sed malis est terrori, & eiusmodi pœnæ plerunq; veteris Testamenti erant: Deus verò, qui pater nobis est factus in Iesu Christo filio suo, non ad retaliationem, sed ad emendationem nos punit. Quos enim diligit, hos castigat. Fidelis etiã est, nec finit nos tentari vltra vires nostras: tentat autem, vt palàm fiat, vtrum eum diligamus, nec ne. Qui verò tentationem hanc suffert, eum D. Iacobus beatum prædicat, quoniam cùm probatus fuerit (ait) coronam vitæ accipiet, quam promisit Dominus ipsum diligentibus. Hinc D. Petrus, Charissimi, inquit, ne miremini, dum per ignem exploramini, res enim hæc ad experimentum vestri sit. Et Dauid Deum vocat seruatorem sperantium: extat enim promissio eius, qua dicitur: Inuoca me in die tribulationis, & eripiam te. Hæc verò de hominibus, qui nos persequuntur, dici non possunt: quemadmodum neque illud quod liber Sapientiæ Deum appellat φιλόψυχον: quòd cùm auxilium illius à nobis imploratur, officij & animi sui erga nos non possit obliuisci: quippe qui nomen paternum benevolentia erga suam creaturam clarissimum testimonium sumserit, & peculiariter sibi ipse attribuerit, & infinitis beneficiis effusam bonitatem suam adhuc quotidie & prolixè ostendat: & per Ezechielem clamet: Nolo mortem peccatoris, sed vt conuertatur & viuat. Item per Esaiã,

*Prouerb. 2.**Hebr. 12.**Ephes. 4.**Augu. ser.**24 de tent.**Dent. 33.**Iacob. 1.**1 Pet. 4.**Psal. 17.*

Ego Dominus Deus tuus, doceo te duntaxat utilia. Item per Apostolū Paulum, se velle omnes saluos fieri. Hæc verò an de iratis & vlciscentibus nos tyrannis. (aiunt) qualia exempla ab aduersariis adducūtur, similiter dici queant? Quare quis velit Deo tam benigno Patri diffidere, & quasi desperatione coactus eius castigationē ad nostram summam vtilitatem susceptam fugere?

2. Addunt præterea, præsertim qui magis oblitri perire inter eos sunt, non exiguum esse signum, Deum indignè ferre istorum fugam, qui ita secedendo salutem sibi quærere conantur, quum sæpenuerò alieno & incorrupto aere vel hac ipsa lue, qua de agimus, vel alio aliquo affectu nihilominus moriantur, & fugiendo minimè efugiant.
3. Quòd ad medicorum consilia attinet, non ea esse Christianis tanti momenti, vt propterea debeant negligere firmamenta è sacris literis adducta: quippe medicos tantum corporibus, non animabus salutem quærere: cuius officij memores, suæ cuiusque animæ curam singulis relinquunt. Postremò de vinculo charitatis, qua mutuò nobis obligati sumus, hæc pars multa concionatur: præsertim verò de eorum charitate, qui vna in ciuitate, aut quod magis est, in vna Ecclesia viuunt, & spirituali fœdere, sacramentòque coniurati, & quasi in vnum panem corpúsque cõpacti sunt. Quid enim (aiunt) hoc monstri sit, si membrum aliquod corporis nostri vitiositatē aliquam contraxerit, aut fortè

*Charitatis
vinculū.*

contra-

contracturum sit, ob id ne à reliquo corpore destitueretur? & non potiùs omnibus modis ei subueniatur? Aut si igne flagret aliqua pars vrbis, idcirco non erit succurrendum, sed ob periculũ fugiendum & deferendum oppidum? Si quis in latrones inciderit, & ab illis vulneribus cõfectus semiuiuus relinquitur, nos hunc Leuitæ & Pharisei exemplo prætergredi, & non potiùs cum Samaritano de equo, hoc est, propria nostra commoditate ad proximi damnum resarciendum descendere, & humaniter illum subleuare, ac pro viribus nostris tractare decebit? Id profecto nimis profanum, imò beluinum foret. D. Iohannes ait, Quisquis non diligit fratrem, homicida est: quomodo verò diligit, quem in summa angustia cõstitutum fugiẽdo relinquit? Nunquid Sodomæ inter reliqua peccata obiicitur, quod proximos neglexerint? Ac vt semel dicam, quod nam (aiunt) summarium caput postremæ Dei aduersum nos accusationis & cõdẽnationis erit, nisi quod iis, qui ope nostra indiguerunt, in tempore non affuerimus, non iuuerimus, non consilio, re & opera auxiliati simus? Emendum enim (inquiunt) quodammodo est cælum nobis, dum in terra viuimus, si vnquam eius possessione gaudere voluerimus: emẽdum, inquam, non iusto pretio, sed præclara erga Deũ *Psal. 41.* *Matth. 25.* proximũque voluntate, sola Domini Dei liberalitate, & Christi Iesu Filij sui in teueniente vadium per proprium sanguinem, qui pro no-

bis fideiussit, & se Patri obstrinxit. Denique qui hanc sententiam tuentur (de aliquibus loquor, non omnibus, sunt enim plerique prudentiores) adeo nos volunt omnem & morbum & mortē fortiter contemnere, ut vix medicinæ usum hominibus concedant, sed soli Deo omnia committenda esse contendant: Euchitas, de quibus antè diximus, æmulantes, qui precibus omnia aduersa prosperaque, contentis aliis mediis, arcenda, impetrandaue iudicabant.

Rem. 5.

1 Corint. 12.

Nos ergo, quod promissimus, arbitrium nostrum iam interponemus: quod si fortè cui minus est placitum, libenter quocunque volet, appellandi potestatem facimus. Principiò igitur, nolo labefactari vlla ex parte charitatem proximi, quæ haud dubiè proprio sanguine nobis gratior esse debet, sicut & ipse Filius Dei, quem à Patre non solum propitiatorium, & *λύτρον*, sed etiam exēplar ad imitandum nobis propositum esse credimus, vitam suam pro nobis impendit. Deinde in priori parte illud desidero, ut diligentius ponderent, quid sit obligatum esse alicui cœtui, vel communi iure ciuium, vel publico officio. Nam et si fortasse plus debeamus vxoribus, liberis, cognatis, quàm aliis: tamen id nō potest intelligi, cum de subleuanda communi necessitate totius Reip. cui factus sis membrum & pars ad vniuerso seruiendum corpori, quæq; vnà omnes & cognationes & affinitates longè superat, quæstio est. Nam propter hanc vocationem,

quæ

quæ procul omni dubio à Deo est, tenetur quisque illud sequi, Qui non relinquit patrem & matrē propter me, non est me dignus. Itaque prior lex corrigitur à posteriore, & illi cedere cogitur: & qui antè parentibus fuit obligatus, ut illis obsequi cogatur, is postea communiori iure patrem & matrem relinquere debet, & Deum aliò vocantem sequi, nempe ut vel adhærescat vxori, vel quod maioris momenti est, toti Reip. vel cœtui Ecclesiastico. Nec tamen ita quis hoc intelligat, ut in eodem ordine non debeamus plus domesticis, quàm alienis, sed loquor de diuersis officiorum generibus & conditionibus. In posteriore opinione requiro hoc, quòd non satis distinctè causam tanti momenti diiudicent. Et si enim Stoica quædam est durities, tanta constantia, tantum malum & præsentaneum discrimē expectare & perferre: tamen non simpliciter vel possunt, vel debent omnes eodem iure censeri. Qua enim alioqui ratione iuste excusari possint tot sancti patres, qui eiusmodi pericula aliquando fugisse leguntur, non video. Illud quidem volo, nec illos nimis pusillanimes, & quasi diffidentes, nec hos immoderatè rigidos aut temerarios esse. sed medium utrisque eligendum, quo tutissimò ire solemus, & in quo omnis consistit virtus, ut rectè vulgus dicere solet. Quibus diligenter consideratis, hoc dico: si quando pestem, vel quodcunque aliud genus epidemicæ afflictionis nulla hominum crassa negligentia ac i-

gnauiā, vel naturali aliquo vitio (quod hīc accuratè obseruandum est) sed potiùs manifesta ac merè diuina indignatione ortum esse, certis signis colligi posset, vt aliquando Prophetarum vocibus, & aliis Ecclesiasticis indubitatis historiis de maiorum tempore constat, tum minimè esse fugiendam vīrgam Patris nostri Dei censeo.

Nam quis tam profanus sit, qui credat *υμνομαχίαν* esse illius castigationem, quæ temerè obuios quosque feriat? Quin potiùs illud certò sibi persuadent fideles, etsi eiusmodi pestilentia grassanti adessent Noe, Dauid & Iobus: tamen
Ecc. 6. 14. propter iustitiam suam seruaturos esse animas suas. De talibus enim verum est, quod dici solet, præsigniri à Deo, quibus & quaratione sit parcendum. Sin verò, vt hoc tempore potissimùm fit, & vt Lutherus de peste V Vittebergenfi, anni 1527 ait, nostramet ipsorum imprudentia & temeritate, ne dicam maleuolentia & bonorum consiliorum contemtu oriantur huiusmodi cōmunia incommoda, & ciuitatem aliquam peculiariter & paulatim affligant, eosque potissimùm
Eccles. 18. qui proximi sunt, velut pix tangentes, contaminent, huiusmodi (inquam) loca, quin piis & intelligentibus fugere vitareque liceat, præsertim decreto Magistratus interposito, quod antea dictum est, nihil dubito. Curenim si vicinus domum suam sponte succendere velit, ego non fugiam illius flammam? Quod si etiam magistratus autoritate sic constituatur, vt cui animus nō
 fit

fit manendi, secedat, iam antè ita rebus ordinatis, vt nulli quippiam desit, quod in hisce difficultatibus magnoperè requiratur, iam consciëntia omnino libera esse potest: sin verò præcipiat, repugnare sana cōscientia non licet. Idem enim hîc sæpe consultum est, quod in grauibz incēdiis, ad quæ extinguenda, quia non omnes idonei sunt, certi quidam in aliquibus ciuitatibus constituuntur, qui soli hoc onus subeant, ceteris accurrere non licet: vel quod in vrbiū obsidionibus fit, vt senes, mulieres, pueri, imbelles, qui oneri tantummodò, non adminiculo esse possunt Reip. tantisper remoueantur in portum cōmodiorem, donec ciuitas ab hoste liberetur.

Atque hac quidem ratione ego Christianus & medicus, philosophiæ Theologiæq; innitens fundamentis, absque affectu & partium studio, (vt & in reliquis) quod omni veritati semper obfuit plurimùm: præterea examinatis accuratè amborum argumentis, conciliari posse disceptantes, nisi ex litigatoribus vitiligatores euadere velint, animo bene deliberato iudicârim. Quod si tamen aliquis (vt hoc iterū repetam) de grauamine forsân cōqueri volet, Apostolos permitto, prouocet ad quem libebit, superiorem iudicem: vel ad priores magnos sanè & pietate, eruditione, prudentiâque celebres viros reuerfus, ius suum renouet atque redintegret. Ego hinc expeditus redeo ad negotium propriū.

De efferendis mortuis, deducendôq; funere.

C A P. I I I I.



*Fratres i-
gnorantes.*

Iam cōtingat (quod frequēs est eorum statu) vt moriātur aliqui, qui subinde efferendi, sepeliendiq; sunt, quia eiusmodi res ad impediendū contagium diligenti eget obseruatione, videndum est hīc quoque, quæ ratio per conseruatores inueniri queat, vt quàm minimo cum periculo fiat. Consistit autem in duobus præcipuè articulis, videlicet per quos, & quomodo istuc fieri debeat. Opus igitur hīc erit, imitari maiorum nostrorum consuetudinem, qui monachorum quoddam genus habebant, quos, propterea quòd plerūq; illiterati essent, Fratres ignorantes alicubi appellarunt, vel Begardos, quasi ægrorum custodes: vel Lollardos, quòd luctu funera prosequerentur. Quorum officium erat, ægrotis adesse, qui eorum operam requirerent, præcipuè autē pestiferis, illisq; priuatim seruire, interdū quoq; admonitionibus confirmare cōsolarique, mortuos verò arculis imponere, ac ad sepulturam deferre. Vsus sanè non aspernandus. Ac extat quoddam scriptum, quod B, Hieronymo, licet falsò

falsò attribuitur, in quo primus gradus ordinis Ecclesiastici statuitur eorum, qui mortuos sepeliunt, quod officium modò abiectissimum habetur. Vtut verò est, omnino certi aliquot cōstituendi, ac stipendio publico conducēdi sunt, homines non infames, neque aſoti, neque prorsus contemptissimi: quorum alij libitinariorum, seu vespillonum ac pollinctorum, alij bustifabrorum, alij expiatorum & elatorū nomen habebunt, officiūque eorum esse debet, scrobes fodere, loculos fabricare, cadaueraq; iis imponere, efferre ac sepelire. Deinde quoque domos funestas, resq; vniuersas huc pertinētes, quātū ab ipsis requireretur, emundare, abluere, expiare eo, quem infrà describemus, modo. Hi verò quum ita fuerint conducti, graui subinde iuramento, atq; certa proposita pœna coercendi sunt, vt ad nullos alios accedāt, neque aliis sepulchra construunt, quàm qui peste decumbunt, aut mortui sunt: sed vel domi sese contineant, vel nota aliqua, vt virgula alba, vel simili quapiam insigniti prodeāt: neque sic tamē hominum cœtui se immisceant, aut propiùs adiungant.

Velim autem insuper illos ipsos admonitos esse, ne tam lucri causa, quàm charitatis, humanitatisque communi vinculo hanc abiectam & coram hominibus infamem prouinciam susci- *Hist. Eccl.*
pere, administrareque in animum inducant: sed *9. cap. 8.*
sciāt se piissimū opus facere, quod sancti quon- *Tob. 1. 2.*
dam Dei viri, imò ipsi Angeli fecisse leguntur. *Deuter. 24.*

Bulling. 1 Proinde modeste & placide se gerant, mortuo-
de orig. ev. rumque cadauera honeste contrectent, utpote
 quæ rursus sancta animorum ergastula futura,
 vnâque cum animabus suis redintegrata, et si ad
 tempus modò ab iis discessere, è terra resurre-
 ctura, & cum Deo cælesti gloria, diuinòque splê-
 dore illustrata æternum sunt victura. Magni fa-
 cimus, & singulari reuerentia obseruamus eos
 magnatum infantulos, quos olim regnum pos-
 sessuros, ac tantis honoribus præfuturos puta-
 mus, & contemtim vel irreuerenter ea corpora
 tractabimus, in quibus Deum nostrum, & fra-
 trem Iesum Christum simili forma vestitum vi-
 suri aliquando, & in sempiterna secula cum ipso
 regnaturi sumus? Templâ hominum manibus
Compara- extructa nefas est vlla ratione violare, quique in
tiones ali- Pithij fano cacârat, immortalî infamîa traduci-
quot. tur, & maximum piaculum commisisse credi-
 1. tur, quantò minùs nobis Spiritus sancti templa
 temerè, & Cynicorum more, tanquam brutorû
 cadauera contumeliosè tractare licebit? Cùm
 2. dormituros dominos suos serui imponunt le-
 ctulo, non proteruè abiiciunt, verùm sedatè &
 honestè attrectant, componunt, teguntq; mul-
 tò igitur æquius & decentius est, mortuos no-
 stros & in Domino obdormientes, reuerentur
 huic lecto imponere, ex quo ad vitam immor-
 3. talem resuscitandi sunt. Quis regum ferat æquo
 animo, si liberos suos vita defunctos indignius
 haberi audiat vel videat? Quando ergo credibili

le est, qui in fide moriuntur, Dei filios esse, multò magis hic indignabitur, si quid in suorum fidelium corpora indecenter committi viderit. Denique vt dicā paucis, meminisse oportet eos, qui huic rei præerunt, quod D. Paulus ait, in Ecclesia omnia *εὐχρημόνως καὶ κατὰ τάξιν* gerenda esse, ad hoc quoque negotium pertinere.

Sed roget aliquis, quæ erit igitur solennitas, ac quasi publica honestas, qua efferri solēt ad tumulū mortui? In aliis ciuitatibus alius mos obtinet, sed nos hīc quā minimum solennitatis requirimus. Non quòd negem Christianos honorificam sepulturam decere, sed hæc tempora alios mores postulāt. Et quia nunc paulatim accedit fastus, sicut olim auaritia sacrificorū, abusuq; contaminat rem alioqui honestā, noui magnos viros, qui in testamentis suis diligenter cauerant, vt absque omni pompa sepelirentur. At hæc externa sunt, & adiaphora, ob quæ admissa, vel omissa nemo debet iudicari. Tametsi enim laudabilis consuetudo non est temerè spernenda, æquum tamen est, vt solennitas cedat necessitati: quæ necessitas, iudicio omnium prudentum, non est subiecta legi, sed lex ipsa ei subiace-re & seruire debet, quod pluribus exemplis posset probari, si necesse sit. Quòd si autem persuaderi aliter homines non possint, quin ritus aliquis solennis adhibeatur, is per quam moderatissimus esse debet, ne quid damni inde attrahatur toti societati, & ne (quod Cato ille dicebat)

*Sepultura
honestas.*

*Budæus &
Vatablus
in Gallia.*

in ipsa morte videamur esse ambitiosi.

Deinde quia ciuitatibus quibusdam in more est, ut qui sanguine propinquiore sunt, eo tempore ipsas mortuorū ædes ingrediātur, hoc ut nemini liceat, edicendum est. Sunt enim ædes quorundam valdè angustæ & fœtidæ, qui fœtor insuper non parum augetur variorum hominū halitu, & plurimum potest obesse insuetis & teneris infirmisq; naturis. Dein nullus quoque ex infectis & funestis illis ædibus funus comitari permittendus est, quantumuis consuetudo id requirat: quemadmodum antea hæc sedulò obseruanda præscripsimus. Idem iudicandum de puerorum scholasticorum caterua, qui solent allicubi sepulturis adesse & præcinere. Hi enim semper in maiori periculo versantur concipiendi aeris contagiosi, propter mollitiem ætatis & incautam rationem victus. Quæ omnia ut vna via caueantur, ego in hanc propendeo sententiam, quum antea quoque omnem frequētiam vitandam dixi, ut hac consuetudine tantisper supersedeatur, dum se publicum illud malum remiserit. Neque enim tanti facienda ceremonia est, ut propter eam in periculum cōiciamus valetudinem. Nam ceremoniæ nobis seruire debent, non nos ceremoniis. Et iam dudum satis persuasi sumus, quicquid harum rerum sit, non ad mortuorum subsidium (ut temerè maiores nostri crediderunt) sed propter viuētium solatium fieri (ut alibi loquitur B. Augustinus)

nempe

nempe dum vident, etiam post mortem aliquam habendam sui rationem, & spem superesse vitæ alterius, quæ tristem hunc obitum in nobis possit consolari. Quod si qui verò officium charitatis prætendent, quod hac ratione imminui & tenuioribus quasi subtrahi videatur, illi faciliè placabuntur, quum in omnibus eundem ordinem observari videbunt. Qui verò singulari zelo incitati inolitam consuetudinem vehementiùs urgebunt, in illis zelus quidem laudandus, sed requirenda scientia est. Instituti igitur sunt, ut discant synceræ pietatis ac charitatis officia in quibus consistant rebus. Verum honorem sepulturæ verasque inferias esse, virtutis laudem, & rerum præclarè gestarum memoriam: quam etsi externis quidem spectaculis, licet celebrare, semper tamen non expedit. Breuiter pluris faciendam esse salutem publicam, quàm priuatorum quorundam zelotum, ne dicam superstitiosorum (nimius enim ac cum ignorantia coniunctus zelus superstitio est) hominum malè institutam voluntatem.

*Superstitio
quid sit.*

Atque hæc ita ut diximus, conseruatores inculpatè observari præcipient: quibus etiam illud addent, ut neque illatio in capsulas, neque elatio ad tumulum, aut nimis tardè, aut nimis præcipitanter fiant. Illud enim periculum augendi contagij, delatis nimirum à putrido cadauere prauis vaporibus, nonnun-

Leu. Lem. quam & intollerabilibus foetoribus afferre po-
de occ. nat. test, & sanos vehementer offendit: hoc autem i-
mirac. 2. psis aliquando, qui mortui credebantur, cum
cap 3. mortui nondum essent, exitiosum fuit. Scimus,
li. 1. de pest. manibus ad tumulum tractos semiuiuos, alios
cap. 1. ex nobilibus, quibus anima adhuc in cordis la-
Plin. 7 ca. tibulis delitescibat, in sepulchris cōditos fuisse.
52. Vna ex magnis matronis hoc modo sepulta (pu-
August. de ta Venetiis) paulò pòst visa est mortua, tamen
ciuit. Dei, quæ sedens & emota loco inter cadauera reui-
22 cap. 28. xerat, euulsæ comæ, dilaniatúmque vngue pe-
in comm. ctus maiori inditio fuère. Heu quoties viua in-
Historia a- ter mortuos nequaquam superos inuocauit. I-
liquos de dem de alia quadam narratum mihi est, quæ gra-
uius sepul- uida Patauij, mortuæque credita, sepultæque in
ta. ipso paulò pòst sepulchro viuos gemellos pepe-
 rit, qui eiulatu suo templi custodes miserabilis
 fortunæ noctu admonentes, vnà cum matre e-
 reпти sunt periculo. Ne quis autem miretur po-
 tuisse viuos manere, quibus ob prohibitam æ-
 ris attractionem suffocatio erat necessaria, sciat
 Italorum esse consuetudinem, vt honestiores fa-
 milia peculiaria in templis loca habeant, cellas
 scilicet amplas & concameratas, in quibus mor-
 tuos suos collocant, nullis capsulis inclusos, ne-
 que terra obrutos. Simile ferè constat, & publi-
 co quidem pictæ & suspensæ ad ædem Apostolo-
 rum tabulæ testimonio, de quadã muliere Co-
 lonienti, quæ quamuis inclusa arcula, & terra
 con tu-

contumulata fuerat, tamen casu liberata, & ad maritum reuersa, longo post tempore cum eodem vixit. Nam cùm is qui sepelierat, annulum in digitis sepulcræ relictum reserata noctu fossa auferre vellet, motu illo & cōtrectatione resuscitata animula, quæ separata credebatur, quum esset sopita tātūm, reuixit. Postremò noui quēdam pauperculum Tolosæ in Aquitania, qui eodem modo sepultus, sed neque capsâ inclusus neque obtectus humo rediit ad vitam, quā falsò putabatur amisisse, quin potiùs diuturno deliquio comprehensus fuisset, eo quidem tempore, quum peste plurimi indies occūberent. Quid dicam plura? Non est facilè inter tam periculosa & ingentia mala non desipere. Quare prudenter simul & humaniter agendum est, ne dum illorum salutem tueri volumus, horum vitam temerè prodamus.

De cæmeterio extra urbem collocando, extruendiq; ratione.

C A P V T V.



ESTAT vt de sepulturæ loco, qui ob quietem, qua in terra depositis corporibus æternam vitam cum Deo & beatis angelis expectamus, κοιμητήριον appellatur, ali-

quid quoque dicamus: de quo cum medicorum propè omnium sententia sit, funestas contagio-
sasq; exhalationes inde existere, quæ aerem vi-
tiant, putredinẽque mirificè augeant (vt etiã
in salubris diætæ obseruatione domicilia, longè
distare à cœmeteriis velint) erit quoque istæc
cura conseruatoribus sanitatis suscipienda, vt
collato consilio sumtũq; cœmeteria extra vrbe
in loco accommodatissimo instaurent. Quæ res
præter vtilitatem, non parum quoque faciet ad
tuendam publicam honestatem, ac ad prohibẽ-
dam profanationem, Christianis ciuitatibus
prorsus indignam & intollerabilem, vt elegan-
ter & grauitè à M. Luthero alicubi scriptũ est,
cuius verba, quia digna iudicaui quæ hîc infere-
rentur, Latine hoc modo reddere volui: Princi-
piò (inquit) hoc medicorum iudicio disquiren-
dum relinquo, qui rem hanc meliùs, quàm ego,
intelligunt, vtrum absq; periculò fiat, in ambitu
vrbiũ cœmeteria haberi, an non. Nam equidẽ
nescio, an ex sepulchris vapor aliquis hauriatur,
qui aerem possit vitare. Quòd si verò ita sit, sa-
tis causæ id fuerit, vt extra vrbis pomœria ex-
truantur. Dictum enim est nobis paulò antè, o-
mnes omnino teneri veneno resistere, cum
Deus ipse nobis præceperit, corporis vitæq; no-
stræ nos curam gerere, & quando aliud non iu-
bet, à periculis nobis cauere: rursus magno ani-
mo pericula contemnere, cum res postulat, vt i-
psi vni tum ad viuendum, tum ad moriendum
parati

parati videamur. Nemo enim sibi viuit, nemo
 tiam sibi moritur: quemadmodum D. Paulus in
 epist. ad Rom. cap. 15 loquitur. Hoc verò mihi
 certò constat, apud veteres tam Iudæos, quàm
 ceteras gentes, tam pios, quàm impios, hunc mo-
 rem fuisse, vt monimenta sua extra vrbem ha-
 berent, qui tamen non minùs intelligentes sa-
 pientésque homines fuerunt, quàm nos. Quod
 dixi, Lucæ Euangelium indicat, dum Christus
 viduæ illius filium pro ciuitate Naim à morte
 excitaret. Textus enim ait, extra vrbem delatū
 fuisse ad sepeliendum, & multos comitatos esse.
 Vt non sit dubium, vel hac illius loci consuetu-
 dine, loca sepulturæ illis hominibus extra vrbis
 mœnia fuisse: sicut & ipsius Christi sepulchrum
 extra vrbem Ierosolymitanam fuisse constat. Et
 Abraham emit sibi peculiaré locum in agro E-
 phron, vbi omnes patriarchæ sepeliri consueue-
 runt, vnde & originé habet vox Latina, vt mor-
 tui efferri dicâtur, hoc est, ex oppido ferri, quod
 nos ad sepulturâ deferri dicimus, quamuis gen-
 tes etiâ quædam exurere cadauera solebât, & in
 cineré redigere, ne quid superesset, quod aerem
 redderet impurū. Hoc fuerit ergo meum confi-
 lium, vt imitâtes horū exēpla, cœmeteria quoq;
 nostra extra vrbes cōstrueremus. Et certè quo-
 modo nostrum VVitebergæ situm est, meritò
 non solùm necessitas, sed etiam honestas & pie-
 tas nos monere, imò cogere deberent, vt fo-
 ris aliud institueretur. Nam prorsus decet

eiusmodi locum venerandum & in tranquilla
 parte esse, remotumque à via publica, vtpote in
 quo aliquis cum religione quadam versari, mor-
 tem, resurrectionem, vltimùmque iudiciũ me-
 ditari posset & precari. Honorificus (inquam)
 & sanctus locus esse debuit, vt nemo nisi cum ti-
 more ac verecundia ingrederetur: cùm sit credi-
 bile non deesse ibi multos sanctos & electos Dei
 filios. Nostrium autem quiduis potiùs est, quàm
 cœmeteriũ, imò verò nihil est aliud, quàm qua-
 tuor aut quinque publicæ plateæ, & duo, tria ve-
 fora, adeo vt ferè nullus in vrbe locus sit tritior
 & irrequietior. Hac nocte diuq, tam pecudes,
 quàm homines transcurrunt. In hoc quisq, ex
 suis ædibus vel ianuam apertam, vel viam de-
 ductam habet. In hoc nihil non geritur, & for-
 tassis eiusmodi sæpe aliquid, quod dici non de-
 beat. Hinc fit, vt omnis reuerentia atque obser-
 uantia aduersus monimenta, quæ ibi sunt posi-
 ta, prorsus elanguescat, neque pluris æstimen-
 tur, quàm vile aliquod Golgotha, in quæ bru-
 torum cadauera abiecta sunt: vsque adeo vt ne
 Turca quidem tam irreuerenter sua cœmeteria
 profanari sinat, quàm nos nomine Christiani:
 cùm, vt dixi, in hoc loco meræ pietatis, mortis
 & resurrectionis memoriam nobis renouare,
 sanctorum hîc decumbentium vitam meditari,
 & ipsorum manibus honorem deferre conue-
 niebat. Quomodo autem hæc commodè fieri
 queant in tam omnibus exposito ac prostituto
 loco?

loco? Profectò quod ad me attinet, si quis omnino honos querendus est sepulturæ, æquè velim in Albi fluuio, vel in sylua sepeliri, quàm in tali cœmeterio. Sed si alibi seorsim extra urbem, in loco tranquillo & semoto, ad quem non passim omnibus esset ingressus vel transitus, tunc certè res omnino religiosa, honorabilis aspectu, sanctaque videretur, quæ accedentes ad studiũ pietatis posset commouere. Atque hoc meum est iudicium. qui vult, sequatur: si cui melius aliquid fuerit reuelatũ, fruatur suo sensu. Ego nullius sum Dominus. Hucusque sententia Lutheri, quæ me non tam eleganter, quàm fideliter & planè conatus sum interpretari, cùm magni momenti res videatur, de qua agimus, & maioris quidem, quàm vulgò creditur. Quamuis enim de quibusdam populis referatur, quòd cõsueuerint suos mortuos in arculis compositos domi quisque suæ cõseruare, sicut nos æquè ferè ineptè in templis sepelimus, qui sæpe vix publica via digni sunt: tamen id nimis barbarum est, & nisi multis pretiosis rebus bene condiantur, intolerabile.

Quòd autem ad situm & structuræ modum *Situs cœmeterij.* pertinet, rationi magis erit consentaneũ, vt magis Septentrionem spectet, quàm Austrum: & potiùs in editiori siccioriq; loco, quàm humili & humido loco erigatur. Nam vti dictum est antè, quum è cœmeteriis semper funestarum exhalationum copia oriatur, aeremque deprauet, situs

humilitas, & fundi humiditas non parum hanc noxam possunt augere: Quod illi testantur, qui ibidem lineamenta aliquando dealbant. Plerūque enim ingratum odorem ex eiusmodi locis contrahere deprehendunt: qua ratione similiter accidit, quod tam sæpe in depressis vliginosisq; locis, coquinis, conuallibusque ignis quidā appareat lambens crines aut vestes, vt de puero

*Aeneid. 2.
De Urbe cō
dit. 1.*

Ascanio scribit Virgilius, & de Seruio Tull. Titus Liuius. Nascitur enim hīc ex pingui quadam humiditate, aut viscosa pinguedine, quæ inibi copiosior est, vnde exsurgit exhalatio densior quidem, sed minus tam calida, quàm vt supremam regionem aeris attingere, multò minùs vt superare possit. Quare ob loci frigiditatem deorsum pellitur, & vel per confricationem sui ipsius, vel per extremi frigoris ἀντιπερίσσειαν, vi proprii caloris accenditur. Quemadmodū etiam de vagabundo illo atque erratico igne,

*Ignis fa-
tuus.*

(quem nonnulli fatuum, Plinius Castorem & Pollucem, Græci πολυδεύκεια nominant) referunt, qui ambulātes noctu, præcipuè verò equitantes, vel nauigantes aut sequi, aut præcedere

Mortuos

*circa sepul-
chra vide-
ri, an sit na-
turale.*

solet, nō line horrore aliquo imperitorum, qui spectrum esse credunt, quum sit res planè naturalis & innoxia, quæq; neminem offendat. Ceterum quia in huius physicæ imaginis mentionem incidimus, libet illud miraculosum fabu-

*De Variet.
re. 16. cap.*

lamentum addere, quod refert Hier. Cardanus, de mortuis quibusdam prope sepulchra videri

solitis.

solitis. Quod, ne quis me illi affingere putet, cum sit res penè incredibilis, ipsius verbis ascribam: Mortuos, ait, circa sepulchra videri in agris, & maximè iugulatos, nec profundius defossos, quique in vita fuerunt atroces, per noctem, & præcipuè ab his, qui hoc non ignorarunt, naturale prorsus est: cum humidum corpus hominis ac recens vaporem pro magnitudine sua constantem emittat, qui hominis refert imaginem. Vnde olim concrematis corporibus, & in urna conditis, nihil tale videbatur. Hæc ille, auditu certè horrenda, sed visu multò magis, & quæ ego ad Dæmonis artificiosum ludibrium malim referre (ludit enim Sathan in hominum animis, & circulatorum more multa spectra facit apparere, quibus formidolosum vanum excitat metum, vel ad idolomaniã allicit) quàm ad rei naturalis veritatem, si modò reuera sũnt, quemadmodũ fieri videtur. Quod etiam ex eo intelligi potest, quòd ab his, qui rem non ignorat, præcipuè videri affirmat. Istis enim facilius imponere potest Diabolus, quippe qui iam dudum animo suo ea volutarunt, ac sibi met ipsis cogitatione sua & vi imaginatrice talia φαντάσματα harum rerum φαντάσματα concipiunt & pariunt, vt quod in proprio cerebro sibi impresserunt & informarunt, extrinsecus videre se putent: quod in ictericis & melancholicis non est nouum. Fortibus autem viris rarò aut nunquam spectra talia apparere, quòd hæc propter animositatem minimè timeant aut

*De præstigi-
dam 2. ca.*

*14.
Hipp. de
Virg. morb.*

imaginentur illi quidem, testatur Theodorus Byfantinus, & post hunc clarissimus medicus Iohannes VVierus. Quamobrem si addidisset Cardanus, à pueris, mulieribus, vecordibus, molli-
bus, atque ægrotis, qui propter imbecillitatem animi & corporis, assidua formidine, vanisque insomniis quatiuntur, huiusmodi spectra frequentius cerni, facilius apud me fidem inueniret, quod refert. Nunc verò non possum non veris Luciani narrationibus annumerare. Sed his non est diutius insistendum, si hoc solum adiecero, eos, qui sic omnia ad naturam referunt, non rarò suo errore se frustra oblectare, & Helene imaginem pro ipsa Dea amplecti: cum plurima eiusmodi portentorum, sæpius dæmonum præstigiis (vt dixi) pleræque etiam diuinopotiùs miraculo fiant, quorum homines rationem reddere nequeunt, quàm causa aliqua naturali. Cõdonabit ergo mihi Cardanus doctissimus vir hanc contradictionē, quippe cum ipsius etiam testimonio, semper dubitare liceat de veritate generali, quantumcunque bonus vir sit, qui eam asserat.

Quòd autem ad Septentrionem cœmeteria collocanda dixi, eandem habet causam, quæ de læmodochiorum ædificatione dicta est. Ventus enim qui hinc flat, sua tenuitate & puritate consumit faciliè, ac dissipat vapores omnes crassiores & turbidos, aeremque purificat. Quare non deferet yllum funestum odorem, vel halitum
perni-

perniciōsum in urbem, quem oriri solere in talibus locis probauimus.

Deinde etsi minutum sit: tamen vt rei naturæ omnes consentiant circumstantiæ, figura rotunda, non quadrata, aut alia inducenda est, & muro lapideo cingendū. Quid ita? an quia hæc figura omniū est capacissima? an verò quia perfectissima? cū aliæ omnes in hac inueniantur? utrāque sanè de causâ, sed prior minoris momenti est, posterior significationem habet elegantiorē. Cū enim sæpe multi inhumandi sint, præsertim eo tempore, vtile erit, spatiū esse amplum, ne alia nondum satis antiquata sepulchra rursus effringi & aperiri oporteat, & semiputrida cadauera denudari, quod triste & abominabile fuerit, periculūque affert inquinandi aeris. Figuræ autem rotunditas perfectionem indicat, tum quam adepti sunt, qui ibi recubāt, tum quam adhuc expectant. Qua ratione cælū ipsum rotundum, & qui diui à nobis habentur, ac beatæ æternitatis consecrati sunt, his rotundā figurā apingere solemus. Circuli enim, vel spheræ nullus est finis. Item significare quoque poterit, id quod Græci dicunt: πάντα ἀνθρώπινα κύκλῳ. Quando enim omnia quæ sub cælo sunt, ad primum quodam modo motum se gerant, ab ipsa vita, tanquam ab oriente, ad mortem, velut ad occasum vergentia, circulum suū vnā cū vniuersa latione absoluunt: quemadmodum ille, qui reuersus est, vnde exiuit, cursum & circu-

*Figura cæ-
meterij ro-
tunda.*

*Aristot. in
probl. scilicet.
17. probl. 3.*

lum suum perfecisse dicitur. Huc quoque pertinent crates ferreæ ante ostium cœmeteriorum, & valvæ sua sponte, cùm apertæ fuerint, concidentes, seq̃ claudentes ipsas, ne brutis facultas sit adeundi.

Verum nunc tempus est, vt hoc capite de communis sepulturę loco, situ, figura, ornamentis concluso, progrediar ad alia, quæ sunt non paulò maioris momenti, quàm de quibus huc vsque egimus.

De expiandis adibus ac rebus funestis.

C A P V T V I.



ORDINE igitur sequitur, vt quum iam veleducti ægri, & qui cum eis fuerunt suspecti: vel elati mortui fuerint, de ædium, ac rerum, quæ in illis sunt, expiatione aliquid dicamus. Hæc enim industria ad multa pertinere videtur, imò sine qua reliqui labores omnes nequicquam adhibentur, malumque subinde recrudescit, imò post diurnam quietem, quasi nouis resumptis viribus atrocius interdum, quam ab initio, sæuit. Nam sanè quidem hercle res digna admiratione est,
cur

cur tot sæpe homines vna in domo, in qua mortuus aliquis est peste, pereant. Quod cum ex venenoso aëre illius funesti loci accidere nulli dubitemus, prorsus imitanda nobis est consuetudo veteris testamenti, vbi lepra illi ætati vsitata non solum corporibus, sed & vestimentis, linteaminibus, parietibus, aliisque domus partibus adherere consuevit, vt non modò lauandæ illæ res essent, sed interdum quoque exurendæ. Pari, dico, ratione hîc agendum, vbi venenum pestiferum non minùs omnia contaminare solet, ac non rarò in rimis murisque se oculit, ac aliquot annos innoxium latet, donec nocendi occasionem nactum magna vi erumpat, & quotquot impuris corporibus accedunt, ore alijsue corporibus meatibus hauriunt, inficiat, neque à nocendo desistat priùs, quam vel idonea ad recipiendum subiecta remoueantur, vel ipsa maligna aëris qualitas sufficienter corrigatur, & dissipetur. Sic refert Alex. Benedictus de culcitra quadam, quæ negligentia familiæ illota & inconcussa longo tempore in angulo reiecta iacebat, cumque post annos septem prolata, & in vsum recepta est, quæ interea temporis ratione quietis & frigoris fuerat innoxia, rursus loci hominumque calore excitata & per poros attracta, virulentiam suam cum internecione totius domus exeruit. Simile quippiam recitavi supra de pellicea veste, & alijs quibusdam infectis rebus, quæ mihi comperta sunt. Manifestum enim

*In append.
cap. 9. lib. 4
de re. var.*

& indubitatum est, aërem pestilentem longo tempore in eiusmodi locis & suppellectilibus hærere posse: qui si quando excitetur, & putridum impurumue corpus inuadat, per facile accendit. Narrat H. Cardanus verè πολυίσωρ, in villa quadam propè Mediolanum, Lachiarella dicta, dum anus quædam sepeliretur, inuentas duas arcas pannis linteisque plenas, annis propè triginta bellorum metu absconditas. Quas cum apertas curiosius, vt moris est, requirerent, nihil quidem corruptum in illis inuenère, sed quotquot tamen interfuerunt, aut quæ recondita arcis essent, seu tunc, seu etiam pòst tractauerunt, intra triduū interiisse. Marsilius Ficinus quoq; asserit, parietes, ferramenta, & quæ è lignis sunt extructa, nisi corrigantur lotionibus, suffumigijs, ignibusque, integrum annum aut eo etiam amplius suam retinere venenositatem. Vestes item laneas, & id genus, nisi sæpè euententur, lauentur, suffiantur, vel ad ignem, ventum, solémue exponantur, triennium & ultra permanere infecta. Nosti quidem (ait) mucidi odorem aurantij, in qua mucuerit capsula, multos seruari per annos: Similiter suo qui prius erat bombyci musci, diu remanet odor. Equidem vt ignis oleum, sic nutrimentum huius veneni est lana: Et ita quidem nutrit hæc lana venenum, vt non modò conseruet ipsum, sed & augeat, ac fortificet. Item alio in loco: Quantum verò (inquit) ad solius aëris (intelligit autem commu-

*Lana diu
retinet ve-
nenum.*

nem

nem, non priuatum aerem) dispositionem, vna
 sufficit angaria, ita vbi ad tres menses immunes
 ab hoc morbo omnes, quicunque sunt, perstite-
 rint, iudicari possit, aerem iam fore purgatum.
 Sed esto cautissimus in appropinquatione &
 contactu eorum, quæ tenaciùs quàm aer, vene-
 num retinent. Procinctus fornacium in muris *Alex. Ben.*
 diutius quam ligna venenosam seruat qualitatē. *1. de peste*
 Quare purificanda sunt diligenter omnia, igni- *cap. 3.*
 bus, lotionibus, euentationibus, perfumigijs, o-
 doribus, &c. Purificantur autem homines ple-
 runque quatuordecim dierum spacio. Domus,
 lignamenta, &c. viginti & vno: Panni, vestimen-
 ta & similia, viginti octo. Equi, pecunia, supelle-
 ctilia, sarcinulæ & huiusmodi, nisi admodum
 cautè egeris, venenum diu seruare solent. Quare
 vigil, cautus & prudens esto, cunctisque ordina-
 tim prouideas. Hæc ferè hucusque Marsilius Fi-
 cinus, à quorum verborum fine vt ego exor-
 diar, nostros quoq; conseruatores, ad quos mi-
 hi redeundum est, admoneo exhortorq; omni-
 bus modis, vt singularem prudentiam in hac re
 adhibeant, ac diligenter cunctis ordinatim pro-
 uideant. In primis autem, vt per quos hæc expi-
 atio, quam dixi, perficiunda sit: Deinde quem-
 admodum fieri debeat, præcipiant.

Quamobrem si adhuc sani viuique in ædibus
 funestis reliqui fuerint, illis ipsis ea cura commit-
 tenda est, addito interdicto, & pœna negligenti-
 æ propolita: Sin autem domus sit hominibus

*Theodor.
Taberna
mont. cap.
11. de peste*

vacua, tum per vespillones, elatores, pollinctorésque, quos diximus, hoc negotium peragendum. Hi autem primùm omnium ianuas fenestrasque aperient, vt ventus permeet liberiùs. Deinde ignem instruent ex idonea materia, vt est quercus, Iuniperus, fagus, salix, &c. quòd aer vniuersæ domus purificetur: Tertiò si quid est parui momenti rerum, velut pannorum, vestiũ ac lineamentorum vilium, vel in profluentem abijcient, vel seorsum in loco ab hominibus remoto exurent. Quartò scamna, mensas, preciosiores vestes, pannos, lectos singulari cura non abluent modò, sed etiam lixiuio macerabunt, concutient, auræque exponent. Si enim ita non fiat, timendum est, ne nõ satis venenositas euanuerit, & paulò pòst recrudescat. Parietes autem ferramenti abrasantur, ac noua calce delibentur in albenturque. Quintò domus tota sæpiùs suffitibus illustranda ex folijs quercinis siccis, vel granis lignisq; Iuniperi, vel thure, vel rebus similiter odoriferis. Sextò vbi hæc omnia, ea quæ dixi industria, ordinatim studiosèque perfecerint, tandem conspergent omnia pauimenta herbis odoriferis, vt Saluia, Issopo, Lauendula, Amaraco, Ocymo, Ruta, Spicanardi, Roremario, Rosis, Nymphæa, Violis, folijs vitium, Salicum, &c. pro ratione temporis anni, quæ hîc singulatim persequi non est opus. Atq; hæc omnia longè diligentius & laboriosius in subterraneis illis habitaculis fieri oportet: Quia dum hîc non

non est libera euentatio, multò diutius retinent
absconditum impressumque virus pestiferum,
quàm quæ sunt in aprico & libero aere.

*De coërcendis his, qui in funestis
adibus fuerunt.*

C A P. V I I.

D E illis autem, qui cum mor-
tuis versati sunt, quid sta-
tuendum sit, etsi antè quòq;
mentionem aliquam feceri-
mus, tamen hîc iterum & ar-
ticulatiùs aliquid dicendum
est. Nam vt hi liberè vbique
vagentur, aut publica commercia apertis mox
post elata funera domibus suis exerceant, mini-
mè quidem consultum videtur. Vel ergo neces-
sariò affuerunt, vt domestici, qui ægrotantibus
ministrârunt, & medîci, chirurgi, Ecclesiastæ,
qui remedia corpori animæq; adhibuerunt, &
denique alij, qui mortuos extulerunt: Vel non
necessariò affuerunt, vt illi qui obiter fortè se-
mel atque iterum visendi causa, non assiduè ac-
cesserunt. Hi si diligentiam aliquam in lustran-
do corpore vestibúque adhibeant, quatuordecim
dierum spacio tantùm contineri intra pri-
natos parietes satis erit, si modò nihil deterius
est

est consecutum. Illis autem qui medici chirurgique officio sunt functi, toto pestilentiae tempore abs reliquorum hominum consortio abstinendum esse, iam ante constitutum est. Domestici verò, & qui assidue cum ægro vnus in ædibus versati sunt, longiori tēpore ad purificandū opus habent. Quod si autem animus sit his exundi potestatem facere, nihilominus ad euitationem cōtagij à publicis fanis, & à reliquis cœtibus omnibus prohiberi debent, nisi palam bacillum aut virgulam candidam luis pestilentialis indicia secum ferant, & nihilominus studiose innoxiam turbam declinent. Quod si aliqui id facere detrectabunt, se uero conseruatorum edicto coercebuntur, ne spacio sex integrarum septimanarum ausint ex ædibus suis egredi. Multò adhuc seuerius coerceri debent, qui ipsi quoque lue illa affecti fuere, quantumuis modò utcunque sanati sint. Nam in eiusmodi mundificatione vel bimestre spacium requiritur. Seuerissimè autem omnium illi, qui in præsentiarum morbum ipsum adhuc habent: De quibus expiandis quid statui debeat, quoniam adhuc cum morte illis est luctandum, tradi non potest. Et si enim plerunque infirmiores sunt, quam ut exire domo queant, contingit tamen nonnunquā, ut inducias concedat morbus aliquot dierum, cum virus tam citò ad principalia membra non potest procedere neque vitæ arcem occupare, impeditum vel corporis densitate, vel viscerum
natio

natiuo robore, vel ipsius mali minore imbecillioréue qualitate. Hitum solent se libenter immiscere cœtibus hominum, ducti vel errore quodam simplici, quod existiment, si alijs possint malum suum affricare, se ita fore liberandos. Ita enim nouit cacodæmon ille nocendi artifex falsa credulitate homines imbuere, & rotulam (vt loquitur vulgus) versare, promissa vana spe salutis: vel cum scelere coniuncto, id est, maximū & crudele flagitium committendi animo, nempe, vt secum quàm plurimos alios inficiant interficiantque. Aded enim sunt plerique pestilentianimo, vt pestilentiam corporis longè superent. Qui non est utcunque in mundo versatus, neque πολλῶν ἀνθρώπων ἰδεῖν ἄσπετα καὶ νόον ἔχων, meis verbis vix adhibebit fidem: At reuera asserere possum, his oculis me vidisse, qui, cū hoc affectu iam extuberanti, vt dubitare non possent, laborarent, templo se ingererent, & clam panem Domini simul cum alijs sumerent, atque ex eodem calice vinum Domini biberent: Horresco referens, etsi tunc nullis ea res damnosa fuerit: Haud dubiè sic procurante Domino, qui liberat nos ab omni malo. Quis autem credat huiusmodi non potius cacodæmones esse (loquor cum M. Luthero) quam homines? aut certè homines pestilentissimos, quibus vel ipsa pestis mitior sit? Quemadmodum autem clandestini sicarii, modò his, modò illis pugionem in viscera condunt, quòd nescitur cui debeat imputari, ita

ita hi ter[re]funestissimi homicidæ & rabiosi canes,
 hic puerum, illic virum aut fœminam intoxi-
 cant. Et cum pro viribus omnia funestarent,
 nulli nisi diuinæ voluntati delictum suum tri-
 buendum garriunt. Ac rident gaudentque in si-
 nu, quasi re bene gesta, cùm aliorum calamita-
 tes, quarum ipsi causæ sunt, audiunt. O crude-
 lissimum veneficiū: quod nulla ratione impu-
 nitum manere debeat, iminò æquali, aut maio-
 ri etiam pœna dignum sit, quàm vulgarium
 grassatorum latrocinia. Cardanus narrat Casali
 vrbe Salassix contigisse anno 1536. Vt quidam
 coniurarint (homines videlicet 40, viri & fœ-
 minæ, vnà cum carnifice) vnguentum se confe-
 cturos, quo inungerent portarum vestes, vt qui
 eos contrectarent, inficerentur: Puluerem quo-
 que adornarent, qui vestibus hominum clan-
 culum inspersus exitium illis crearet: (sæuierat
 autem eo loci paulò antè pestis, & modò remi-
 serat) sed coniuratione deprehensa omnes ex-
 quiritissimis tormentis enecati sunt. Falsi etiam
 fuerant, decreuisse se in celebri pompa cuiusdā
 Diui, subsellis perunctis vniuersos ciues occi-
 dere, paratāsque ad hunc vsum supra viginti ol-
 las fuisse. Tentârunt idem Geneuæ quoque ali-
 quando, dederuntque pœnas. An verò horum
 factum nefandius est, quàm eorum, de quibus
 nos agimus? Quis crederet autem in homines
 Christi baptismo tinctos, & regno Dei destina-
 tos tantum scelus posse cadere? Quis non malit
 inter

De Variet.

ve. 15. cap. 8

inter belluas, quàm cum huiusmodi appellatione hominum planè indignis vna in ciuitate viuere? Quamobrem strenuos vindicēs tantæ enormitatis conseruatores nostros esse decet, vt propter communem societatis salutem impunes non sinant abire tales clancularios hostes, & nefarios proditores, exemplo præclarissimarũ rerum publicarum, de quibus facta est mentio.

Cæterum hi qui pestilentia laborârunt, ac modò vtcunque restituti sunt, alios etiam vltrò monere deberent, vt ipsorum consuetudinem vitent. Cùm enim illis in angustia ista constitutis humaniter subuentum sit, iam releuatis vicissim cogitandum, ne alios in eandem angustiam conijciant: quod esset hominum extremę ingratitudinis. Si ipse Deus (ait Lutherus) in veteri testamento præcepit, vt leprosi segregarentur à populi conuictu extra oppidum, ad vitandum contagium, neque reciperentur nisi mundi essent iudicati, multò magis, nos in hoc periculoso contagio idem imitari decet: neque hîc refractarios esse licet, &c. plura enim in hâc sententiâ Christianè ab eodem dicta suprâ recitauimus. In quibus, vt ingenuè loquar, quamuis maximè placeat consilium separationis, tamen in caussa, qua periculum in contagio leprosorũ positum esse putatur (nisi hoc fortè aliquando contigerit ob contemptum præcepti diuini: seuerè enim admodum consuetudine eorum fuerat interdictum) non approbari hanc sententiam ab omnibus

*Lepra Vet.
testam.*

bus existimo. In cuius rei mentionem quoniam iterū incidi, ac crebrò aliās memini, paucis repetere non grauabor. Principio enim veteris testamenti lepram fuisse morbum, actiones naturæ lædentem, aut vlllo humano consilio remediōue curabilem, haud constat: Quin D. Augustini opinione, defædatio potius erat, non illa quidem vulgaris, sed singulariter à Deo immissa, quàm morbus corporis, & (vt ipse loquitur) magis coloris & cutis vitium, quàm valetudinis aut integritatis sensuum atq; membrorum. Quamobrem quoque mundandi verbo sæpius, quàm medendi vtitur Scriptura, cū de curatione huius mali loquitur: Et rectè, meo quidem iudicio medici quidā celebres nostram lepram, quæ ἐλεφαντίασις Græcis dicitur, ab illa Hebræorum, quæ Saharath ab ipsis appellatur, & de qua in Leuitico ac apud Euangelistas fit mentio, distinguunt. Hæc enim (aiunt) morbus non est ex ijs, qui ob errorem in sex rebus non naturalibus contingere solent, cum reuera affectio quædam sit ex ira Dei producta, quæ pro ratione peccati non hominum duntaxat corporibus accidere solet, sed etiam vestimentis atq; ædium parietibus, in quib. præuaricatores illi habitabant: pro magnitudine (inquam) delicti. Si enim peccatum exiguum erat, in muris domorum maculæ quædam parux extuberabant: Sin grauius, vestibus adhærebant: Quod si verò grauissimum fuerat peccatum, tunc peccantis corpus iisdem

defœda-

*De ciuit.
Dei.*

*Amat. Lu
sitanus.*

defœdabatur. Atque huius lepræ suspecti, quatuordecim dierum spacio à summo sacerdote iudicabantur, vtrum excludendi essent è societate hominum, nec ne. Neque enim ad eam curandam vllis humanis præsidij, sed diuina solùm manu opus erat. Quæ omnia (vt plura alia) iam esse desierunt. De nostra verò elephantiaca *ἐλεφαντία* lepra, quæ *δὲς διὰ πασῶν* ab illa differt, hoc ex medicorum libris atque ipsa illius natura constat, morbum esse viscerum humorumque vitio ortum, sæuum admodum, & velut totius corporis cancrū: qui olim (testantibus historijs) Aegypto peculiaris fuit: in Italia verò ante Pōpei magni ætatem non visus. Quid? quod adhuc apud Italos longè rarior sit, quàm in nostra Germania, *Anton. Ben. de* aut vicina Belgia, aut Francia: quod his quidem *inuen. de* ob incocta cibaria, illis verò propter constitutionem aeris accidere nonnulli scriptitant: quàm *abd. morb. caus. cap.* verè, ipsi viderint, qui se tam faciles arbitros constituant in causis & controuersijs grauioribus. *98.* Galenus enim in Germaniararò, in Alexandria *Lib 2. ad* frequenter videri putat, fortè ad sua respiciens *Glauco.* secula: Ego cum Amato Lusitano peruersæ rationi victus malim ascribere. Promiscuè enim ac nullo delectu aut ordine vescuntur piscibus, leguminibus, fructibus horarijs, lacte ac lactici- *Nat. hist.* nijs. Describitur autem à Plinio in hunc modū, *26. cap. 1.* vt dicatur à facie plerunq; incipere, in nare primum, velut lenticula, mox inualecente pertotum corpus, maculosa, varijs coloribus & inæ-

*Gal. 11.
facult.
med. simpl.*

quali cute, alibi crassa, alibi tenui, dura ceu scabie aspera, ad postremum verò ingrauescente & ad ossa carnes opprimente, intumescantibus digitis in pedibus manibúsque. Hæc est Plinij definitio. Curationis autem ratio à Galeno illa potissimum laudatur, quæ usu carnis Viperinæ perficitur: quam & ego in Italia sæpenumero ab excellentissimis medicis commendari audiui, & dextrè exhiberi vidi. Verùm hæc huius loci non sunt. Illud autem ex his constat, magnum discrimen esse inter elephantiasin, hoc est, hodiernâ lepram, & illam, quæ in veteri testamento peculiaris pœna erat peccantium, tum quod ad ipsarum naturam attinet, tum quod ad curandi methodum: Quod obseruauit quoque Leonhardus Fuchsius in suis Paradoxis: sed nõ itidem Franciscus Valleriola in enarrationibus suis medicinalibus.

*Lib. 7. cap.
16,
Lib. 6. cap.
5.*

Sed instat aliquis: vtrancūq; tamen contagiosam esse oportet, cū ambo abs hominum consortio segregentur, qui illis sunt infecti. Respondeo. Quid si non eadem causa separationis sit utrobique? Fortè enim ob id apud antiquos fuere seiuncti à reliquis, quod sceditas & sordities quædam esset, quam Deus in suo populo ferre non voluit: quippe quem tam corporis, quàm animi munditie oportuit pollere: Vel quod illi qui hisce maculis defœdati erant, aliquid ferrent pœnæ: videlicet vt tum ipsi aliorum conuictu cogerentur abstinere, tum horum vicissim alij: quæ

quæ res quorundam iudicio imago fuit nostræ
 hodiernæ excommunicationis, quam vulgò
 bannitionem quasi abannitionem, id est, anni
 absentiam vocant. Nostri autem Elephantici ob
 id ex hominum cœtu remouentur, quia mor-
 bum habent tum grauem, tum contagiosum:
 Quanquam, vt dicam quod sentio, contagium
 non tam vehemens esse existimem, quam pleri-
 que putant. Quin potius, meo iudicio, contra *Gordon. part. 1. cap. 22.*
 giosior est affectus, quem nostro tempore galli- *Epist. lib. 7.*
 cum, propter originem, aut propagationem *Epist. 2. lacob. Syl. in præfatio.*
 appellant, & Iohan. Manard. non rectè, mea *Isag. anat. lib. nat. hist. 26. cap. 1.*
 sententia, de genere Elephantiasis iudicat esse:
 etsi non perinde seuus sit, præsertim hodie, cum
 illius vis paulatim remissior fiat, vt sperandum
 sit, tandem prorsus diluturum, vt mentagra, cu-
 ius Plinius meminit, ne vestigia quidem appa-
 rent hodie. Quod autem Elephanticam lepram
 attinet, crebrò studiosè percunctatus sum ab il-
 lis, qui hac laborabant, sed rarò cognoscere po-
 tui ipsorum consuetudine quenquam infe-
 ctum esse, etsi non rarò sani cum ipsis versentur,
 imò (quod magis mirum est) etsi cum sanis mu-
 lieribus ægri consuescant viri, & sanos gignant *Leonhard. Zacchin. 9. in Rhaz. cap. de phthis.*
 interdum liberos. Quod incredibile fuerit, si
 tanta esset contagij vis, vt à plerisque æstimatur,
 Quæ cum ita sint, & nihilominus magna cura
 propter quaecumq; consuetudinis periculum,
 aut saltem periculi suspicionem, ex aliorum so-
 cietate amouentur. Rursus dico, quod dixi iam

sæpiùs maiorem longè sollicitudinem in contagione pestilentix esse adhibendam. Sed hæc iam fortè prolixius, quàm par est, disputata videbuntur: quod æquus lector facile mihi condonabit, si cogitet, non esse inutile, nos interdum variarum rerum admoneri. Excitat enim hæc res ingenuos homines ad diligentiorē veritatis inquisitionem: quæ veritas, vt Pythogoras dixit, in profundissimo puteo demersa & abdita est.

Admonitio ad singulos reip. subditos, vt operam suam conferant, ad commune contagij pestiferi periculum prohibendum.

C A P V T. I I X.



ED non deerunt fortassis aliqui, qui hisce nostris constitutionibus animo iniquiori obloquentur, vel quòd iudicij inopia, rem non satis diligenter possint perpendere & intelligere, vel quòd consilium non ferant, quo se in ordinem cogi animaduertant: vulgus enim omnis iugi impatiens esse solet. Sed his mox respondendum est. Qui verò sem-

semper pestem peculiaris ac immediati à Deo flagelli ratione contingere persuasi sunt, neque ob id humanæ operæ aliquid tribuunt, hos nihil aliud quàm monere possum, vt se rectiùs institui sinant. Qui ordinis impatientiores apertè se nostris conseruatoribus opponent, veteremque consuetudinem & libertatem vrgebunt, hos omninò admonitos velim, vt cogitèt, non sibi solum hîc consuli, sed etiam vxoribus, liberis, & propinquis, imò vniuersæ societati. Quæ igitur fuerit barbaries, non velle ad exiguum tempus ferre, & tutò possis, vt libereris ab eo, quod tibi si accidat, perferre nisi cum discrimine vitæ non possis? Age, quis non libenter tempore belli, vel in vrbis obsidione, leges aliquot nouas quidem, sed eo statu necessarias, à Senatu aut Duce militum sibi præscribi patiatur, quibus intelligat fortunam salutemque tum suam, tum popularium suorum posse defendi ac conseruari? Imò quis non hostem omnibus viribus arcere à finibus, si absit: vel ei iocere si urbem ingressus sit, studeat? Quis in communi inundatione aquæ, aggeres tueri ac firmare, domos stabilire, liberare pecudes, hominibus natantibus subuenire, & vel tabulam saltem, si non queat ampliùs, naufragis præbere non labore? Quis non accurrat & opem ferat ouibus, si lupus alicubi in stabulum irruens gregem dilaceret? Quis (inquam) adeò est crudeli animo præditus, qui in his calamitatibus non velit *χρησιμεύειν ποσιν*, quantum

*Len. Lem.
2. de ocul.
nat. mira.
cap. 6. lt.*

quidem anniti queat, subsidium rebus cadentibus afferre? Quis has proximorum miseras obmolitiam æquo animo possit aspicere? O prorsus ab omni humanitate alienum, & prorsus adamantinum, aut potius belluinum pectus, quod vllum ignauix locum hîc dandum putet! Bruta sibi mutuo, ac quidem promptè auxilium ferunt, si quid aduersi ipsis ab alijs accidat: & homo, qui ab humanitate appellationem suam habet (quæ vox omne officij genus in se includit) vt inutilem libertatem retineat, in summa totius vrbs afflictione, non velit sibi honestas, commodas, necessarias leges, non perpetuas, sed temporarias ferri? Et secundum harum æquitatem publicum bonum & sociorum salutem ac vitam tueri? At dissimilia, inquit, sunt exempla, quæ adducis: quia illius Deus, horum homines, vel aliæ creaturæ, autores sunt. Quasi verò quicquam sine Dei prouidentia, atque adeò sine diuino ipsius decreto accidat. Quasi quicquam mali in ciuitate sit, quod Deus non fecerit. Sed hæc olim à nobis dijudicata fuere. Age, si quem videamus fame premi, hunc cène ex Dei mandato cibandum nobis existimas? Etiam si sit Turca, etiam si ethnicus, etiam si hostis noster? Quantò magis igitur hoc officij debemus fratribus, vicinis, ciuibus nostris, quorum opera nunquam carere possumus? Quod si verò ita egentibus opem nostram subtrahamus, an non coram Deo homicidæ sumus? D. Iohannes ait, qui

Ecclef. hist.
7. cap. 28.

qui non amat proximum, committere homicidium, & charitatem in illo non manere. Et huiusmodi vnum fuit eorum criminum, quæ Deus obiecit Sodomæ, vt Ezech. dicit: Ecce hæcerant peccata sororis tuæ Sodomæ, otium, luxus, neglectus proximi. Eodem prorsus modo dicturus est Christus vltimo iudicio: Ego esuriui, & non dedistis mihi cibum, ægrotavi & non inuifistis me, &c. Quod si igitur tantum crimen est, cibum negare, vel ægrotum non visere, quantò grandius erit crimen, præsentem quasi mortem & interitum pro virili sua nolle auertere? Vtinam locum apud obstreperos istos, & publicæ salutis contemtores inueniat, summi & heroici viri Martini Lutheri consilium, qui tam prudenter, tam piè, tam denique studiosè omnia auxiliorum genera adhiberi suadet, quæ quocunque modo prodesse possunt: neque quicquam prætermitti vult, quod eiusmodi incendium aliqua ratione possit restringere. Ita te gerito, inquit, vt qui commune vrbis incendium cupiat extinguere, *Pestis est incendiū.* Quid enim aliud est pestis, quàm ignis quidam, qui non ligna aut paleas, sed vitam & corpus absumat ac deuoret? Proinde sic cogitandū nostrum vnicuique est: si Sathan Dei voluntate, vel perse, vel per suos ministros hoc lethale toxicum nobis peperit, ego contra ante omnia orabo Deum, vt hoc ipsum sua misericordia à nobis auferat: Deinde addam operam qualemcunque meam, tum suffumigando & illustrando aë-

rem, tum vſurpandis medicamentis, tum vitando contagio, vbi præſentia mea non requiritur, ne meipſum quicquam neglexiſſe videar, aut alijs, qui mea negligentia damnum capere poſſint, interitus autor ſiam. Quod ſi nihilominus Deus me volet hoc morbo affligi, vel ad ſe ex hoc mundo reuocare, ſaltem officij mei quod erat, fecerim, neque in meipſum, aut in proximum quicquam peccauerim. Vbi verò opera mea neceſſaria eſt, ibi nihil omittam omnium, quæ fieri à me poſſint & debeant. En iſthæc verè pia eſt fides, quæ nihil temerè agit, neq; Deum vlla in re tentat. Hæc ferè ita Lutherus, verbis tamè Teutonicis. Ergo ſitalis prudentia & fidelitas primum in Magiſtratu, deinde in ciuibus ſpectarentur, longè profeſſò tolerabilior peſtilentia eſſet futura. Vbi verò hi quidem nimium ſunt temerarij & negligentes: illi contrà nimis meticuloſi, ibi Sathanas facilè pro ſua libidine ſurſum deorſumque voluit omnia, mæ'umque vſque eò augeſcit indies, vt tandem miſerabilis facies, totius ciuitatis exiſtat. Langueſcunt enim commercia, oritur rerum omnium caritas, ceſſant conuentus Eccleſiarum, periclitatur charitas, omnia ſuſpecta habentur, & vt poëta ait, nec hoſpes ab hoſpite tutus, Nec ſocer à genere, fratrum quoque gratia rara eſt. Non redditur debitus honor neque magiſtrato, neq; parentibus, diſciplina negligitur vniuerſa. Meratrepidatio, deſperatio, infantium eiulatus, mulierum lachry-

man-

*Status tem-
poris peſti-
lentialis.*

mantium strepitus, luctus, mœror, terror, familiarum interneçio, testamentorum corruptio vel impeditio, hæreditatum confusio, vrbis vastatio, interitus Reip. & denique nihil non miseriarum auditur & visitur. Quæ meritò omnia ob oculos sibi proponere debebant, qui hanc causam tam parui faciunt, vt nihileius nomine, quod & facile factu, & illis ipsis indemne, imò salutare sit, exiguò duntaxat tempore ferre velint: sed vel religione, cuius vim non intelligunt: vel rebellione honestas & reip. vtilis leges aspernantur, & qui ipsis salutaria cōsilia, quibus gratis vti queant, magno labore synceròque studio suppeditant, ingrati reijciunt: quorum tamen ignorantia atque malevolentia, propter bonum publicum, conseruatores minimè concedere oportet: sed illud potius diuinum Hippocratis iudicium sequi debent, vt quod ab initio visum est esse consultum, cōstanter vrgeant, ac in eo perseuerent. *Aph. sm*

Hæc sibi vnusquisq; vel meo vel conseruatorum nomine dicta putet, ac sedulò studeat, vt laboranti patriæ fideliter opituletur. Quod ni fecerit, Deo hominibúsq; poenam daturum se metuat.



De pœna temerè delinquentium.

C A P V T I X.



VAMOBREM, quia hucusq; quicquid facto opus sit, tradidimus, neque quicquam quod ex ratione dici possit aut in rem sit, prætermisimus: ad obseruantiam etiam harum constitutionum diligenter ac seriò omnes cohortati sumus, sequitur porrò, vt si quis in officio suo cessator aut infidelis repertus fuerit, is cognita causa pro gravitate delicti pœnam sustineat. Quid enim profit multas bonas leges condidisse, si non obseruentur? Non obseruabuntur autem, nisi in delinquentes iusta fiat animaduersio. Nam boni qui fuerint, sua sponte optima quæque facient. Lex enim iustis non est posita, sed transgressoribus. Magistratus quoque non portat gladium frustra, sed male facientibus est terrori. Quidam rectè dixit, nullam rem publicam posse consistere absq; legibus: legum nullum esse momentum, si non detur actio: actionem omnem frustra suspici, ni sequatur exsecutio. Incipiamus ergo ab exordio, & quæ cuique delicto statuenda sit pœna, qui temerè harum constitutionum leges (quas ego per Aesculapium vel laqueis

queis inserto collo rogare non verear) offendere, videamus.

Primum quidem, Conseruatores ipsos quod attinet, et si legum harum præfæcti erunt: tamen non decebit maiorem sibi libertatem vindicare, quam ipsa suprema Maiestas imperatoria sibi esse voluit: qui quamuis supra leges se esse fateatur: tamen se legibus obtemperare & subijci velle ait. Et certè æquitas postulat, vt quod quisque in alios statuit, idem quoque ipse ferat. Isocratis sententia est, Vulgus libenter imitari, quo delectari videt suos præsidēs. Itaque conseruatores studeant omni modo suam autoritatem tueri, nec nomine solum, verumetiam re ipsa fanitatis conseruatores esse, communemque salutem ex animo procurare nitantur. Quod si aliquid negligenter aut ipsi egerint, aut alijs per gratiam (quod minus decet Magistratum vel ethnicorum doctrina) concesserint, vniuersi Senatus decreto, quod eis infamiam pariat, ab officio deponuntur, & in ordinem ciuium rediguntur.

Medici, Chirurgi, Pharmacopœi, si quid per errorem commiserint, quod in hominum iudicium non venit (sæpe enim talia possunt accidere) Deum se vindicé habituros sciant. Quod si cuius leuioris culpæ rei facti fuerint, id industria compensent maiori. Qui nō tam dextrè omnia ac peritè, quàm soli excellentiss. egerint, ipsa etiā lege absoluuntur. Difficile enim est semper quod

rectif-

*L. odigna
Sox. cod. de
legib. Item
L. princeps
ff. de legib.*

L. lata. rectissimum est, assequi, neque omnes possumus
L. magna Hippocrates aut Galeni esse. Qui verò latam in
ff. de Verb. se culpam admiserint, id est, crassa & affectata i-
Cre. signi. gnorantia in eo deliquerint, quod plerunque om-
 nes sui ordinis aliter & commodiùs fecissent,
 multæ subiaceant arbitrariæ, quæ vel in priua-
 tione officij, vel defalcatione stipendij, vel deni-
 que detrimento honoris & famæ consistat. Reli-
 qua autem crimina secundum leges Imperiales,
 aut Principum constitutiones, aut plebiscita pu-
 nienda relinquuntur. Interim autem & hi, & se-
 quentes ministri Ecclesiæ ab aliorum consor-
 tio se abstinebunt, aut pœnam arbitrariam susti-
 nebunt.

Ministri Ecclesiastici, qui animarum medici
 sunt, non facile possunt latam culpam in officio
 suo admittere, si ex animo, quod dicuntur, stu-
 deant esse, neque se tardos cuiquam præstent,
Prouer. 15. neque respectum personarum (quod minimè
 eos decet) habuerint. Quare exceptis publicis
 criminibus, si quid negligenter egerint, aut se
 minùs piè gesserint, Deo incorrupto iudici, re-
 rumque & cordium scrutatori puniendos relin-
 quemus, vel ad summum ab officio suspende-
 mus, subtracto interim salario inestruo.

Inter ciues, quisquis instituti ordinis turbator
 aut transgressor fuerit deprehensus, pœnam fe-
 rat pro ratione delicti. Si ebrius quis reperiatur,
 publica ignominia, vel pecuniæ multa, obser-
 uata personæ; occasionis, frequentiæ, grauitatis-
 que

que circumstantia, veniet plectendus. Qui cho-
reas duxerint, balnea publica adornarint aut
adierint, nuptias celebrarint, leuius quidem; sed
si impetrauerint singulare priuilegium, omnino
non puniendi sunt. Possunt enim incidere caus-
sæ, cur quibusdam aliquid concedatur, quod
passim in omnibus fieri non debeat.

Qui res prohibitas in urbem importare ac di-
uendere ausi fuerint, rerum ipsarum priuatio-
ne iuste plectendi sunt. Eadem etiam poena de-
betur illis qui emerint, si adhuc integras secum
habebunt: alioqui multa rerum precio æqualis
esto.

Qui autem rerum vtiliū, vt esculentorum,
poculentorūque in alio, quā præscripto lo-
co, venditionem exercere inuenietur, ille totius
rei, quam venum exposuerit, iacturam feret.

*Inst. de re.
Diuis. §.
cum in a-
lieno solo.*

Quisquis precium rerum vendibilium plus
iusto auarè, vel vltra præscriptum priuata au-
toritate auxerit, illicitarum vsurarum poenæ sub-
ijcitur, & ad aliquod temporis spacium com-
mercij exercendi ius illi interdictum esto.

Quicunque prohibita animantia non remo-
uerit, neque sordes, quas illa progenuere, auexe-
rit, certa pecuniæ summa plectatur: Sin autem
in plateam publicam proijcere tentarit, duplo
puniat, & nihilominus suo sumtu extra vr-
bem exportare cogatur. Si neglexerit, pro singu-
lorum dierum ratione multa intendatur: vel
per publicos ministros duplici ipsius sumtu au-
ferri curetur.

Ca-

Canes, feles, capras, &c. quę singulorum sunt propria, nisi domi quis coercuerit, pecunię summam arbitrariam pendito: & vnicuique qui ea ceperit, interficiendi retinendique ius esto, nisi absque Domini negligentia factum probetur. Equi autem, si effracto stabulo effugerint, restituendi sunt suo possessori. Nam eiusmodi non solent circumuagari.

Si quis vel alienigena vel ciuis ex infectis suspectisue locis veniens, non habuerit testimoniũ sanitatis, rerumque, si quas secum affert, integritatis, excluditor: Quod si clam ingressus fuerit urbem, rerum quidem suarum damnum ferat, ipse verò multa affectus ad spacium temporis aliquod repellatur, aut omnino excludetur.

Qui autem peregrè venientes absque sanitatis testimonio admiserit portarum custos, si sciens fecerit, aliquot dies carcerem adito: sin insciens, vt fit in copia transeuntium, aliqua saltem multa pecuniaria plectendus. Idem statuendum in Pandocheos, & qui hospitio excipiunt aduenas.

Quicumque post interdictum conseruatorum ex ædibus peste maleficiatis sine præscripta nota egredi ausus fuerit, summa pecuniaria punietur: Sin autem quamuis nota insignitus, in alienas ædes temerè ingressus fuerit, aut hominum turbæ se immiscuerit, exeundi licentia postea caret, aut in Læmodocheum deducitor. Idem in eos statuendum, qui ex vno Læmodocheo in alterum transierint.

Qui sanus vel æger Medicinam contemserit, pertinaciæ damnandus est, & tanquam hæreticus habendus: cui postea quoque minus beneficij & officij debetur ab alijs, imò ciuium societate indignus censebitur. Tentauit enim Deum, & cū refractarijs Iudæis, miracula requirit, cum posset sine miraculis gratiam Dei experiri.

Quicumque affirmauerit, Christianis liberum esse tempore pestis ciuitatem Ecclesiamque suam absque honesta caussa & præsidum consensu relinquere, is schismatici titulo dignus est: Et si sic fugerit, iure ciuitatis priuandus. Qui autem omnem pestem tanquam immediatam Dei plagam esse affirmaucrit, ille ignorantix condemnandus, & vt blasphemus spernendus est: quippe qui hominum temeritatem ac supinæ suæ negligentix culpam in Deum reijciat.

Libitinarij, bustifabri, expiatores, quique efferendis mortuis præfecti sunt, si se non abstinuerint ab aliorum consuetudine, sicut qui in ædibus pollutis domestici fuerunt (si eodem modo peccauerint) plectendi sunt. Quod si quando nondum mortuos sepelierunt, vt contigisse aliquando diximus, si id scienter fecerint, velut homicidæ habentor: Sin ignoranter, Deum deprecantur culpâ. Quod si verò aliquid rerum in expiandis ædibus secum abstulerint, furti: sed si cui alij id ipsum donauerint, exhibiti veneni teneantur, pcenâque coerceantur corporali.

Quod si quis ante præfinitum tempus, sine li-
cen-

Inst. de

pub. lud. §.

Item Lex

Cornel.

Exod. 22

cētia domo exierit, & se in cōetus aliorum ingesserit, is de nouo totum inclusionis tempus répetere tēnebitur, & insuper mūlta arbitraria afficiendus est. Quod si idem infectus antè, & vix dum restitutus, aut saltem mediocriter restitutus, facere audebit, summæ ingratinis accusandus, omnibúsque beneficijs, quæ ei præstari solent, priuandus, & prætereà diuturniori inclusione coercendus est. At si iam actu peste affectus, hoc piaculum, summa sceleratâque fretus audacia, cōmittere deprehendatur, tanquam sicarius post bonorum (si liberis caret) priuationem, carnisfici tradatur.

Hæ igitur pœnæ temerè delinquentiū sunt: Quas pro ratione temporis, loci, personæ, ætatis, sexus, enormitatis, frequentię, augere vel mutare poterunt conseruatores. Quicquid autem mūltarum collectum fuerit, id partim in subsidium pauperum impendendum, partim læmodochijs applicandum.

Synopsis seu recapitulatio, continens constitutiones in his duobus libris traditas.

C A P. X.



OSTENDAM hucusque ea descripsimus, quæ ad officium fidelis & prudentis magistratus tempore pestilentiae reipub. à contagio præseruandi liberandique, pertinere putauimus, & pleraque paulò verbo-

sius tractauimus, è re futurum videtur, vt constitutiones, quæcunque magis salutare ac præcipuæ sunt, summam *κατὰ σύνολον* repetamus: si cui fortè vel non vacet, vel non placeat integram tractationem legere: Ita enim & faciliùs meminisse poterit, & minus capiet tædij.

1. Cum igitur persuasi fuerimus, ad munus gubernatorum reipub. pertinere, vt non solum necessarijs rebus ciuitatem instruant, sed etiam quæ noxia & damnosa sunt, auertant (inter quæ noxia vel maximè morbi epidemici, qui contagio homines lædūt, qualis præcipuè est pestis, comprehenduntur) id cauebunt Magistratus, ne segnitiei aut negligentiae vllum hîc locū dent, sed omni potius conatu, studio, fide & prudentia præstent, quod in rem & ad salutem totius societatis omniumq; subditorum pertinere intelligunt.

2. In primis autem ut publicam poenitentiam edicant subditis, vnâque cum populo vitæ emendatione proposita, Deo opt. max. se pariter fistant, ab illôq; tum culpâ antè actæ vitæ seridè deprecentur, tum auxilium in præsentî infortunio ardentè implorent.

3. Deinde ita conscientia Deo approbata, fide, spe charitatèque bene confirmati humanam omnem operam impendant, ut nihil quod ratio suadet, & vsus postulat, prætermittant. Et quia ordo in omnibus rebus necessarius est, seu quid vtile præstare, seu damnosum impedire voluerimus: *ἀταξία* verò & confusio Deo ipsi inuisa sit, magna fuerit barbaries, in cæteris quidem rebus elegantes canones habere, in morborum autem tanquam belluarum immaniũ irruptione nihil prudentiæ adhiberi, nihil rationi conuenientiũ legum instituire. Quare sicut Phylilogi singulis cæli orbibus suũ motorẽ & quali rectorẽ adiungunt, & sicut Resp. singulis officijs peculiare præfectum præponunt: Ita quoque in cura publicæ sanitatis certus aliquis Magistratus constituendus est, qui re & nomine conseruatores sint, suæque autoritate omnia huius instituti negotia procurent, idq; hoc ordine, qui sequitur.

4. Primũ enim prouidebunt Reipub. de idoneis medicis, chirurgis, pharmacopœis: qui vita inculcata & rerum peritia sufficienter instructi, huic vni ægritudini pestiferẽ incumbant, ab alijs verò ægris & morbis (excepto Pharma-

copœo

copæo) prorsus abſtineant. Vt autem hi medio-
cri præmio honeſtè & humaniter fouendi: ita a-
lii circumforanei peregrini tanquam harpyæ,
quæ eſcam duntaxat inhiant, proſtigandi. Cùm
enim ſint perfidi humanę vitæ proditores, indo-
cti & nefariè audaces, facilè à Sathana ad quod-
uis facinus hoc rerum ſtatu impelluntur, vt vbi
contagium tollere deberent, hic ſerere & augere
in animum inducant ſclerati.

5. Poſtquam verò rei pub. de medicis corporis
proſpectum erit (Nam hanc curam in noſtra a-
ctiōe, qua valetudini conſulitur, poſt vni-
uerſalem conſcientiæ repurgationem primam
eſſe iudico) ſimiliter quoque de medicis anima-
rum, omni modo probatis viris diſquirent: Si
qui volent, quod non diſſuadeo, ſed opto & hor-
tor, eorum opera vti, vel inſtitutione & conſola-
tione, quæ verbis & ſermone fit: vel ſi ita tempus
ferat, ſacrorum ſignorum exhibitione ac parti-
cipatione. Abſtinebunt verò & hi ab aliorum
conſuetudine, qui hoc peſtifero morbo non af-
fliguntur.

6. Inter ciues talem rationem obſervari iu-
bebunt, vt vitentur omnes publici conuen-
tus, velut nuptiæ, ſpectacula, choreæ, balnea,
nundinæ celebres, pompoſę ſepultura. Eccleſia-
ſtici verò cœtus fieri poſſunt, ſi in diuerſa loca
distribuuntur, ne confertim cœant, & arctius
conſideant. Scholæ frequentiores transferendę
in locum & aerem opportuniorem: minùs fre-

Hic. Card.

15. de rer.

Variet.

cap. 8.

quentes & pueriles tantisper claudendæ sunt, dum desierit sæuire morbus.

*Theod. Ta-
bern. de
pest. cap. 3.*

7. In rebus, quæ ad cibum potumque spectant, vendendis & emendis, ea sequenda providentia, ut quæcunque noxia sunt, & periculum contagij afferre possunt, in vrbe neque diuendere neque importare fas sit. (Quæ autem eiusmodi sint, singulatim in ipsa tractatione, prout res tulit, tradidimus.) Salubria verò & necessaria procuranda, & suo quæque loco & præscripto precio distrahenda. Plura autem fora, & tolerabile precium singulis rebus designabuntur, pro rerum regionumque natura, & eumentium facultatibus. De quibus tamen haud facile certis legibus potest caueri, aut satis accuratè præscribi, sed sola charitas huius æquitatis modum & regulam statuat necesse est.

8. Vaccæ, porci, anseres, & reliqua spurca animalia, quæ multum fœtoris & immunditiei gignunt, non sunt in vrbe toleranda, sed in remoto ab vrbe loco instituenda illis stabula, præsertim ad torrentem aliquem, si fieri queat, qui sordes omnes auferat, vel unde exhalationes impuræ in urbem non respirent. Quia fimi & excrementa eorum valde inquinant aërem, & contagio suppeditant pabulum.

9. Plateæ quoque omnibus inquinamentis mundandæ, neque in his quicquam vel odoratu graue, vel visu abominabile abijciendum: sed eiusmodi quicquid est, extra oppidum deportandum,

dum, ne ex plateis publicæ quasi foricæ fiant, imò quasi tota ciuitas fœda quædam cloaca videatur, quod turpissimè in magnis quibusdam urbibus fertur. Quare pro oppido in locis conuenientibus latrinæ Reip. sumtu instaurandæ, & quidem vel propè fluentum, si adest, vt eiusmodi saburræ aquæ impetu auferantur: vel in loco aprico, vt vento exiscentur. Neq̃ hîc nos Sarmatarû consuetudo mouebit, qui tempore pestilentia canes mortuos per urbem spargere solent, vt virus virulentia extinguerent. Barbarum enim hoc est, & fortassis illi solùm loco commodum. Verùm nos potiùs rebus odoriferis aerem nostrum corrigemus: potissimùm autem magnis & luculentis passim instructis focis & ignibus. Aeris enim puritas præcipuum remediũ in Epidemia est, testibus Hippocrate & Galeno, omnibûsque sapientibus antiquis. Ignis autem *Plin. hist. nat. 36. cap. 6. l.* illustrat, exsiccat, purificatque omnia, & est aeri tanquam sol, anima & vita: Adeò vt quod compositis corporibus præstat nobilis illa antidotus Theriaca, hoc aeri præstat ignis, simplicium omnium corporum, vt situ, sic virtute supremum elementum: quod pace Cardani mihi dicere liceat, qui ignem elementum esse negat. Scitè autem dictum est, quantò melior aer, tantò melior animus. Nam homines plerunque pro qualitate aeris affecti sunt. *De var. re. lib. 1. Len. Lem. 3. de ocul. nat. mira.*

10. Ferendi quoque non sunt, vel certè continendi canes, feles, capræ, aliæque cicurae

nimalia, quæ circumcurrere & ubique per plateas vagari solent. Nam eiusmodi pestiferam auram, licet ipsa sæpe illæsa maneât, circumferre & ad alios deferre possunt: quod ratione naturali simul & fide dignis historijs constat. Quamobrem, quæ contineri non facile queunt, ut feles, occidi præstat, quam tolerari, & harum loco decipulis uti.

11. Nulli alienigenæ, neque ciues, qui ex infectis locis veniunt, sine testimonio sanitatis, in urbem sunt recipiendi. Huiusmodi autem testimonia chartulis sigillo notatis vel scriptis, à conservatoribus postulanda: Quod sicubi hæc politix nostræ ratio nondum obtineat, saltem à Magistratu cuiusque loci, vel à Parocho petenda. Qui verò non habuerint, spacio aliquot dierum conuenienti, extra urbem se continebunt. Maioris enim debet fieri salus publica, quam privata utilitas. Quod verò de hominibus dixi, idem quoque de rebus, quas secum ferunt, ut mercibus, sarcinis, suppellectile, &c. intelligi debet. Maxima enim sæpe in his pericula latent. Nam aura illa pestifera longo tempore in illis potest hærrere: ut de laneis vestimentis abundè cõstat. Lana enim hoc virus mirificè nutrire & augere consuevit. Et notum est de multis maleficis, qui hac ratione præsens malum longè latèque sparserunt.

12. In quorum ædes inciderit pestis, illi conservatorum mandato mox domi continere se debent,

debent, neque licentiam habebunt exeundi, nisi singulari aliqua nota, quæ placebit conseruatoribus, insigniti prodeant: Quæ tamen nondum ita erunt liberi, ut se hominum turbis immisceant, vel alienas ædes ingrediantur. Domus quoque ipsæ signis quibusdam notabuntur, nempe suspensio præ foribus velo, nigro, rubro, albo: vel erectis fustibus, aut stramineis fascibus, aut facibus inaccensis: quæ omnia sunt morbi mortifere signacula. Si quis etiam sua sponte huiusmodi ædes fuerit ingressus, similiter non nisi signatus ad dies quatuordecim prodibit. Aegri verò & domestici, illi curatiui, hi præseruatiui medicamentis sibi debent consulere, vel priuato sumtu, qui ferre possunt: vel publico, qui inopes sunt. Medicina enim Dei donum est, & medici Dei ministri, quorum opera Deus sanitatē plerūque efficit: tametsi, cum vult, absq; his idem potest, qui omnia potest. Sed tentare illum non licet, neq; miracula poscere debemus, dum quod requirimus, sine miraculis consequi possumus.

Huc quoque pertinet, ut parientium mulierum ratio habeatur, quæ nequaquam propter contagij metum deferendæ sunt, sed si fuerint suspectæ, iuuandæ sunt fideliter, præcipuè ab obstetricibus alijsq; sceminis, quæ ad hoc constitutæ & publ. salario conductæ erunt.

13. Duo ædifica, Loemodochia vocata, sat ampla, materia solida, aere septentrionali, forma apta, in semota vrbis parte, vel potius extra urbē

adque aquas fluentes instruenda sunt: Alterum in sanorum quidem, sed tamen suspectorum vsum, alterum ægrorum: Non contigua, neque se mutuo in admittendo boreali vento impediencia: Cubiculis paululum elatis, minimèque vmbrosis: fenestris ad orientem patentibus. Cōclusus autem aer admodū noxius est: cuius sunt horrenda visa exempla. Hæc autem potissimum in principio morbi, cum rarior est infectorum numerus. Nam in maxima ægrorum frequentia & vniuersali vrbis affectione, vix hæc satis erūt, quantumuis omnia studiosè obseruentur.

14. Magistratus, quando de necessarijs reipub. personis & rebus prospectum est, potest quibusdam, vt mulieribus, pueris, mollibus, senibus aliisque inutilibus, qui nihil iuuare, & plurimum obesse possunt, ceu sūt in cōmunibus incendijs, vel vrbium obsidionibus, libertatem secedendi dare: Et qui tunc secesserit, neq; ignominia, neq; desertæ fraternæ charitatis damnandus est. Alio qui fugere nemini est liberum, præsertim si non fame, altera peste, alium locum querere cogatur.

Quod si autem certis signis constet, citra negligentiam hominum & causas naturales immediatè à Deo pœnam hanc immissam esse, tantum abest vt sit fugiendum, vt potius castigationem paternam patienter ferre, & mitigationem humiliter precari debeamus. Non autem omnis pestis Diuina propriè dici potest, sed quandoque natura, quandoq; negligentia & temeritate no-

stra oritur. Hic quin omnia salutaria consilia & remedia expetere & sequi debeamus, dubium non est.

15. Si moriantur aliqui (quod eo tempore assiduum est) illi neque nimis tardè, neque nimium festinanter efferri debent & sepeliri. Vtrobique enim periculum est, & incommodū. Quare moderatio adhibenda. Fiet autem per illos, qui ad hoc singulariter sunt constituendi, vt libitinarios, bustifabros, expiatores: quos decet sedatè & modestè hanc prouinciam obire, imitantes sanctos quondam homines, &, quod magis est, Dei angelos, qui ipsi quoque aliquando hoc officium administrarunt. Fiet item absque frequentia hominum: Et si quæ solennitas adhibenda, ea quàm minimo concursu & sumtu peragenda est, ne in morte videatur quæri ambitio, & vetus salua funebris pompæ resorbeatur.

16. Cœmeterium autem, in quo sepeliendi sunt, extra vrbis pomeria instaurandū est, conuenienter amplum, loco non humili neque vdo, versus septentrionē, figura circulari, muro cinctum lapideo, cratibus in vestibulo, & valuis sponte, cum apertæ fuerint, concidentibus, vt bruta arceri possint.

17. Postquam autem cadauer elatum est, domus illa funesta, ac res omnes, quæ in ea

sunt, cum singulari diligentia expianda, apertisque fenestris, illustranda, igne suffienda, parietisque calce dealbandi. Res viliores exurendæ, aliæ lixiuo eluendæ. Tandem omnia odoriferis herbis, floribus & fructibus conspergenda. Atque hæc per eos, quos diximus, pollinctores, expiatores, elatores, vel ipsos, si adsunt, domesticos perficiunda.

18. Quicumque autem superstites sunt, certis legibus coerceruntur illi quidem, similibus ferè, ut dictum de his, qui cum egro sunt, domesticis. Qui ergo inter eos sani fuerint, si exire domo voluerint, virgulâ, ut & illi, albam manibus gestabunt. Qui autem infecti fuere, & utcumque non plenè tamè restituti sunt, non temerè egredi licebit, quandiu non satis fuerint expiati: ad quod bimestre spatiû minimû requiritur. Qui verò actu iam hoc morbo laborant, nequaquam fas erit in hominum cœtu inueniri, sicut in veteri testamento leprosis non licuit inter mundos versari.

19. Has constitutiones unusquisque pro modulo & officio suo diligenter conabitur obseruare, tanquâ & sibi priuatim, & toti societati maximè utiles & necessarias: Qui religione ducetur, ut existimet se Dei voluntati resistere, siquidè punitione eius nitatur humana industria auertere, is sinet se rectiùs institui, ne ipse conscientiz suæ laqueum iniiciat. Qui verò socordia & morositate publicam salutem contemserit, hic sciet se

chari-

charitatem grauitè lædere , & quasi in proprium corpus peccare.

20. Postremò qui cessator & infidelis in officio suo fuerit deprehensus, pro delicti ratione poenam ferre debet: quam poenam conseruatores moderabuntur vel multa pecuniaria, vel nota aliqua ignominia, vel dignitatis officiũ suspensione aut priuatione, vel carcere, vel extremo mortis supplicio.

Atq; hæc hætenus de officio fidelis & prudentis Magistratus tempore pestilentia adhibendo dicta sunt. Quæ si cui fortè noua videbuntur, etsi plerisq; in locis omnino inusitata non sint, is sciat nouum nos institutũ moliri: nouum, inquam, fortassis alicubi, aut saltem aliqua ex parte nouum, sed neutiquam tamen inutile, aut nõ necessariũ. Ob id autè salutaria consilia nõ sunt aspernanda, quòd noua sint: Omnia enim quæ nunc vetera sunt, & cum ratione longo tẽpore constituta, olim noua fuẽre. Nec sequitur: hoc nouum est, ergo repudiandum. An enim manus Dei abbreviata est, vt nostris temporib. nihil reuelare possit, quod prioribus fuit ignotũ? An nõ assiduè noua prodeunt pharmaca, quorum vsus maioribus nostris incognitus, nobis cum sũma vtilitate & fructu innotuit? Quamobrem, qui ita iudicant, quod cuiquam inusitatum est, id recipiendũ approbandũq; nullo modo esse: nimium arctis vinculis Magistratũ alligant, vt de grauissimis nec antè auditis sibi causis omnẽ delib-

randi

randi potestatem ei præseindant: longè à principis illius Homerici consilio dissentientes, qui urgente necessitate, Νῦν δ' εἴη (ait) ὅς γὰρ δέ γ' ἀμείνονα μῆτιν ἐνίσκοι, ἢ νεὸς ἢ παλαιὸς, ἐμοὶ δέ κεν ἀσμένω εἴη.

Cùm igitur omnibus reipub. officijs aliquot præfecti sint, qui singulariter illarũ rerum curã gerunt, quarũ administratio illis est demandata, ne quid perperã aut ἀτάκτως fiat, spero cordatos magistratus hũc quoq; facillè consensuros, vt hanc nouitatẽ in suã recipiant rempub. Quæ etsi insuetis durior fortè videbitur: vsu tamẽ mollescet, & fructu suo se ipsam reddet paulatim commẽdabiliore. Quod si quẽdam ex alijs autoribus transtulisse me clamabunt momi, exempla habeo, quibus exemplis mihi licere, quod illi fecerunt, puto. Quàm multa, penè omnia in suas comedias ex Menandro trãstulit Terentius? Et in poẽsin suã ex Homero Virgilius? Ciceronẽ etsi summo ingenio & eloquentia, imò eloquentiæ parentẽ non puduit tam multa passim ex græcis autoribus in sua scripta traducere, vt quorundã interpretes potiùs quàm auctores esse videatur. In Iurisprudencia, in Medicinã, in Theologia nihil ferè, aut parũ admodũ habet recentiores, quod à veteribus non hauserint: ex quorũ etiã libris non verentur verbotenus quàm plurima excutere, & in subsidiũ suæ causæ, etsi sæpe non sine falsi suspitione, scriptis suis infarcire. Atq; hæc in eadẽ aliquando ab alijs tractata materia facitiant

illi quidē: quantō maiori igitur iure ego, qui rem forte non vsquequaque nouam, tamen à nullo, quod sciam, articulatē & vniuersim descriptā tracto, si quę idonea visa sunt, ex bonorū autorū monumentis instituto meo adaptaui? Non est flagitiū, aliunde accipere, quo quis sine alterius iniuria vtiliter vti queat. Corniculæ Aesopicæ est, alienis plumis sibi non conuenientibus inconcinnē se ornare, & temerē gloriari: prudentis autē scriptoris, vndecunq; quæ apta vtiliāq; rei propositæ sunt, desumere, & negotio suo ritē accomodare. Magna enim laus est, veterū instituta diligenter scrutari: maior autē, inuenta fideliter seruare: siquidem illi viam laboris virtutibus suis aperuerunt, nobisq; iter intelligentiæ suæ sapientia reliquerunt.

Quod si etiā pleraq; quæ hīc requiro, factu videbuntur difficilia, quōd alijs opes, alijs opportunitas, alijs prudentia desit: tamē improbandū non est, rectissimā agendi normam proponi, ad quam quisq; quoad potest, res suas instituat. Exemplar enim & imago, secundum quæ aliquid fieri debet, omnibus numeris absoluta esse oportet, vt imitatio fiat cōmodissima. Cū enim nihil fermē imitando ita exprimi queat, vt archetypo suo per omnia reddatur simile, imō vt non multis parasangis ab eo relinquatur imperfectius, hæc erit summa laus imitatoris, vt quod imitandū sibi proposuit, proximo attingat gradu. Est aliquō prodire tenus, inquit poeta, si non
datus

datur vltra: Et de sapientibus Euangelicis vulgari versiculo dicitur: Ibant quod poterant, quod non poterant, ibi stabant. Scio facilius esse consilium dare, quam imitari: sed nihilominus optimè semper est cōsulendū. Si enim agendi rationi aliquid desit, haud dubiè plus deerit actioni, quæ secundū rationē instituenda est. Nunquam talis orator fuit, qualē describunt Cicero & Quintil. Neq; talis medicus, qualē desiderat Galenus: neque talis Respub: qualē informat Plato: neq; talis Ecclesiastes, qualē depingit Erasmus: neq; deniq; talis Ecclesiā, qualē requirit Christus. Hæc, inquam, etsi nullo tēpore tam sunt reperta perfectæ, quam perfectè ab illis definiuntur, tamē formam eorū omniū absolutissimā ob oculos nobis constituendā putarunt, cuius intuitu cogitationes actionesq; nostræ vniuersæ regerentur. Quæ cū ita sint, quis me iure reprehendat, quod quædam fortè exactiùs, quàm aliquæ respub. possint imitando perficere, requirā? Quare qui nihil aliud, quam facultatū inopiā sibi obstare causabūtur, accipient saltē in bonā partē, quod ex animo bono profectū est, bonū & salutare consiliū: Et quod reliquū est, Deum patrē & filiū eius Iesum Christū, verum omnis mali Auerruncum ἡ ἀποτροπαῖον, vt suū in nobis vitale donū quàm integerrimū conseruet, ac ad nominis sui gloriā, vitæ nostræ emendationē animarūq; salutē, nos à pestilenti hoc contagio præseruet liberetve, mecum ardentè implorabunt, atq; in hunc modum inuocabūnt:

O DEVS aduersis spes & fiducia rebus,
 Certa salus, vita praesidiumq; mea.
 Adsis, & merita parcas, pater, immemor ira.
 Et populi lachrymas respice, quaeso, tui.
 Respice per Christum te supplice voce precamur,
 Nec rigido in fontes iure seuerus age.
 Vt quondam Dauid pro crimine poenam admissio
 Sustinuisse grauem, pagina sacra refert.
 Cum decies septem triduo (miserabile visu)
 Millia grassanti disperiére lue.
 Sed fassus planctu commissam denuò culpam,
 Mox oculos veniam repperit ante tuos:
 Et scelus & sceleris patrati noxa remissa est.
 Ira caussa tua qua solet esse tibi.
 Nos etiam facinus vel par, vel grandius illo
 Urget, & aquali culpa luenda cruce.
 At te humili oramus Deus & pater optime voto,
 Ne, precor, in tanto plecte furore reos.
 Sed miserere Deus nostri, miserere precantum,
 Irrita nec ventis nos dare vota sine.
 Adsis, & merita parcas, pater, immemor ira,
 Et populi lachrymas respice, quaeso, tui.
 Respice, te quaeso per Christum, nomine cuius
 Omnia facta tibi vota placere solent.
 Cui tecum aequalis debetur tempus in omne,
 Quippe coaeterno, gloria honorq; Deo.

A M E N.

W



171

1. The first thing I did was to
 go to the office and see
 what was going on. I found
 everything in a state of
 confusion. The papers were
 all over the place and the
 files were not in order.
 I then went to the
 bank and saw the
 manager. He told me
 that the money was
 all gone. I was
 very disappointed.
 I then went to the
 police and told them
 what had happened.
 They took my statement
 and then I went home.
 I was very sad and
 thought about the
 money I had lost.
 I then went to the
 bank and saw the
 manager. He told me
 that the money was
 all gone. I was
 very disappointed.
 I then went to the
 police and told them
 what had happened.
 They took my statement
 and then I went home.
 I was very sad and
 thought about the
 money I had lost.







